



東方雜誌

第二期 第三期



東方雜誌售例

- 一 本雜誌零售每册大洋銀二角五分外埠加郵費五分
 - 二 預定全年十二册本埠大洋二元五角外埠加郵費洋陸角外國加郵費洋一元五角香港澳門青島三處與外國同日本與外埠同至未通郵政之處民局寄資閱者自給
 - 三 凡至總發行所定購者務請將資費送交總發行所收銀後當付收據惟報資未能照章寄足者祇可照零售例每册以大洋銀二角五分計算寄足應得册數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折十份者八折
 - 六 在總發行所定購者如遷徙他處務託妥人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清繳賬項照通例以八折核算餘二折作為酬勞惟至少以五份起碼代售至二百五十份者七折五百份者七折七百五十份者六折一千份者六折再折扣悉依原定全年報資核算如一千份者六折即每份以大洋一圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
- 有正書局 保定府官書局 湖南長沙集益書社 常德啓智書局 湖北武昌文明書局 中東書社 新政書局 總派報處 漢口 商務印書館 江左漢記 廣東開新書報公司 聖教書樓 英文書莊 江西南昌廣智書莊 南京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

東方雜誌第三期目錄

圖畫

德國安特勒勃城

德國義倫倍意城

暹羅王城

暹羅湄公河

社說

選論附

論政府對待外人宜力戒迂緩之策 本社撰稿 谷音

養民氣論 本社撰稿 谷音

論英國與殖民地之關係 節錄正月二十二日時報

論日俄將議和時之中國政府 錄正月二十五日中外日報

論遊勇與順民 錄二月二十日中外日報

論各國保全中國之不可恃 錄乙巳第四號外交報

諭旨

正月二十六日至二月十八日

內務

徐州建行省議 錄二月初七日中外日報

論蒙古改設行省之不可緩 錄二月十六日時報

論中國政散民流之故 錄二月二十三日中外日報

署貴州巡撫曹奏遵議學臣條陳黔省應辦事宜摺

署兩廣總督岑奏請革除門丁片

各省內務彙誌

各國內務彙誌

軍事

防守長江策 錄正月三十日時報

論議興海軍事 節錄二月初五日新聞報

兵部奏核各省綠營兵冊摺

練兵處奏定陸軍服制摺

前署閩浙總督魏奏閩省遵章變通編練新軍摺

前署江蘇巡撫端等會奏籌議裁併續備各營改練步隊更定營制餉章摺

署湖南巡撫陸奏拿辦會匪彙案造報摺

新疆巡撫潘奏改世襲兵為常備兵摺

江陰破臺洋教習遵將破臺情形及擬整頓各條稟陳

兩江總督文

各省軍事紀要

日俄戰事紀要

威廢附近戰

中立業誌

俄兵去聲

俄艦橫來

各國軍事紀要

教育

各國海軍最近比較表

論教育普及宜注重初等小學及變通語言文字

正月十九日新聞報

學務大臣奏遵擬考驗出洋畢業學生章程摺

外務部學務大臣會奏遵議出使比國大臣楊奏西洋

游學辦法摺

商部奏改南洋公學為高等實業學堂摺

河南巡撫陳奏開辦河北中等蠶桑實業學堂摺

河南巡撫陳奏籌設豫河客籍學堂摺

熱河將軍松奏籌建熱河陸軍武備學堂摺

前閩浙總督魏奏籌款派送學生赴日本學習師範專

科並請編發教科書摺

各省教育彙誌

各省游學彙誌

各省報界彙誌

僑民興學

財政

各國教育彙誌

論公債 錄二月十七日時報

前閩浙總督魏咨行兩江兩廣兩湖督撫議郵包收稅

專文

分省補用道高觀察爾嘉上直隸總督袁合辦華興銀

行稟

合辦華興銀行章程

乙巳年應解洋款表

各省理財彙誌

各國財政彙誌

實業

論宜自造機器 商務第三十七期商彙誌

商部咨行各省宜用土法開採小鐵文

湖南鑿牧公司條議

江浙魚業公司漁會章程

各省工藝彙誌

各省礦務彙誌

交通

論查勘淮揚運河事 七月十四日新聞報

商部推廣內河行輪奏摺

江西通省鐵路會擬辦理簡章

各省航路彙誌

各省郵政彙誌

各省鐵路彙誌

各省電政彙誌

目 錄

宗教

兩江總督魏照會日本領事文

浙江巡撫蔣札藩司歸安教堂購地速行議結完案文

直隸總督袁摘錄律例禁止教民滋事示

法國禁閉教會學堂新例 譯法西報

各省教務彙誌

小說

雜俎

叢談

三

乙巳




目録



目録

三月



城勃勃特安 國德



城 意 倍 倫 義 國 德

商 務 印 書 館 出 版
類 史 歷

法國波 留氏原著

日本中島端君譯漢

第一

編定價洋

四角

第二

四角

六角

俄羅斯

第一編全

是書爲法國學士會員波留所著先論俄羅斯地勢氣候人種次論俄人性情氣質以至社會政治宗教縱橫評論凡事物之可考者固無不載即委巷謠俗民間疾苦外國人士所不能知者索隱闡微窮極真相中肯綮導窺卻如庖丁解牛豁然洞然有心經世者得此書讀之於俄國形勢俄人情態一指掌間自有餘師全書三編約一十萬言歐美諸國競相傳譯聲價甚著日本專門學校譯爲和文原名露西亞帝國本館特請日本精通漢文之中島端君秉筆譯文再請通人校訂潤色文筆雅暢無滿紙沙石之憾

軍飛天標

守田治兵衛
大日本
商標

此丹係守田治兵衛氏所製。其效如神。凡患霍亂吐瀉腹痛痧症胸膈脹痛宿食不消身熱倦怠不思飲食頭暈眼花寒熱交作眩暈猝倒不省人事或水土不服受瘴癘穢毒成疾等症無論男女老幼俱將此丹二分用冷水送服諸患立愈起死回生應效如神倘症危急再加三分照前服之即保平安此丹係祖傳秘方親試數十年屢有靈驗不遠枚舉真可為濟世之至寶也凡四方君子居家最宜常備以待不時之需富商大賈皆當珍佩以應來往親朋之急此丹又兼治蜂蝎叮咬一切毒蟲宜將此丹和口津擦敷患處痲痛立愈若誤食毒物及酒醉性亂等症宜照前開服則復平安如常是以守田實天下今有無耻影射之徒假冒甚多藥品好丹名馳惡關係不淺特祈認明東京市池之端仲町貳拾七號所有地守田治兵衛字樣並入稜鏡商標及大日本守田實丹商標為記庶不致誤

MORITA'S HÖTAN

起死 寶丹

大正二年始製。其效如神。凡患霍亂吐瀉腹痛痧症胸膈脹痛宿食不消身熱倦怠不思飲食頭暈眼花寒熱交作眩暈猝倒不省人事或水土不服受瘴癘穢毒成疾等症無論男女老幼俱將此丹二分用冷水送服諸患立愈起死回生應效如神倘症危急再加三分照前服之即保平安此丹係祖傳秘方親試數十年屢有靈驗不遠枚舉真可為濟世之至寶也凡四方君子居家最宜常備以待不時之需富商大賈皆當珍佩以應來往親朋之急此丹又兼治蜂蝎叮咬一切毒蟲宜將此丹和口津擦敷患處痲痛立愈若誤食毒物及酒醉性亂等症宜照前開服則復平安如常是以守田實天下今有無耻影射之徒假冒甚多藥品好丹名馳惡關係不淺特祈認明東京市池之端仲町貳拾七號所有地守田治兵衛字樣並入稜鏡商標及大日本守田實丹商標為記庶不致誤

官許本家 東京市池之端仲町 守田治兵衛

大醫學校免許

MORITA JINBEI
No. 27, Nishicho, Nishi-ku, Tokyo, Japan.

本舖 守田治兵衛

大日本東京市池之端仲町
二十七號所有地

揀選藥料。精工鑿製

此丹常治中暑霍亂吐瀉腹痛痧症胸膈脹痛宿食不消身熱倦怠不思飲食頭暈眼花寒熱交作眩暈猝倒不省人事或水土不服受瘴癘穢毒成疾等症無論男女老幼俱將此丹二分用冷水送服諸患立愈起死回生應效如神倘症危急再加三分照前服之即保平安此丹係祖傳秘方親試數十年屢有靈驗不遠枚舉真可為濟世之至寶也凡四方君子居家最宜常備以待不時之需富商大賈皆當珍佩以應來往親朋之急此丹又兼治蜂蝎叮咬一切毒蟲宜將此丹和口津擦敷患處痲痛立愈若誤食毒物及酒醉性亂等症宜照前開服則復平安如常是以守田實天下今有無耻影射之徒假冒甚多藥品好丹名馳惡關係不淺特祈認明東京市池之端仲町貳拾七號所有地守田治兵衛字樣並入稜鏡商標及大日本守田實丹商標為記庶不致誤



暹羅王城



暹羅湄公河

商務印書館 出版 教科書 新編 國文

初等小學 國文教科書

全部十册 陸續發行

童蒙入學茫無知識而我國文字多半艱深往往有讀書數年不能寫一信記一帳者欲教育普及不可不於國文加之意矣近歲廣設學堂稍稍有編蒙學讀本者然施諸實用都未盡合或程度過高難於領會或零舉字義不能貫串或貌襲西法不合華文性質或演為俗語不能彼此通用有志教育者時以為憾本館特聘通人精心編纂兼聘日本文部省圖書審查官兼視學官小谷重君高等師範學校教授長尾慎太郎君及曾從事中國學堂之福建高君鳳謙浙江張君元濟詳加校訂一字不苟經營數月始成數册陸續出版每册附圖數十幅至百餘幅另加五彩精圖以動學生之興趣書中筆畫生字均有限制按照時令選舉辭詞淺而不俗雅而不與自發行以來頗蒙海內教育家稱許銷流至數萬以上再板數次全書計十册備初等小學堂五年間教科之用倘有高等小學堂應用國文教科書亦次第編印本館尤當精益求精以不負海內士大夫之屬望焉

- | | | | |
|----------|---------|-----|-----|
| 第一册 (六板) | 定價洋一角五分 | 第六册 | 定價洋 |
| 第二册 (四板) | 定價洋二角 | 第七册 | 定價洋 |
| 第三册 | 定價洋二角 | 第八册 | 定價洋 |
| 第四册 | 定價洋二角 | 第九册 | 定價洋 |
| 第五册 | 定價洋 | 第十册 | 定價洋 |

商 務 印 書 館 出 版
新 編 國 文 教 科 書

初等小學國文教科書教授法

陸續 發行

此書與教科書相輔而行教科書為學生所用此書為教師所用進致授學之階段按課分列豫備教授運用之法附以參考及習問以便教師有所依據內地塾師苟應用此書兼參考教育學管理法則於小學師範思過半矣

- 第一册 價洋四角
- 第二册 價洋三角
- 第三册 價洋
- 第四册 價洋

初等小學習字帖

陸續 發行

此帖與本館所編國文教科書相輔而行書中所有者無一不備書中所無者亦不攔入以便隨讀隨寫可助記憶帖凡十册亦備初等小學堂五年之用

- 第一册 價洋一角
- 第二册 價洋
- 第三册 價洋
- 第四册 價洋

商務印書館出版
算學類教科書

學務大臣審定
普通珠算課本

每部一册
價洋一角

無錫誦芬室主人編輯○珠算在尋常日用中最高為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等小學
筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君樞彙經日本教育家小谷重君長尾樸太郎君校訂其程度按照奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價
一册 洋一角五分
二册 洋一角五分
三册 洋二角
四册 洋二角
五册 洋二角

初等小學
算科教科書教授法

全部五册

是書專為教習者實際教授時所用無此則教授時必枯燥無味亦與前書相輔而行

定價
一册 洋二角五分
二册 洋二角五分
三册 洋三角五分
四册 洋三角五分
五册 洋三角五分

新出數學教科書

每部兩册
價洋三角

小學校數學教科書向無善本間有一二非失之繁冗即嫌於凌躐教育家憾焉本書館按照小學程度精心編輯庶有盡有最便實用

商 務 印 書 館 出 版
地 理 書 類

中 國 通 覽

每部一本
價洋五角

是書於中國地理政治工商業等記載明晰扼要刪繁適於實用原本係日文乃為日人來吾國者導引之書吾國政治界實業界中人苟取而讀之則於己國情勢瞭如指掌即用為中學堂課本亦可稱完善者也

最 新 滿 洲 朝 鮮 地 圖

每幅價洋五角

滿韓一隅為近日世界之爭點東亞大局關係於此日俄戰後尤為世界所注目我國士大夫有經營宇內之志挽回時局之心者不可不備此圖

滿 洲 地 志

每部一本 (洋裝)
價 洋 七 角

日本參謀部原本本館譯○日俄交戰實肇端於我東三省滿洲一隅愈為世人注意之點本館先印最新滿洲朝鮮地圖以備世人研究惟有圖無志終嫌未便昔人龍沙紀略松漠紀聞等書皆嫌陳舊茲得日本參謀本部近刊滿洲地志記載精詳調查明確特譯印行世以供留心時事者之參考

社說

選論附

論政府對待外人宜力戒迂緩之策 本社撰稿

谷音

夫天下事最奇最變。最不可測。而禍福之機發之最烈者。莫如外交之緘祕矣。西人之謀國。無事不爲長駕遠馭計。籌之也深。計之也熟。經營辛苦。若甚迂遠。而於外交則剽疾陰悍。每出奇於他人意計所不及。凡世界言公道者所不忍聞之策。外交家無稍顧忌。而卽以此制勝於其間。蘇彝士河之股券。當法蘭西間諜初至埃及。而英人乃以最敏之手腕。攫而置之懷袖矣。德人欲侵略非洲屬地。以削法人之勢。甫萌斯志。而法人乃以最敏之手腕。卻之於談笑之間矣。非欺也。外交之性質。則然耳。故西歐鉅國。相刦相制。而相與進化。各有所顧忌。不敢先發。各畏夫外交之剽疾。而謀之愈祕。持之愈堅。言之愈平和。發之愈劇烈。其極也。危崖轉石。一落千丈。不可復止。美國固力倡平和主義者。我政府信之。我民亦信之。然使各國生心。謀分此土。一人首難。萬國同聲。美人不於此自占其勢力範圍於我中土者。吾未之敢信。非美之多詐也。外交之性質。則然耳。不觀夫德意志乎。彼日日倡道平和。駸駸乎以社會主義自鳴於天下。一聞美人保全中國之言。力表同情。初無難色。我政府信之。我民亦信之。

社說

五十三

乙巳

然按其實際。對於我國。則大行殖民政策。要求迫脅。無時或已。近日蔓延其勢力於南方。非德人之貪也。外交之性質。則然耳。我國在上者。平居無事。既誤視外交主義。爲治內方針。對於國民。則諱之惟恐不深。鋤之惟恐不盡。對於長官。對於政府。則玩弄粉飾。欺之又惟恐不工。相蒙相詐。相誅夷。而美其名曰祕密。重其人曰老成。使反其技。以盡力於外交之間。持國際公法。與列國相周旋。吾恐西歐名家。亦不過如此。惜其用之稍左。遂成今日之局。上下隔閡。人各相欺。嗚呼。何其誤也。夫既表裏倒施。以外交爲內治。則對於外人。自不能有所表見。旅進旅退。唯唯從命。或且趨慕時風。太息慷慨於強弱之懸殊。以爲外交之術。無可復用。而不惜委屈。以就外人之意。遭時詬病。其心乃不白於天下。亦可悲矣。吾獨謂近今政局。於外交。界似不如從前之懦弱。開平之案。以健訟而得直。潮汕鐵路之案。於其要求過甚。大傷國體者。竟予刪除。粵漢鐵路。其初幾於鑄鐵難移。然以清議譁然。近亦有幡然變計之勢。主張廢約。而尤可喜者。則在請列海牙之會。是數者。皆不可得於數年以前。今則以時勢瀕危。激而彌進。使我政府能永持此義。不出數年。我國外交界之活動。已可想見。此足爲我國前途賀者也。雖然。此在國家承平。海內無事之秋。誠哉。其爲進步。今之時勢。則螭蟻沸羹。無可倫比。進步者十之一。而危亡之機。十之九。語其比例。大可寒心。夫我政府非不了然於今之大

局。思有以維持調護之。使絲延不墜。而外人氣燄之赫奕。我政府又何嘗不痛心疾首。思有以矯正而制限之。使不能過逞。然心目中雖已洞若觀火。而發之於腦運之於腕者。又常苦其迂。疏遲緩而無當。急難遷延。復遷延他人籌之。已熟乘吾不備。急起環攻。一紙書三寸舌。已足使我進退維谷。無從因應。而彼乃大得意而去。我雖悔之。嗟矣。何及。此非過激之言也。卽以近事論之。俄人橫暴。對於我國。不知公理公法爲何物。淫虜焚掠。慘酷至極。我民之死於哥薩克兵者。不知幾萬人。此皆中國臣民。無辜赤子。我政府何嘗不惻然動心。使有以沮俄人之毒。而保我民之性命。然且中宵旁皇。不名一策。雖曰以勁卒戍邊。然控弦不發。若將有待。我不知政府之計果何出也。近者日俄之戰。和局已形。而外間忽流傳俄人索我兵費五萬萬之說。以常理論之。此必不根之言。按之公法。決無其理。求之公理。決無其事。然俄人豈復知有理法者。俄人對於我國。甯肯以理法相交際者。事雖無徵。勢所必至。今雖未終。必大著。我政府聞而心悸。要亦常情。雖然。俄人之可畏。匪自今始。我政府謀所以對待俄人之策。亦匪自今始。而終於無補者。非其智之不明。言之不豫也。實曲折迂緩。有以中之旁觀袖手。而火已焚身。噉其泣矣。何嗟及矣。亦終爲釜魚幕燕而已矣。其有幾希。可望者。則在海牙之會。明遣重臣。發表俄人之不道。報告各國。使天下人以公法。

斷。之。一。面。則。拒。絕。俄。人。憤。無。畏。其。恫。嚇。而。尤。要。者。則。在。海。牙。大。會。之。先。密。派。大。臣。擇。歐。美。望。國。託。名。他。故。豫。爲。疏。通。聯。絡。以。沮。遏。俄。人。之。陰。謀。而。破。其。狂。惑。蓋。外。交。必。制。人。於。未。發。之。先。而。後。有。濟。此。固。外。交。家。所。同。認。者。也。火。已。燎。原。始。知。撲。滅。不。待。智。者。而。知。其。不。可。矣。或。曰。各。國。不。應。奈。何。俄。人。實。行。此。事。又。奈。何。卽。各。國。樂。爲。干。預。而。俄。人。不。受。調。停。又。奈。何。曰。此。無。他。甯。爲。玉。碎。不。爲。瓦。全。朝。廷。養。兵。有。年。惟。以。最。激。烈。最。敏。捷。之。手。腕。爲。最。後。之。解。決。而。已。設。猶。因。循。坐。待。延。頸。作。必。不。可。得。之。想。則。吾。不。知。其。伊。於。胡。底。矣。悲。夫。

養民氣論 本社撰稿

谷音

嗚呼。敝履。不。足。以。任。長。途。疲。馬。不。足。以。馳。千。里。彫。零。之。民。不。足。與。圖。立。國。之。本。驗。之。往。古。窺。之。來。今。合。之。理。論。按。之。事。實。夫。豈。不。切。之。語。哉。美。之。民。氣。厚。矣。華。盛。頓。出。而。代。表。之。法。之。民。氣。厚。矣。拿。破。崙。出。而。代。表。之。英。之。民。氣。厚。矣。維。多。利。亞。出。而。代。表。之。德。之。民。氣。厚。矣。維。廉。出。而。代。表。之。日。本。之。民。氣。厚。矣。明。治。出。而。代。表。之。是。數。君。者。宏。護。偉。烈。昭。著。天。壤。聞。其。名。者。無。不。咨。嗟。歎。息。崇。拜。不。置。雖。然。我。古。亦。嘗。有。之。周。之。養。民。厚。矣。傳。祚。八。百。年。凌。夷。之。日。猶。無。苛。政。暴。斂。犯。天。下。大。不。韙。者。故。其。亡。也。亦。無。干。戈。流。血。之。慘。秦。起。西。陲。其。先。世。蓋。亦。有。以。養。民。者。矣。故。孝。公。乘。之。卒。霸。西。戎。漢。文。景。之。世。家。有。餘。粟。女。有。餘。布。雖。文。法。稍。嚴。而。民。氣。則。大。可。

用。武帝因之而勤遠略。橫玉門。斷漠北。出師疆域之表。轉餉千里。而民不敢叛其上。此亦民氣之可以一用耳。雖然。斷聞遺事。代遠年湮。不可窮詰。抑或出於史家誇大之言。後人附會之筆。未可知也。況吾人生數千百年以下。坐視國家零替。空言抗論。無尺寸補救於世。而喋喋然述其祖先之功德。亦可悲矣。然空言者。事實之母。吾君不能。昔賢所戒。我又何忍終祕矣。夫日本以孤懸海國。地方當我一大省。人民不過五千萬。而遠東之績。披靡強俄。赫然爲世界第一等國。功亦偉矣。當其揮戈發旆。舉全國民心同仇敵愾。壯夫宿將。忘身家性命。蹈死而不顧。妻孥老弱。手壺漿。送其父兄夫婿於車驛者。踵相雜。萬歲之聲。不絕於耳。感情之醜。郁使其父兄夫婿。人人有必以死命報國民愛我之心。吾人於此。蓋嘗歎息流涕。謂日本戴千年一系之皇統。其祖宗遺澤。不知若何深遠。是以王命所出。奉之如流。驅車逕發。蹈水火不辭。嗟乎。是安可得之於中國哉。然其卓識之流。發爲偉論。則又兢兢業業。不以戰勝爲喜。而三致意於培養國家之生氣。其意曰。當禦侮敵愾之日。民心激越。知國家而忘箇人。誠戰代之常態也。然戰爭非經國之常務。民心欷側。易遭反動。戰爭甫畢。民不安其本分。羣言靡雜。因而撓之。古有戰勝而國亡者。徵之歷史。不一而足。是無他。經國者流。狃於民心之可用。忘其大源。戰爭愈久。狃之益甚。斯失之愈遠。國家命脈。凋零萎縮於不知不覺之地。國民生

氣爲之索然。祖宗歷世之愛護撫育。蕩然掃地。亦可憂矣。嗚呼。是非所謂危言聳論歟。我國近數百年以來。去古愈遠。寢衰寢微。至於今日。民氣無可復言矣。而說者不能洞知本原。徒以無謂之言。粉飾太平。至於民氣之不揚。民心之日敝。無敢爲一言以指陳於當世者。又何其謬也。不然。二百數十年來。休養生息。不可謂不厚矣。又何其一蹶不振。至於如此也。夫紀念碑。黃金塔。凱旋門。矗立於霄漢。世界文明國所引爲至榮者也。然碑可鑿。塔可圯。門可仆。飄風急雨。從而飄搖之。嚴霜烈日。從而剝蝕之。更數十百年。亦終於寥落廢壞。黯然寡色而已。嗚呼。世界有不變之物。爲國之大本。大原。歷萬劫而常新。風雨不得而蝕之。霜日不得而壞之。世界無窮期。金剛不壞身。其物維何。是曰民氣。民氣者。國家生存之要素也。夫民氣生於民力。養民氣者。必先厚民之力。所謂民力者。又非僅煦嫗噢咻而卽所謂盡其義也。又必假之以權。權有三。曰兵。曰財。曰教育。地方分其治。而天府綜其成。條理秩然不紊。東西洋望國成例具存。不可更僕數。民有兵而外人不敢侮。民有財而實業不難振。民有教育而人人知國家之可愛。三權鼎立。而民始不敢爲亂。夫民之所以儉薄無恥者。亦以其終身不能自立耳。設隨其量。因其時。制其宜。坦然而付之。民然後有尺寸之憑藉。知國家爲我身之物。卽以其簡人之私心。爲鞏固疆圉之大計。然後賢者得以自效。不肖者無從蒙其上。人人知有

國雖極無恥者不敢爲梟獍之行。由是言之。官權無從濫施。清議始有實力。而民氣於以大伸。雖列強無敢不聘貽而退。而中國前途乃得幸存於世界。庶幾無流血不仁之慘。此又我民之幸福矣。非然者。上下相蒙。不知綱紀。雖一皂隸。猶得左右於其間。匪止相蒙也。又相忌焉。政權不平。財權不平。兵權不平。夫旣然矣。而昧者猶倡爲中央集權之說。睚眦頑梗。益有以動天下之疑。以爲朝廷風旨。別有所在。吾民四萬萬。終不得與於天地覆載之中。向所云。直利我民之愚。而有以誣我耳。嗚呼。上下至於相忌。其流弊又必出於相賣。政局日非。民心日壞。囂張偷竊。上不能有以制之。其極也。爲孤注一擲之計。假外兵以平內亂。倒太阿以授途人。而民亦依附爲奸。託外人腋下。以發其祖宗之邱隴。亦所不顧。其流毒乃盡於此。而國家乃真無可救矣。嗚呼。專制政體。至不能制其民。而民氣蓋亦無足觀。說者猶斤斤然於民氣之或伸。朝夕思有以撓之。又何其不知本末至於如此也。

論英國與殖民地之關係 節錄乙巳正月二十一日時報

今之泱泱強國。握海上霸權者。非英國乎。乃其本國之三島。面積不滿百萬方里。人口僅五百萬。而一旦發揮光大。至於是極。豈不以殖民地徧於全球。足以供其長袖善舞。多財善賈之用耶。是故英之有殖民地。如猛虎之傅羽。翼殖民地之於英。如手足之衛頭目。不可一日

離也。萬一。紐絕。則運動不靈。而英國之前途危矣。英人亦熟審之。觀前年張伯倫大臣之游歷非洲一帶。其用意可知。然則欲論英國之將來。當先論殖民地之關係。而欲論殖民地之關係。當先明殖民地之性質。

殖民地者。普通名詞也。而其性質則有種種區別。今就經濟上觀察之。畧分三種。

甲。全服從英國者。於財政上之關係最巨。不獨為英國工商業之大市場。又能供給品物於英國。且為英人資本放散之地。若印度非洲保護諸國者是。

乙。主於兵略上之運動。隨其地勢之重要。以張海軍之權力。而商業之發達亦因之。如慈勃

雷打海峽。麻羅坦島。塞勃拉司島。錫蘭。新嘉坡。香港。檳榔島。紐旦尼斯。甫志。太平洋諸島。福

爾蘭特諸島。西印度。英領達安拿。馬尼達諸島者是。而地中海沿岸。則尤海軍之主要地焉。

丙。名為屬地。而皆有自治政體。有政府。有議會。於英國財政。無甚關係。惟英皇有簡派總督

駐紮監視之權。如北美之加拿大。及福特蘭忒。南非之喀濮。並奈特爾。澳洲之喀衣司南忒。

約塞斯。維爾塞。撒奇泰利亞。南部澳司大利亞。西部澳司大利亞者是。

以農立國者。便於自守。以商立國者。利於交通。英自擴張領土以來。製造品之輸出。日甚一

日。於是全國人民趨重於工藝一途。而農業因之衰頹。不足供全國食料。勢不得不有賴於

外來之輸入。約計每歲耗去四億五千萬鎊之巨額。而英不以爲意。蓋其每年工業輸出之費。足以相抵而有餘也。

雖然英之獲此巨款於輸出品者。皆由各殖民地爲之消費場耳。設一旦各國改用保護貿易主義。

則泰西商學有二大派。其一主自由貿易之說。謂萬國交通。彼此交受其益。不可設爲限制。不惟本國貿易之利。且以則英之商業。頓受困難。此非一人之譚言也。徵之近年。如澳洲殖民地之關稅案。加拿大聯邦之關稅案。美國笛喀立之關稅案。皆有趨於此點之勢。蓋英屬殖民地。印度。非洲。而外。皆有獨立之立法權。能自由增加關稅。使彼因獎勵本國之工業經營。財政之收入。而於英國進口之貨。加抽重稅。固意中事。英亦無如之何也。

日中則昃。月盈則虧。盛衰之理。相爲循環。英以叢爾三島。一躍而爲世界第一強國者。以領土廣大故。今日欲保勢力於不衰。而爲極困難之事者。亦以領土廣大故。故殖民地之向背。離合。卽英人。生死存亡之機關。而果能使殖民地一合而永不離否。又大英歷史上之疑問。不獨旁觀者無以推測。卽英人亦莫不孜孜研究。而不敢視爲高枕安臥之時也。

英女皇維多利亞當國六十年。實英國全盛時代也。印度大君后之榮名。焜耀寰宇。故當其舉行六十年祝典時。英人卽利用此時機。而組織二方法焉。一則對於列國爲示威之運動。

社說

六十一

乙巳

一則對於殖民地爲統一之籌策。

英人以爲既爲世界第一強國。又值非常大典之時。萬乘親臨。列邦屬目。則其色相之莊嚴。聲威之赫濯。必當極未曾有之大觀。使各國驚其內力之富強。而不敢與爭一世之雄。乃於此大典禮。極力鋪張揚厲。是日女皇駕七寶花車。繞行英京街市一周。入色羅教堂。三十餘國代表者。十一殖民地宰相。皆追隨寶輦前後。若繁星拱月。又以蘇格蘭義勇隊。編成印度土人。及非洲土人軍隊形式。號爲防禦帝國名譽軍隊。翼日。又行海陸軍大演習。凡此皆所謂示威之運動。而藉以消列強嫉忌之萌。懾弱小畏服之志也。

立國於歐洲之上。而冠以威嚴孤立之美名詞者。英國是也。西文書如此然欲常享此美名。必當維新其地位。則舍殖民地統一而外。無他道也。果舉殖民之名。悉隸版圖。則宇內各國。誰與京乎。惟其名爲殖民。而實則獨立。如上所舉丙種殖民地。皆可自由立法加稅。英國不過羈縻之使勿絕而已。一旦離母國而獨立。又非如印度屈服於英人之不易也。故英人刻意經營。虛心聯絡。乃於六十年祝典。風示各殖民地之宰相。來朝者凡十有一人。爲各殖民地代表。英人大歡迎之。女皇則宴饗優渥。恩禮有加。蓋汲汲乎求得其歡心者。實欲動以帝國統一之感情。而調和殖民地之離畔而已。

雖然。天下。智。者。豈。獨。英。人。哉。英。人。不。能。與。之。結。不。解。緣。而。徒。牢。籠。之。彌。縫。之。雖。或。收。效。一。時。未。有。能。長。治。久。安。者。危。哉。英。之。殖。民。地。其。不。免。瓦。解。之。一。日。乎。

吾聞加拿大聯邦宰相洛盧於大祝典日。在燕席演說曰。加拿大而欲獨立。無論何時。均可離英而自立。然無復爲此者。則以加拿大於實際上。實一自立國也。及其去英之法。又演說曰。加拿大果永遠爲英之屬地乎。恐將有脫離英國主權之一日也。觀其兩處之言。互異如此。則加拿大人民。對於英國之感情。可見一斑。

澳洲宰相蘭頓氏曰。我澳洲雖爲英殖民地。然英人斷無權以侵我人民之自由。若英欲藉母國之威以干涉我。則兩國之關係。可從此斷絕云。

紐西蘭宰相息東之言曰。英以我殖民地故。多設澳洲警備艦隊。豈有疑於我乎。彼亦知俄殖民地。爲一純然之自治國乎。

解考脫利亞宰相且那氏。論英與殖民地經濟上之關係。曰。我邦課重稅於外國之輸入品。此保護國稅之通例也。則凡課一切外國品物。雖母國亦不能免。且關稅之收入。每年可二百萬鎊。以政府之一大財源。誰肯輕稅率以自薄其財政。況我邦工藝製造。未甚發達。是尤不能廢保護稅之時。及是時而增加輸入之稅率。以壓制外國輸入之競爭。此自治國主權

所有事也。

社說

六十四

三月

以上各殖民地代表之議論如是。則其與英國之關係亦微矣哉。英既不能於自治殖民地。定工商業之基礎。則於經濟上之根本動搖。即於本國生存上之要素可危。然則英之於殖民地。果何以處之乎。吾以為惟有二策。上策令自治殖民地各出代議士而列於英京國會。以殖民地為英之一洲。使與母國聯絡一氣。次則承認其獨立自治。而後與之聯盟。如德意志聯邦然。此二策者。或能不拂殖民地之人情。而關係以之益固。若欲舍此而別圖統一之法。雖有智者。未見其可。

嗚呼。世人第見英國今日富強。臻於絕點。而不知其無形之破壞力已伏於其中。英人亦自懼其一旦墮落。必由霄漢而墜九淵。故論英國今日之國。是實居保守之地位。而非居進取之地位也。舉國之人。莫不兢兢業業。為未雨之綢繆。豈於吾所陳殖民地之二策。而見不及此。願乃曠日遲久。猶未決一定之政策。而於女皇六十年大典之時。坐失各殖民地代表者會合之好機會。其失計不已甚乎。夫以沈鷺好思想之撒遜人種。立於世界。幾無不能解釋之問題。而於茲事獨猶疑未決何邪。竊願與有心人共用哲理以研究之焉。

論日俄將議和時之中國政府 錄乙巳正月二十五日中外日報

當旅順未陷以前。世之論者。皆謂旅順一陷。日俄之和議即成。今旅順之陷。五十日於此矣。日俄之真議和與否。雖未可知。而議和之謠言。則已徧傳於世界。竊案今之時世論之。則俄必願和。日亦願和。各國亦無不願日俄之和。其不願日俄之和者。惟我政府耳。嘗試論之。司堵瑟爾。擁強兵。據天險。經營數年。一旦不能守。苦魯巴金。坐視而不能救。魯時立司問斯甘。逍遙海上而不能進。西比利亞之轉運既窮。聖彼得堡之革命將作。俄國此時。若不議和。戰而不已。必至愈戰愈敗。元氣愈傷。恢復愈形不易。及兵窮勢屈。最後仍不免求和。而國勢已一蹶不復振矣。不如於此時議和。國勢猶未大虧。國威猶未盡失。自此以後。一意改良內政。數十年後。未嘗無再振之期。此俄之願和者也。日本之戰俄。初非有成吉斯拿破命之野心。其命義不過迫於自救耳。今一舉而殲俄之海軍。據俄之要塞。攫高麗於脅下。伸權力於滿洲。其自救之目的。業已達矣。其過於此者。皆已之力所未可及。而爲千夫所指者也。與其強取而爲天下忌。何如適可而止。不爲已甚。及時機已熟。則一舉而得。無再阻撓之爲得乎。此日本之願和者也。各國之意。固是不同。然其公共之目的。不過損人利己一語耳。故俄之方強也。各國側目視之。咸惴惴於其侵己利益。欲起擊之。又不肯犯此大難之端。故極望他人起而擊俄。而已得收漁人之利。今日本果以其切己利害之故。出而與俄爭。歷一年而俄不

振矣。各國可以莫予毒矣。然過此以往。則俄人益弱。而歐亞間之屏障將撤。日本益強。而南洋以達遠西之口岸。將危。是亡俄而益一俄也。惟當此俄人已弱。而未盡弱。日本將強。而未大強之時。設法停其機關。則日俄兩力相平。猜防不已。而已乃可以享無窮之利焉。此各國之願和者也。然則俄國也。日本也。各國也。皆願和者也。何中國而獨異乎。曰非也。中國政府所計者。亦不外乎損人利己之一念。惟其為謀至短淺。故與他人異耳。何以言之。日俄一日言和。則中國一日不能守中立。於是外交問題。雜沓而至。置之乎。則人將迫我以不得不應之乎。則將輟其飲食遊戲之樂。而從事於敷衍搪塞之勞。甚非計也。何如日俄終不停戰。中國永守中立之為得計乎。此中國政府之不願言和者也。世有以吾言為謔而近慮者乎。則試觀近日日俄明有議和之狀。各國已露干預之機。凶險之徵。不一而足。而政府且優遊暇豫。為不急之務。毫無政策之見端。非仍預備守中立耶。此吾之所不能無疑者也。

論遊勇與順民 錄乙巳二月二十日中外日報

遊勇順民。其名詞皆向來之所有也。然今日之所謂遊勇順民者。其質性與古不同。乃社會所新製造之品。而大有關於中國之前途。故不可不反覆以研究之。新遊勇之品性。始於周玉帥之殺某幕家丁。夫明明家丁也。其所持者明明。兩江總督之用。

印公文也。而可以一切不問。謂之游勇而殺之。先有欲殺之實。而後加游勇之名。名之所加。何所不可。則是玉帥之前後左右。皆游勇可也。盡金陵之人。皆游勇可也。盡中國之人。皆游勇可也。是無不可殺者也。大清律例。可無用矣。不甯惟是。夫勇者何。國家有事。臨時所募。額外之兵也。游勇者何。國家無事。所遣散。當時募集之兵也。故其由民而變為勇。由勇而變為游。皆國家有以致之。此而可殺。是國家不啻明告天下人。萬不可以從軍。而束手以受人屠割而已矣。由是言之。真游勇。尚不可殺。而何況乎其為假游勇。然而則竟以為游勇而殺之矣。而人亦無為之誦冤者矣。

新順民之品性。始於庚子年。聯軍入京城時。無恥之徒。置旗大書某國順民於其上。以求外人之保護。多有由此而獲安全者。其後乃成為故智。不必果遇兵事。但使欲免政府糾葛。無不倚一外人。以為護符。諸如此類。雖無順民之旗。要皆具順民之資格者也。此事原理。亦不能盡謂人之無良。因中國政教。向無保民之義。千古以來。閉關獨立。不與外通。故民之受其荼毒者。皆無所告訴。有自經於溝洫耳。而今日則外國權力。行於中國。中國政府。無如之何。民之不逞於政府者。自不能不赴訴於外人。以為求庇之地。此近來為順民者之所以多也。而政府不悟。尚從而逼移之。則吾民之悉為順民。可翹足而待矣。

游勇順民。二者之質性已定。則吾人當何道之從。亦可以解決矣。蓋游勇者。無外人保護者。也。即受中國法律者也。官吏所可任意誅戮者也。社會之所不見憐者也。順民者。有外人保護者也。即不受中國法律者也。官吏之所致敬盡禮者也。社會之所歡迎者也。故為游勇則辱則死。為順民則榮則生。出乎游勇。即入乎順民。出乎順民。即入乎游勇。中間幾無可駐足之地。然則人亦胡為不作順民哉。

抑更有一說焉。為順民矣。固可驕於本國人。而不免屈伏於外國人。舍此而得彼。其數一也。且今日外人之所以樂保順民者。以有所利用耳。數年之後。必舉國皆順民。即無所為利用。將見順民亦可為游勇矣。如是則順民亦非一勞永逸之策。人亦何樂乎為之。不知非也。人心之理。如有二途。於此一條。將以今日死。一條。將以明日死。則人必出於明日死者。游勇者。今日死之類也。順民者。明日死之類也。且明日亦未必死也。然則人亦胡為不作順民哉。夫今日者。既倚順民之勢。以辦游勇。明日游勇。窺見此秘。一變而為順民。則將何以處之哉。

論各國保全中國之不可恃 錄乙巳第四號外交報

日俄之戰將畢。美國聯合列強。照會各國。申明決計保全中國領土。此我國上下所深自慶幸者也。雖然。有不可遽為慶幸者焉。蓋天下事有形跡可見者。則求其共喻也易。而無形跡

可見者。則求其共喻也難。此在細事。莫不然矣。若其事逾大。其期逾長。則雖本有形跡之可求。常智以下。尙不能皆見。而況爲之者。更以無形跡出之哉。夫以不可不共喻之事。而其理又不易共喻。不得不委曲以喻之。此真今日之急務。而報章之天職也。按此數年來外交之事。方一案將起。當事者無不漠然。有預言者。則以爲不如是之甚也。及其既起。則張皇失措。思言者之忠告矣。然及其事之結局。則又無大變局。令當事者不能不覺當日已識之非誤。而言者之過情如是者。經驗數次。則忠言不復入。而補救之術窮矣。夫以亡國新法之神。安隱惟老於謀人家國者。能操其勝算。此何怪諸老之墮其術中而不覺。卽言者之曉曉亦甯有當也。故綜歷次外交之因果觀之。以其結果之何如。返證當日意料之何如。非獨當軸者視爲平平。其去事實固遠甚。卽言者之作爲危詞。亦未足以盡外人之伎倆矣。以不及實之言而聽者以爲常過實。此言者之所以難。而當局者之所以不悟。而國事之喪失者多也。此次日俄之戰。其事關係之大。逾於前此之外交。而言者與聽者。將仍蹈其故轍。方日俄戰事之初起也。論者咸謂戰事結局之日。中國將有所大不利。時之執政。皆謂其言之過也。今日俄之戰。行將過半。而所呈之象。果與前之言者不合。前之言者以爲戰結之日。列國將有瓜分中國之舉。東三省之不歸。更無論也。今則美總統有保全中國領土之說。且申明無論

何國均不得占據東三省。東三省如此。其他可知。美國言之。列國應之。今已見之公文矣。此豈非適與前之言者相反。而適如乎執政諸公之所料乎。夫以中外論者之談東三省與十八省種種之變端。其鑿鑿如是。而尚適得其反。則其他之言甯足信也。吾人於此。將真信外人必不能瓜分中國。而嬉酣之習。愈不可救。其流極無所底止矣。本報於是。不能不盡其天職之所在。再為當軸一言焉。曰。今言者之不中。非失之於太過者。也。乃失之於不及者也。蓋前之所謂東三省不歸者。謂俄人既失東三省。必當求桑榆之補。於是蒙古新疆去。蒙古新疆既去。則日本不能不明占東三省。以為抵制之方。而東三省之虛名。亦不能歸之舊主。日俄既明定疆域。則列國亦不得不乘時而起。各自謀其位置之地。各擴充其勢力範圍。而瓜分之局成焉。其說至如是焉。止矣。此去年一年多數之輿論也。而不料歐美各國。惕於俄人黃禍之說。不能無所動。必不欲日本在東方得極大之勢力。而謀及其將成。未成時。先有以限制之。不使所得過大。遂創為保全東三省與各內地之說。其保全中國土地者。非厚於中國也。薄於日本而已。且彼人之意。亦非專防日本也。直專防中國而已。彼之意。中視日本一國地小民寡。尚非所忌。惟日本既成東方強國。則本其種種之感情。必有一日扶植中國。而攘斥歐美。以達其天然之目的。則於己為大不利。不如及今摧折之。使中國終古不復振。其

人。類。亦。窮。促。以。盡。日。本。雖。在。亦。孤。立。而。難。爲。則。神。洲。大。地。永。爲。歐。美。之。產。業。矣。質。而。言。之。則。其。主。義。在。絕。中。國。興。盛。之。機。不。能。不。先。限。日。本。進。取。之。路。欲。限。日。本。進。取。之。路。不。能。不。予。中。國。以。不。可。侵。犯。之。名。此。皆。自。爲。計。之。不。得。不。然。者。也。夫。以。吾。人。所。料。則。及。瓜。分。中。國。而。止。而。彼。人。所。爲。則。不。僅。瓜。分。中。國。并。沮。抑。日。本。而。中。國。更。可。知。矣。故。曰。今。言。者。之。不。中。非。失。之。太。過。者。也。失。之。不。及。者。也。以。列。國。用。心。之。深。遠。若。此。迥。出。乎。前。者。所。言。之。外。而。吾。之。當。軸。方。以。爲。可。以。和。平。了。結。而。信。之。夫。和。平。則。誠。和。平。矣。其。如。國。家。之。將。來。如。雪。之。見。視。雲。之。從。風。不。覺。不。知。而。化。爲。烏。有。何。也。

按各國照會政府保全中國領土其命意未易測度爲善爲惡不可知也惟從極負之一端測之則有如上所言者此所以備一說警政府不必事之果出於此也若我之政府能不失此時機而有以善其後則外人之政策亦與之爲變化矣

期 三 第 誌 雜 方 東

社
說

七
二

三
月

商務印書館出版
格致類教科書

最新中學生理學教科書

洋裝布面每册
售價大洋二元

奏定中學堂章程第三年第四年課程均有生理學一門本館覓得美國史氏最新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一册
售價大洋二元

英儒巴克爾謂進化之功蓋舉居十之九而政教之力不與旨哉是言今欲開吾國民智非人人稱述格致之理斷無實益是書為美國最新教科之本本館特聘素精格致之謝洪實先生譯為漢文理詞辭達特未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元
熱學一册 七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭辰先生編輯先生留學英國大學有年精通理化蒐羅西國名家著作纂譯成編陸續付印圖畫精美為學堂教科善本而授羅宏富疏解詳明尤為專家參考所必備○磁學現已付印不日出版

商務印書館出版
地理類教科書

學務大臣
審定
瀛寰全志
中學堂用

洋裝每部一冊附瀛寰全圖一冊
價洋一元八角

企英學館編輯○輿地之學尙矣而足備學堂教科之需者尙未之見本館特聘名宿搜集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美觀尤彰照人
總理學務大臣
審定評語曰蒐輯精審詳略得當可爲是書真評

萬國地理新編
高等小學堂用

每部二冊
價洋四角

懷甯陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅飾淺顯易解選用地名皆沿舊稱絕無近日譯本新奇駭怪之弊以供小學教授最爲合宜

日本政治地理

每部一冊
價洋七角五分

日本矢津昌永著秀水陶鎔譯○凡分七編一國土二人民三邦制四經濟五交通六生業物產七外交別具組織新義編標雖專限於日本然可以爲斯學之指南也

諭旨

正月二十六日至二月十八日

上諭陝西潼商道員缺著齊普松武補授欽此 正月二十六日

旨溥偉現在請假所管正白旗蒙古副都統著祥年兼署欽此 二十八日

旨有奏奏噶布倫二缺擬定正陪請補一摺著照有奏所奏著擬正之四品前職戴壽汪曲諾布四品堪布中譯喇嘛洛

桑彌勒補授欽此 三十日

上諭順天府府尹著李希杰補授欽此 上諭浙江按察使著豐紳泰調補沈瑜慶著補授山西按察使欽此 二月初一日

上諭沈大驚著調補浙江溫州鎮總兵山東曹州鎮總兵著任永清調補欽此 初二日

上諭胡廷幹奏甄別屬員等語山東平度州知州張漢行為卑鄙才具平庸捕務尤見廢弛候補知縣丁乃清舉止輕浮

罔知檢束均著以府經歷縣丞歸部銓選候補知縣陳謨貌似有才利心太重楊蔭元氣質蠢率操守平常候補副將鄭

濟臣居心險詐物議沸騰管帶馬隊未能足額均著即行革職運河同知姚延壽衰庸戀棧著勒令休致以肅官方餘著

照所議辦理該部知道欽此 旨太僕寺卿著墨麟補授欽此 初三日

上諭魏光燾奏參劾各員一摺福建尤溪縣知縣宋時雍信任丁役操守不謹署甯化縣知縣大挑知縣張朝法辦事顛

預被控有案候官縣五縣案巡檢吳丙嗜嗜好甚深浦城縣溪源巡檢戴鼎元品行卑污大田縣桃源巡檢沈承禧擅受

有案龍溪縣典史謝承緒迹近瘋癲均著即行革職政和縣典史章堡年力就衰著勒令休致以肅官方餘著照所議辦

理該部知道欽此 旨湖北鹽法分守武昌道著馮汝駿補授四川成都府水利同知著敬禧補授甘肅甯州知州著黎

諭旨

十三

乙巳

丹補授江西瑞昌縣知縣著葉在蘆補授四川石泉縣知縣著米種補授甘肅靖遠縣知縣著傅曾熙補授截取舉人杜肇祖著以知縣用宋席珍著以知縣用趙繼曾著以教職用樊儀衛筆帖式著聯瑞補授廩生椿善著以文員用毓書著以七品筆帖式用善厚著以侍衛用泉麟著以旗員用長順著以文職用禮科給事中著承平補授兵科給事中著左紹佐補授擬補山東道監察御史杜彤著准其補授截取刑部郎中胡玉麟戶部郎中張允言俱照例用俸滿宗人府理事官趙振著外用吏部考功司員外郎著劉元弼補授所遺主事著趙廷珍補授擬補陝西廣濟庫大使沈榮著照例用京察保列一等之盛京刑部筆帖式葆勛著准其一等加一級欽此 初四日

上諭安徽壽春鎮總兵王幼山著開缺欽此 上諭董履高著調補安徽壽春鎮總兵貴州安義鎮總兵著李寶書補授欽此 初六日

上諭周馥奏參庸劣不職各員一摺江蘇試用道王運霞貪鄙狡詐行同市井候補道曾廣祚鑽營猥鄙不知自愛安徽督銷淮鹽局委員試用通判徐開藩縱容巡役需索鹽船銅元局委員分省補用通判易夢書不明事理輕妄誤公前署海州直隸州知州試用直隸州知州王道中操守平常聲名甚劣上海租界會審委員候補知縣黃煊貪污謬妄中外交怨補用知縣陳世輔胆大貪妄善於營私試用知縣林介鏞辦事荒謬不恤商情銅圓局委員試用知縣熊繼保行為狡詐損公益私均著即行革職黃煊情節尤重並著永不叙用試用道鄧炬輕躁無識聲名平常前總辦銅元局試用道志鈞信任家丁廢弛公務均著以同知降補試用知府趙繼椿前辦大河口釐局縱容司巡商民交怨著以通判降補山陽縣知縣葉芸庸儒無能不知振作惟文理尚優著以教職選用候補道歐陽霖年老性偏公事疲玩著勒令休致以肅官方該部知道欽此 初八日

上諭孫家鼎奏假期屆滿病仍未痊懇請開缺一摺孫家鼎著賞假兩個月安心調理毋庸開缺欽此 初十日

上諭三月初二日祭先農壇朕親詣行禮欽此 十二日

上諭內閣侍讀學士著承瀾補授欽此 上諭潘萬才現在丁憂貴州提督著徐印川署理欽此 上諭岑春煊奏甄別各員一摺廣東廣州府知府沈傳義署惠州府知府劉尙倫候補知府方怡候補同知鄒元贊候補直隸州知州姚紹書胡銘燧南海縣知縣傅汝梅署番禺縣知縣柴維桐署東莞縣知縣沈麟閣興甯縣知縣滕桂森署海豐縣知縣鄭元候補知縣胡道源署洗口司巡檢陳憲舜廣西恩府知府歐陽中鵠署永甯州知州呂鑑熙署象州知州孫文達署賓州知州李家彬准補左州知州署惠陸縣知縣紀堪錚署奉議州知州梁神訓平樂縣知縣樓守愚署柳城縣知縣王爲毅署從容縣知縣蔣航署天河縣知縣陳俊康署思恩縣知縣譚華署上林縣知縣劉潤之代理遷江縣知縣陳恩漢均著傳旨嘉獎廣東候補知府徐書祥性情巧滑辦事敷衍著以府經歷縣丞選用截取直隸州知州振元摺騙圖財行同無賴高明縣知縣李恩榮嗜好甚深行爲卑鄙准補新安縣知縣沈毓岱習於巧滑工於鑽營廣西候補知府沈紹祺放利而行且有嗜好候補知府張屏承商受賄爲數頗鉅前署宜山縣知縣山西候補知縣李兆周惟利是圖罔知廉恥候補知縣李鴻勳聲名甚劣民怨沸騰候補知縣張成濂辦事糊塗似有心疾均著即行革職張屏李兆周貪劣尤甚均著永不叙用廣東候補知縣伍秉誠性好冶游不知自愛著以府經歷縣丞降補廣西東蘭州知州口辰無性情疲玩不宜要地著開缺歸部選用餘著照所議辦理該部知道欽此 十五日

上諭岑春煊奏特參庸劣不職員弁一摺廣東惠州協和平營都司高葆光性精粗暴逞忿毆人水師提標中營儘先都司馮邦宏嗜好甚深營務廢弛營標中營營用武進士馮占魁居心藐玩任意侵挪前委綏遠中營儘先守備廖文光年

諭旨

十六

三月

力衰老營務廢弛前委中路續備軍補用守備賴來年力頹唐緝捕不力均著即行革職水師提標補用游擊張桐遇事招搖貪劣有據補用游擊蔡仕祥畏葸無能營務廢弛北海鎮左營守備黎玉麟貪利營私縱容匪類水師提標左營儘先補用葉茂青縱容勇丁橫行動索前委常備左軍後營選用縣丞沈著明釀預贖蔽輕信妄殺前代中路續備軍新會左營拔補千總黃廷潤所部勇丁頂名冒混均著即行革職永不叙用並不准投効他營葉茂青沈著明情節尤重均著發往軍台効力贖罪以示懲儆餘著照所議辦理該部知道欽此 上諭廣西按察使劉心源著開缺欽此 上諭廣西按察使著余誠格補授廣西太平思順道著張鳴岐補授欽此 十六日

旨杭州織造仍著盛承接管欽此 十八日

上諭灤子潼著調補廣東按察使安徽按察使著程儀洛調補欽此

內務

○徐州建行省議 錄乙巳二月初七日中外日報

按漕運總督改爲江淮巡撫之舉。原於前署江督端中丞之奏請。而其議則自張季直殿撰發之。觀其布置周詳。規畫精密。亦足以見政務處之覆奏。但知裁漕督。設淮撫。又以甯藩所屬府州。改隸淮撫之未是也。

控淮海之襟喉。兼戰守之形便。殖原陸之物產。富士馬之資材。其地爲古今主客所必爭者。莫如徐州。今天下大勢。英之兵艦梭織於長江。德之鐵路午貫於山東。謀蔽長江。則勢力必擴而北。謀障山東。則勢力必擴而南。南北之際。徐爲中權。平原蕩蕩千里。無垠俗儉。而僮民強而無教。犯法殺人。盜劫亡命。梟桀之徒。前駢死而後踵接者。大都以徐爲稱首。近數十年。復有會匪之勾結。教士之浸灌。設不早計。禍發一隅。牽動全局。將欲因時制宜。變散地爲要害。莫如建徐州爲行省。試考諸古。禹貢徐州北至岱。南至淮。東至海。西錯兗豫。今江蘇之海州。山東之沂州。濟甯。及兗州之半。皆古徐州域。沂泗汶汴。與淮爲緯。其地則北走齊魯。南瞰吳楚。東阻大海。西通梁宋。自漢室紛更。徐當許洛孔道。最爲多事。晉人南渡。特置重鎮。恆以

內務

三十三

乙巳

彭城之得失。繫南北之盛衰。後周取之以臨淮南。朱溫爭之以阻行密。魏尉元曰。彭城宋之要藩。不有重兵積粟。不可固守。若積儲既廣。宋人必不敢窺淮北。陳顧野王曰。彭城地形都要。不特捍蔽南國。爲必爭之地。自昔東南用兵。莫不由此。以臨諸夏。李泌陳無已。蘇軾規畫江淮。亦莫不注重徐州。至於沂濟歸睢。鳳潁海泗。雖同爲中原腹脅。而以分率。準望測之。但能經營徐州。蔚爲雄藩。皆可左提而右挈之矣。以輿圖分率。準望約略計之。徐州府領銅山蕭碭山豐沛邳宿遷睢甯一州七縣。益以海州。與沐陽贛榆。淮安之安東桃源。安徽鳳陽之宿靈璧。潁州之蒙城渦陽。亳州泗州。與五河盱眙。天長。山東沂州之蘭山鄒城費莒沂水蒙陰日照。兗州之滕嶧。濟甯之魚臺金鄉。曹州之曹單城武。河南歸德之商邱虞城甯陵鹿邑。夏邑永城。睢考城柘城。凡四十五州縣。惟沂州歸德泗州全椒縣皆分析。與會國藩駁陳廷經清江南北分省不同。明季計籌守兩淮。必先守徐泗。以爲清渦潁三口之門戶。同治初潘祖蔭請就徐州四界。司設總兵兵備道。凡江蘇安徽山東河南四省。沿邊州縣。悉歸管轄。作爲重鎮。顧當時之所爲。患者我失。所無教之民。盜弄潢池兵已耳。今之大患。自外而內。駸駸焉。英將由長江而北。規德將由濟南而南。越各逞其強。各均其勢。得寸得尺。而欲以一道數州縣之力。一鎮之兵。冀其相抵相角。其必無倖奚待。智決乎夫。一鎮一道之設施。在中原有

事。草竊橫行之日。猶可枝梧也。其在今日。非建行省。設巡撫。則斷乎不可。大抵建徐州爲行省。有二便。四要。海運大通。鐵路卽達。輸挽不竭。漕督可裁。未盡事宜。以徐州巡撫兼之。原有釐金協餉。葦蕩所入。以養標兵者。一轉移間。可資挹注。升徐州道爲布政司。援鎮迪道。加接察司銜例。以淮海道兼臬事。增官不必添員。便一。徐海淮泗。沂濟鳳潁。民氣雖不盡同。較其大略。樸齋勁悍。苟就募萬人。簡而練之。作爲游擊。步隊六千。馬隊四千。仿美制。鄉村鎮堡。練習民兵。但使統馭得人。訓練有方。比及三年。可幾有勇。又河灘海墾。荒地遼闊。闢場牧馬。足備戎需。廣殖豐林。足資防禦。便二。廣種薄收。農情成習。蒿萊滿目。棄貨益多。況山童野灌。河費湖游。宜樹宜藝。遠尋楚漢。陂屯之遺。近采靳輔。溝田之議。大闢農場。示以試驗。人歆於利。效法無多。故訓農爲一要。農旣生物。待工而成。徒恃舊工。不可以盡物利。徒適陋俗。不可以塞漏卮。利國鑛產。載在方志。石煤之富。近益彰明。就產設廠。可造槍礮。可造農工一切應用機械。食用旣節。工資亦省。因麥以磨麵。因豆以榨油。因梁粟以釀酒。因油蠟以製燭皂。因牛羊皮以練革。因蠶以良綢。因砂以爲玻璃。或自無而有。或自粗而精。俱可相度土宜。生財利用。原料成熟。人漸於勤。故勸工爲一要。無水利。無以利農。則湖河宜關。水之大者。曰淮。曰汴。曰沂。曰泗。曰濼。曰澗。曰豐。曰睢。曰渦。湖之大者。曰碩項。曰桑墟。曰成山。曰青冢。曰張莊。曰

內務

三十五

乙巳

呂孟曰。微山曰赤山曰昭陽曰青伊曰駱馬曰倉基曰鷹麥曰連汪曰岸山。河之大者曰泡河曰薛河曰泃河曰彭河曰滄河曰沱河曰潼河曰武河曰蓄薇曰白洋。以上均統所規畫之界內而言。無運道無以利工商。則鐵路宜築。輪船宜行。無電報無以利工商。尤無以利兵。則支綫宜次第連屬。無資本無以利工商。亦無以利農。則銀行宜大小貫輸。故通商爲一要。農工商兵皆資學問。專科之始。尤重普通。有普通而後可宣上德。有普通而後可造國民。宜省先立一師範學校。縣各立一初等小學校。是二校者。皆宜官資。官既倡之。政用強迫。手工徒弟學亦宜先。庶幾標本兼圖。緩急不匱。民智苟啟。民生自富。國不患貧。何至患弱。故興學爲要中之尤要。然有三難。固塞之區。有同草昧。兩道並進。以舉事。一日千里。以致思。非忠非勤。非廉非信。非強立嚴毅。不能殖基。不能圖成。則得巡撫難。政需人舉。人需學造。專科成家。全國無幾。必溝通新舊。妙識機宜之才。乃能共開物成務。錯節盤根之業。則巡撫得人難。練兵須財。製造須財。補助農工商民業須財。多宜五百萬。少必三百萬。國帑既窮。民力尤絀。則籌款難。論者苟以外患內憂爲無傷。徐州之行省尙可不建也。則二便四要誠不敵三難。若鑒於二便四要而以爲不得不建也。有人有財。雖有三難直可旦夕舉之。昔人言守長江者。必先守淮泗。規山東者。必取道徐海。此固爲長江與山東者言之。今英德已入吾室。而操吾

戈與吾共。長江山東之利矣。然則能爲山東之利害者何地。以淮制江者何地。甯有以易吾徐州之說乎。易曰王公設險以守其國。周書曰慎固封守。春秋楚戍彭城。所以塞吳晉之通。晉城虎牢。所以阻鄭楚之合。詹嘉備秦人而守桃林。女寬備子朝而守闕塞。可爲知設險者矣。春秋莫強於秦。其入都也。歷晉地五百餘里。以與楚爭。而晉人不知禁。其襲鄭也。歷周晉山谷二千餘里。以薄偃師。而周晉人不知詰。主無固圉之謀。敵得無人之境。不知設險。效乃至斯。一秦且不可。而况置兩秦於吾肘腋之間。如之何不虞。不備乎。吾懼徐州不日龍爭而虎鬪。迭進迭退。芒碭大澤。我之伏莽。梟徒又乘機竊發。或不免舉足左右以爲敵。用爲東三省之續也。故爲此議。

論蒙古改設行省之不可緩 錄乙巳二月十六日時報

處今日之中國。而爲固圉謀。則亡羊補牢。東北之事。幾不可爲。而西北之設備。其尤亟亟者矣。近日頗聞都中議論。有改革蒙古部落制度。建設行省。而置巡撫於庫倫之說。斯議之起。已在去年。惟據東報所言。則謂政府若謂蒙邊貧瘠。設官置守。費無所出。故事雖可行。祇宜暫緩云云。按蒙古設省之議。其事機有甚順者。蓋自辛丑之冬。特派貽大臣毅督辦墾務以來。開拓之效漸著。朝廷已知邊利之可興。而此時貽又在都。故置省之說爲可信。使不以阻

撓之術甚之。則其事之成。宜若可恃也。記者竊謂持此論者。殆猶專就實邊而言。未遑思及備邊之要。故反對者。以爲可作緩圖。不知爲興利言。可緩爲邊防計。不容緩。事理顯然。蓋有不可誣者。今不必以俄人之遽破中立言也。卽以其他日之政策推之。俄人每經一次之挫敗。則必更有一重之希望。不得於此。將逞於彼。徵諸故實。則韃韃海峽。君士但丁。巴幹半島。中亞細亞一帶。種種成案。皆其尤大彰著。而盡人所知者也。故其經營可毀。而其志願不可毀。扼之於東。則彼愈蓄念於西。今者東三省之戰。其終局之勝利。旣不可期。而環顧世宙。列強相衡。更孰有可逞者。其猶繫一線之望於不絕者。仍不外此。中國西北一隅耳。審是則東事畢而西事愈危。蒙部之與新疆。必不能倖逃於俄國夢魂之外。前例具在。斷然可知。而新疆旣已設官置戍。則蠶食之謀。又不若施諸蒙古爲較易。此俄人深心之所必至者也。況據本報駐京訪員所報。見十三日本報北京專電則自貝加爾經庫倫以至張家口一帶。早已由庫倫辦事大臣警電告急乎。夫西藏若先置行省。則英人不易於長驅。卽東三省早用漢官。亦何至糜爛如今日。今任事者於西藏於東三省之事。亦頗悔其失策。且甚欲得而改置行省矣。蒙古諸盟事同一律。何以必斬之於先時。而不怵於兩者之成例。豈必待蹂躪之已及。然後皇然爲救治之謀耶。且更有可慮者。記者嘗聞蒙部諸藩。陰受煽惑。且以困窮之故。屢售其地於

俄人親近如喀爾喀部猶所不免。理藩院書吏陰爲護持。得賄致富。蓋不獨近日遵化州有盜賣旗地之案也。及今不爲清查。遲之十年。不難以內外六盟遊牧之區。盡變而爲俄人之公產。而爲之上國者。猶將不自知。使一旦猝起事端。不悉何以處此。蒙邊之實情若是。而謂可不爲過問。竊恐被其害者。終在中國也。夫蒙人之所以售地者。亦坐貧耳。彼其拙於生計。以水草茂衍可耕可牧之土。而自棄之。則與其售之於強鄰。曷若售之於漢種。誠使改定行省。百度更新。廣招農民。肆力墾闢。盡地力。教耕戰。而謂邊患必不可除。無是理也。是故蒙疆設省。利於國家。利於蒙藩。且利於漢民。所不利者。睨視眈眈之俄耳。於此肆其反對者。吾不敢謂其被俄人之運動而云然。然其說爲俄人之所樂聞。則固可以決也。竊謂此時改設行省。誠有細費之虞。然欲弭巨患。豈宜因此坐悞。蒙邊要區。本有將軍都統。札酌量移併。而又豁除蒙藩歲貢之駝馬等費。以挹注之。度改革之費。尙不致甚病。且近年宮中府中無益之銷耗。款亦未必遂無矣。何獨於此重大急要之舉。而固斤斤較量乎。

論中國政散民流之故 錄乙巳二月二十三日中外日報

國家之所以成其國家者。其原素固不一端。而擇要言之。在有法律以保護人人之性命財產而已。故國之成也。必能自主其法律權。而國之亡也。必先自棄其法律權。至國家已喪失

其法律權。則國家無以自保其民。民不能一日無法律。乃不得不求有法律權者以自保。而其國家乃亡矣。中國今日之法律權何如哉。外人入居中國。其得享治外法權者。不惟其應享者而已。凡屬外人。無不享之。凌假本其強權。越出乎條約之外。而對我政府。以保護與外人涉及之中國人。夫中國之政教。固向無國家主義之教育者也。蚩蚩之民。皆知有身家。不知有國家也。彼既見歸外人保護者。其明效大驗。至於如此。未有不思求自保其身家矣。沛然如火之始然。泉之始達。固無足怪。當此之時。國家若欲與外人爭民。則所以維繫人心者。必自有道矣。而乃上自政府。下至州縣。以及罷官之縉紳。讀書之士子。無不昧乎此意。遇事無不以向來慣用之壓力。以壓制之。以爲苟便吾事。彼無告者。安能爲予毒哉。不知今之時勢。與古殊絕。古時國權無對待之物。故爲國權所寄之人。可以無施而不可。今則本國之外。更有外國。其力且百倍於中國。若不見容於中國。則彼之所託者方多。而中國皆無如之何也。且奴隸之性。忿戾之餘。既受保護於外人。必不肯僅受保護而止。必將陵嚇外人。魚肉同類。以示得意。至此而人羣之惡。乃不可勝言矣。此今日至凶險之現象也。本報度之。以爲今日不過此習之見端耳。一二年間。必將大盛。數年之內。必使中國無一人不求外人之保護。而官吏之號令。乃不復行。至於官吏之號令不復行。則外人之新政策當改。何謂新政策。卽

今所謂保全中國。朝廷之政策也。蓋保全朝廷者。彼非有愛於我也。慮吾之民難治。彼若直接以臨吾民。則事之臬兀者多。不若保全吾之朝廷。而已從其後牽掣。朝廷以規其利。以避其害。為計之至得者。故其保全朝廷者。必視朝廷尚有牧民之能力。而後利用之。可知也。無如彼之政府。行此政策。以為坐而獲利之舉。而彼之教會商民。則又以零星保護一二人為得計。其進步太速。頃刻蔓延。至於全國之人。皆為人保護。則政府之能力。失而彼之保護。朝廷者。為無用矣。無用之事。彼必不為。行見間接之法。必易為直接之法。即保全之說。必變為瓜分之說矣。此形勢之所必至者也。而其禍皆從為淵驅魚。為叢驅爵之民賊始。夫吾人非謂保全此形式之朝廷。即可自傲為不亡國。然有形式之朝廷。究竟於無形式之朝廷。譬如一人雖病。軀殼尚存。尚可妄想其大愈。若并軀殼而無之。則亦無所謂妄想矣。故謂朝廷如欲祈天永命。非悉誅此逼壓平民之民賊不可也。

署貴州巡撫曹奏遵議學臣條陳黔省應辦事宜摺

竊查接管卷內光緒三十年二月二十七日承准軍機處封寄貴州學臣趙惟熙摺一件。奉硃批著李經羲核議具奏。欽此。未及核辦。卸事。奏明移交。臣存俟查議。明確再行分條詳核覆奏等因。復經分行查議去後。茲據布政使袁開第按察使全懋績詳覆前來。臣覆加查

核所陳四綱十九目大致以黔省列行省幾二百年政治風俗依然草昧亟應簡任賢能舉行新政以取法泰西爲宗旨其於地方民情利病官方治理得失縷晰條分法良意美使非輻軒博采灼見真知不能道此惟是言之非艱行之維艱臣悉心體察分可行不可行及細於力不能遽行雖絀於力而猶當勉行者謹逐一覆陳之查原奏飭吏治凡計五日停分發黔爲邊徼極小省分同通州縣佐貳雜職不及大省三分之一候補者至六七百人以後源源而來尙未可預計定額澄清吏治無稍贖徇當以停分發爲入手第一義洵爲篤論臣查自光緒二十五年十一月停止分發限滿後至今人員之擁擠不特補署無期卽差使亦萬難徧及實於吏治所關非淺與該司等詳加酌核擬如所奏仰懇 天恩俯念黔省瘠苦官員需項維艱 特旨停止貴州分發二年其先經捐指貴州尙未到省人員准其改指他省免繳離省銀兩略示體恤以培治源曰育吏才查黔省雖未設館課吏而文職課院該司道府每月輪試亦略分吏治交涉邊防諸門藉以覘其才識一俟籌有的款仍當擇地建館擴充規模認真辦理曰設官報已由四川按月購致分發屬僚足擴見聞勿庸另行創設曰給職田查逆絕各產早經歸爲地方各項善舉數固無幾又不能各屬皆有此時若以之提給州縣轉滋擾累查黔省瘠苦州縣曾於光緒二十四年 奏准酌予津貼計數雖微稍資辦

公亦名異而實同者也曰正疆界則隨地插花俾得分明已歷數百年惟前湖北巡撫臣胡林翼守安陽時創議未行他如前督臣鄂爾泰撫臣賀長齡諸臣均不聞輕議釐正殆以積重難返匪特官力難周抑且民多拂逆也請免置議原奏理財凡計六曰運官鹽查川鹽歸商運行歷有年歲協餉甚鉅近因餉絀用煩賠款無著與四川督臣往返函商久議設法籌加協助由川 奏明辦理實屬礙難更議曰墾荒地廣種植臣前已查照奏准部議及前撫臣王毓藻奏案明定獎罰 奏明通飭遵辦視墾種之多寡定地方官之賢否歷久自當見功曰開鑛產尤爲財政之要惟自前撫臣潘蔚興辦鐵廠虧帑中輟官商畏阻嗣經前總理衙門核准道員陳明遠自借洋款來黔認辦至今五年限滿亦屬無效且慮枝節旁生幸原奏合同至爲切實洋款由陳明遠自借與官署無涉臣已咨明外務部堅持妥辦並催陳明遠依限稟覆在案蓋必利權在我而後操縱自如查黔省原設鑛務局由善後局兼理各屬果有鑛苗豐旺之處准由商民報明開採有效始徵其稅用資欣動自不必再予設局至蓄畜牧興工藝應俟實業學堂辦有成效先明動植之原質乃能盡理化之實功固非闢場設廠即可率爾興事也原奏廣教化凡計四曰設堂局自興辦學堂會籌款赴滬購中西書籍數千百卷飭發省會高等學堂派員經理發售民間自立學堂向均由堂購領雖未設有

專局業已風行遠近曰慎小說教織紡是在州縣得人盡心民事以杜小說之流弊乃能致董勸之實功倡率必自士紳學習乃及編氓至化畛域查漢奸盤剝苗民例禁綦嚴苗民之種類性情亦至不一向特以土司土目土弁聽命惟謹近年以來亦頗有雜髮入堂列名庠序者惟多自成風氣如遇殺人拋屍一經控告到官則合寨爲之歛錢息事不肯交出兇首激則生變但使地方官平日遇事持平令其心服則撫治轉勝於漢民漢奸之肢削差丁之嚇詐徭役之攤派有如原奏所云者迭經嚴飭各屬隨時查辦不使稍存畛域之見原奏靖疆圍曰堵粵匪曰剿川匪自來立國之經必使外侮不侵而後能以固有之財力修明內政乃自游匪肆逞於粵黔受鄰壑之禍驟增防勇數倍時歷數載庫儲一空而沿邊二千餘里仍虞地廣兵單即就本年而論陷丙妹犯四寨雖幸將士用命立即攻擊出境仍竄伏粵邊爲患粵匪一日不靖餉力卽一日難紓是力剿粵匪實爲當務之急現因獨荔防軍屢次得力士氣益奮各路抄擊匪勢窮蹙與粵軍適成合剿之勢已咨商提臣親往居中調度請旨飭下兩廣總督臣岑春煊等嚴催湘粵各軍會合兜剿務絕根株以期一勞永逸原奏於粵匪則曰嚴防備分主客固深鑒於黔餉之絀也不知堵則費無已時剿猶機有可乘也川匪卽多亦未顯露認真團保儘足治之遠與三省合剿之議轉堅賊志而啓兵端至稱屯兵

形勝則分防內地僅資彈壓斷難各駐重兵禁挾槍則邊遠遼闊之區勢難徧及惟有責成沿邊文武設法認真查禁統核各條按切時宜有治法責有治人語尤扼要臣愧才識疏陋整飭無方撫茲地瘠民貧遇事尤捉襟見肘惟冀此次粵軍大舉合剿仰賴 朝廷威福粵匪速就殄滅併荷 鴻施逾格准予停止分發二年庶幾人才益勵經費漸可挹注舉凡一切應辦事宜愈可次第推行上副 聖主博采旁諮綏靖邊陲之至意謹 奏奉 硃批該衙門知道欽此

署兩廣總督岑奏請革除門丁片

再門丁之弊更甚於吏胥吏胥之於官尚遠而疏門丁日侍官側最易窺伺官之喜怒以施其伎倆其在長官衙署則假竊威福遇事招搖而州縣爲親民之官若輩播弄其間爲害尤不可窮詰迭奉 諭旨裁汰吏胥此項蠹民之門丁尤應革除臣歷任各省均改派收發委員上年抵粵卽嚴札通飭將大小官員衙署沿用之簽押稿案名目一律禁革詎料仍有署廣西桂林府全州州同劉蔭琛縱容門丁串役詐贓情事先經桂林府知府吳徵鰲查悉隨據事主蔣志道等分呈控告當將門丁李雲甫李松甫二名提省并傳原告蔣志道等到案由桂林府知府吳徵鰲督同臬局委員研訊據李雲甫李松甫供認串同書辦蔣吉安借案

嚇詐得贓三起不諱並經原告蔣志道等質訊確鑿真請懲辦前來值此禁用門丁嚴防詐擾之際非嚴懲一二不足以儆效尤當將李雲甫李松甫二犯親提正法並飭全州勒緝蔣吉安到案究辦該署州同劉蔭琛知情故縱罪實難道相應請 旨將署廣西桂林府全州州同准補融縣長安鎮巡檢劉蔭琛卽行革職發往新疆効力庶飭吏知所儆戒或可稍挽頹風抑臣更有請者門丁所利者吏之貪而所忌者吏之廉中材以下本可勉爲循謹而若輩必多方聳動使官不能廉然後得售其奸而肆其毒若不肖者倚之爲心腹用之爲爪牙推波助瀾害更胡底卽如已革廣東南海縣知縣裴景福婪酷昭彰固由天姿陰險然非其門丁相枕軒廖錦三等傳翼爲俚當亦不至斯極此等積弊恐不獨兩廣爲然可否仰懇天恩明降 諭旨將大小衙門沿用門丁之弊永遠革除庶得稍肅官方藉甦民困似亦整頓吏治之一端理合附片具陳謹 奏奉 硃批著政務處通飭查照辦理欽此

各省內務彙誌

京師 吏部奏裁書吏以私費充公奉 旨依議

直隸 口外法庫門新立復善合會其宗旨在主持公道凡官商民教各事均入該會評議創議人爲耶穌天主兩教堂

牧師長老及王總巡會同遊集舖首公舉會員

江淮 海門應向歸江蘇管轄近因江淮分省故亦劃歸管理又以常鎮通海道所管地方兼跨蘇淮兩省體制未免不合特將通州海門撥歸淮海揚海道管理並易名為淮海揚海通道云

安徽 甲辰年亳州舉辦警察在城內設局三處城外設局五處募勇一百五十名由省警察學堂派生一名前往教授一切規制均仿照省垣辦理

廣東 已革南海縣裴景福以縱役殃民為粵督參辦去年越獄逃澳解回後由司道會審擬定發往軍臺効力贖罪

各國內務彙誌

韓國 韓皇近因整頓內務特聘日本內務省參事官小島源三郎為地方行政顧問官丸山重敏為警務顧問官 韓政府近有會議其要如下 一改革官制 改議政為總政統理內閣事務 廢去贊政機關 廢學部及農商工部并為內部之一課 屬警務廳於內部 設法政局 開高等文官考試 一整理貨幣 擬託日本大阪造幣局鑄造正貨 一編制軍備 廢雇傭兵發布徵兵令

日本 一月二十五日帝國議會行閉院禮日皇登壇演說致謝各議員辦事有成

英國 新簡塞爾達為南非洲總督以繼密爾那之任

俄國 前任內務大臣馱斯克親王現已簡為高加索省總督

美國 華盛頓議院許菲獵賓人有索回逃犯之權

內
務



四
十
八

三
月

第八號最新刊

The Russo-Japanese War.

(fully illustrated)

(售價一元二角)

日俄之戰關係世界大局無論中外萬目注視其戰記日文華文俱有數種行世而未有歐文者本堂竊以為憾爰以英文別編戰紀然記事若不精確周到莫由傳其真相今特聘陸軍少佐寺家村君主任編輯更請朝野諸名士贊襄其事材料豐贍記事詳確凡事關戰局者洪纖無遺務期發揮盡致使世界各國詳悉交戰顛末且所載大小畫圖一百數十鮮美無比出版以來風行中外想留意時局者必先睹為快也

大日本東京市

發行所 金港堂書籍株式會社

清國上海棧盤街中市

總代理 寄售所 中國商務印書館

商 務 印 書 館 出 版
日 俄 戰 紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每足一冊卽付手民陸續發行不預定期以戰局終結之日爲止

定價

洋裝

每冊

大洋一角五分

日俄戰紀之圖目

第一冊 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國

皇帝 ○ 俄關東總督(亞力喀塞夫) ○ 俄陸軍大臣(苦魯巴金)

第二冊 ● 旅順港地圖 ○ 日本軍事參議官(寺內奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、片岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商 務 印 書 館 出 版
日 俄 戰 紀

令長官(馬克羅甫)○俄旅順艦隊司令官(斯他司爾)○俄國哥薩克騎兵

第三册 ● 鴨綠江戰地圖○日本旅順海戰司令官(梨羽時起、細谷資民、東鄉正路)○日本艦隊在佐世保軍港啟行圖○日本魚雷艇隊第二次攻擊旅順圖○日兵放魚雷攻擊俄艦圖○俄太平洋海軍司令長官(司廓理羅甫)○俄陸軍大臣(塞喀羅甫)

第四册 ● 日本三艦長(中尾雄、加藤友三郎、山田彥八)○日本步兵戰圖○日本礮兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順礮臺禦敵圖○

第五册 ● 日本三親王(依仁親王、菊麿王、博恭王)○日本礮兵鴨綠江激戰圖○日本堵塞旅順沈船情形○俄將苦魯巴金巡視旅順礮臺圖○俄將苦魯巴金巡視海參崴礮臺圖○俄戰艦彼得羅帕阿司克艦長(察科威烈夫)○旅順第七戰被毀之俄戰艦彼得羅帕阿司克○俄戰艦彼得羅帕阿司克中雷沈沒圖

第六册 ● 日本第十二師團長(井上光)○第二十二旅團長(木越少將)○第十二旅團長(佐佐木少將)○日本接應陸軍艦隊司令官(細谷少將)○裝礮汽艇司令官(關少將)○摩耶艦及艦長中川中佐○日本堵塞旅順口船員移乘小艇圖○日本堵塞旅順隊歸陣圖○俄國海軍大臣(阿韋蘭)○俄國道路大臣(喜勒廓甫)

第七册 ● 日本皇太子○日本威仁親王○日本載仁親王○日本騎兵斥候乘

商務印書館出版
日俄戰紀

夜偵察敵狀圖○俄國苦魯巴金晤吉林將軍圖○俄國關東軍團司令本部○
俄國旅順守備兵第十一聯隊兵營並海兵團○俄屬西伯利亞布拉郭什臣斯
克曉景

第八册●日本上村中將瞭望海參崴俄艦圖○俄將司廓理羅甫出海探敵圖
○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦(播憂禿艦格朗保艦露
西亞艦路利克艦)

第九册●日俄兩軍金州大戰圖○其二○其三○俄軍自九連城退入鳳凰城
圖○俄內務大臣(柏來維)小像○柏來維被殺時所乘車圖○瓦稍旅邸前柏
來維被殺情形

第十册●日本看護婦會長錫島侯爵夫人小像○日本婦團隊歡迎麥基夫人
圖○日本紅十字看護婦會員練習綳帶圖○俄苦魯巴金率衆臨陣圖○俄逃
艦阿斯哥及格羅蘇堡○俄逃艦阿斯哥左右舷損傷圖

第十一册●老鐵山圖○黃金角圖○日本東鄉司令官督兵備攻旅順圖○旅
順新舊市街中間之孫家溝○日本前駐俄國公使(栗野慎一郎)○俄國前駐
日本公使(羅善)○俄太弟(密喀爾)

第十二册●奉天鐵嶺附近詳圖○日軍登山進攻遼陽圖○日本橫須賀船塢
○旅順全景○貝加爾湖○松花江岸○齊齊哈爾○俄國旅順船塢

軍事

防守長江策 錄乙巳正月三十日時報

長江天塹。上溯武漢。下逮淞口。縮轂鄂贛皖蘇四省之地。實爲今日中國欲圖富強第一可用之區。而列強競爭貿易場之中心點也。各國兵艦。往來游弋長江上下。名則保護商務。實則各爲均勢之謀。懼落人後耳。近者江鄂兩督。頗留心長江防務。若張香帥訂購日本礮船。雷艇。並擬添備行駛淺水小輪。以爲巡江之用。周玉帥擬實力整頓江陰吳淞礮臺。合兩事而參觀。不可謂非兩公之關心時局。爲吾揚子江流域造幸福也。然而事機之來。稍縱即逝。雖有大力。莫之能挽。方事機之未動。雖竭數十百志士之力。無補於時艱。迨其機既來。卽一二書生之言。或傾動當道。記者於兩公整頓江防之事。竊幸其事機之已動矣。而有不能已於言者一二事。竊願爲兩公效涓滴之助焉。

其一。謂江南提督不合駐松江也。溯提臣駐紮松江之意。殆鑒前明之事。爲防倭而設耳。明時倭人擾浙西者。大率由乍浦進口。蔓延於嘉湖蘇松之地。故本朝駐提臣於松江。以爲備禦。仍於乍浦設滿洲都統。然江海之形。今昔互異。乍浦海口。久爲沙漲。與川沙南匯鐵板沙

無異輪舟板舫。從無一至其地者。故在今日置都統於乍浦。已成贅旒。置提臣於松江。尤爲閒著。審時度勢。謂宜移江南提督駐守寶山。寶山距海口不及十里昔宋臣李忠定有言。要害之地。必選大將屯重兵以臨之。蓋要害大將重兵三者相爲表裏。缺一不可。而吳淞形勢。則左環長江。右帶黃浦。外國洋船之所從入。入其左則由長江上溯。以扼江陰。凌鎮江。犯江甯安慶。馳騫乎九江漢口。游弋乎荊州岳州。可以截江湖之漕。可以斷南北之道。天下形勢。皆爲搖動。入其右則由黃浦江以嚮聚乎上海。縱橫乎蘇松常鎮。大浸淫乎浙省之杭嘉湖。東南財賦之區。皆爲所潰敗。是吳淞一口。實關係數省之安危矣。然或謂吾國兵力單弱。器械不精。卽移提臣駐紮淞口。又安能拒各國鐵甲兵艦之闖入乎。不知兵家者言。毋恃敵之不來。恃我有以待之。卽不能拒。必求其能拒。而後始可非因其不能拒而遂不拒之也。且卽不能拒。而敵艦之出入。亦可稽查敵勢之強弱。亦可以籌機援應之道。以視伏守松江。勢成坐井。其得失之數。不待蓍龜矣。且淞口若重設礮臺。費資應不下數十萬。當此庫款奇絀。強敵在門之日。而糜巨金。修防禦。不選大將屯重兵以臨之。亦何以解於李忠定公要害大將重兵三者相爲表裏之說乎。又或謂松屬鹽梟幫匪。伏莽堪虞。若無提督坐鎮其間。恐內亂不時竊發。則應之曰。寶山去松江不過一日程。卽有匪徒煽亂。不難馳往撲滅。況松屬所有防營。仍以

駐守亦何憂匪徒之不靖乎。故愚意就今日時勢而論。提臣駐於松江。不如駐於寶山之爲得計也。

其二謂狼福二鎮宜相機遷調也。按狼福二山雖夾江設鎮。而實無險可守。兩鎮相距江面遼闊。自武漢而下。以至吳淞出口之江面。無寬於此者。礮臺雖有巨礮。其力亦不能射中敵艦。中流浩渺。鐵甲輪舟。儘可從容汭流而上。且二鎮建設之始。亦非爲防守長江門戶計也。查狼山設鎮。亦起於防備倭寇。明時倭人入寇。每由通州登陸。肆掠於裏下河州縣。又呂四掘港等場。爲鹽梟出沒之所。故設鎮狼山一防倭人登陸。一爲彈壓鹽梟。福山則自道光二十一年海氛不靖。始分崇明鎮奇營之兵。設鎮福山以防敵船入江。由福山以趨蘇州。是狼福二鎮建設之本意也。且狼福去吳淞二三百里。若敵艦從黃浦駛入。取道蘇州。以出鎮江。則已拊狼福之背。而出於其上。二鎮雖有重兵。亦安所用之。譬如人家守舍。不守大門。而守東西旁舍。今淞口爲長江之大門。而狼福則東西旁舍。吳淞不守。而狼福隨之矣。以有用之兵。置無用之地。計無有左於此者。謂宜移狼山鎮以守川沙。或南匯。以增淞口兵力。添兵以鎮崇明。以與寶山川沙南匯互爲犄角。則江海交匯之地。有一提二鎮。成三方鼎峙之形。不獨爲江防計。有磐石之固。卽爲江蘇計。亦收指臂之效矣。福山一鎮。卽不遷鎮。留以爲江陰

通州之掎援。然亦宜極力整頓。使一兵得一兵之用。此外則若江陰之鷓鼻嘴大小石灣礮臺。與對岸靖江之瀏沙礮臺相對。江面不過四五里。又如丹徒之圖山礮臺。與對岸之三江營礮臺。江心有沙洲阻塞。江面亦不過三四里。尤爲窄狹。是皆長江天然之險。誠能得其人以爲守。則江甯以上不足患也。況張香帥近且訂購日本礮船雷艇以實力擴充水師。江督周玉帥近又擬奏添練陸軍二十營。歸長江水師提督程軍門統帶。卽駐太平。如此則上下游水陸兵驟增實力。聯絡一氣。進可以戰。退可以守。無事則鎮服內亂而有餘。卽有事亦可與外人抵制。不至再蹈開門揖盜束手坐斃之覆轍矣。故愚意移提督駐寶山。移狼山鎮駐川沙。南漚實於今日江防大勢合全局而統籌。非沾沾焉爲保守一隅計也。昔鄧艾由陰平入成都。而姜維劍閣之兵不戰自下。堂奧旣窺。何有門戶。若敵師之來。淞口不守。則如吾前說。入其左則馳驚乎長江。入其右則凌犯乎蘇杭。而長江層層防守。盡成虛設矣。或謂移駐提鎮。事體重大。可坐言未易起行也。不知應變之道。與時會通。若謂茲事體大。則今日江淮不且增設巡撫乎。況今日練兵籌款。內政外交之事。何一非與時變通乎。此轉移之事。不過易無用爲有用。化閒著爲要著耳。若淞口增屯重兵一事。其兵與餉當由鄂贛皖蘇四省共認之。則亦輕而易舉。時機所迫。稍縱卽逝。後雖悔之。無可及已。語云。狂夫之言。智

者擇焉。竊願我留心時局之江鄂兩督。幸一統籌全局也。

論議興海軍事 節錄乙巳二月初五日新聞報

昔之戰重在陸。今之戰重在海。蓋自五洲大通。一切通商互市。略地殖民。無不擴張海權。藉海軍爲立國之本。故其國海軍不振者。其國勢亦必不振。西班牙之失菲律賓。俄之失旅順。其明驗矣。我國自甲午戰敗。艦隊損失。而醇王所創之海軍衙門。又復焚毀無遺。沿至今日。我之海權。非惟不能力守。近藩且又不能慎固。戶闕國權。墮落職是之由。倫貝子回國。發議重興海軍。議格不行。今試約而計之。一鐵艦之費。價十餘兆。一要隘守臺。費萬萬金。此外火槍大礮。一切應需之費。數亦不資。英法等國。國債負至千兆鎊。而核其所用之項。興工而外。大半以之治軍。我國國財。消乏已至極點。甯有碩大之款項。以治海軍乎。其難一也。列強艦隊。莫不有根據之地。以爲能戰能守之長策。而吾國沿海形勝。樞紐盡弛。自旅大界俄。近馬日人據所威海界英。膠灣界德。而南北洋之屏翰。失臺灣界日。廣灣界法。九龍界英。而南洋之藩籬。撤吳淞長江關爲商埠。其險亦與敵共。值此門戶洞開之勢。從前所謂扼威旅以衛津沽。扼臺澎以防浙閩。扼廣灣以固東粵者。用之今日。千說皆廢。設使練成海軍。將以何處爲根據地乎。其難二也。東西兵制。海軍特設專部。其行師權限。足以節制陸路。與中國水師管轄者絕異海軍

軍事

一百七

乙巳

提督及以下將弁均由水師學堂出身。積累而升。其於專門軍艦學。及重汽算化。天文地理各科。無一不習。無項不熟。故能上下一心。操縱如志。吾國舊設水師武備各學。造就將弁幾人。記者固無從懸斷。然以近日直督之措置。新設海軍兵學校。建築校舍。估費十萬。可見海軍將弁。今日尙不敷錄用。天津兵學校。方始萌芽。計其卒業程度。當在六年以後。試問驟興海軍。能有適宜之人才。足供調遣乎。一或不慎。則丁汝昌之覆轍。可爲殷鑒。其難三也。夫語經費。則如彼。語地勢。人才則如此。策海軍者。將何所爲計哉。然而醫者之於疾也。無萬全必治之心。有冀其或愈之意。海之爲軍也。有一支之水師。勢足以戰。而後有可守之口。今者全局旣動。勉圖桑榆。計惟有急集國債。擲節度支。以爲費。北取登州。復州。南取海壇。金廈。中取舟山。崇明。以爲防。調取出洋水師留學生。及江鄂水師各學生。以爲用。是所謂無策之策。而規復海權之機。庶幾冀得一當乎。若以海軍治本爲言。則三年蓄艾。百年樹人。造就水師將弁。準備海軍部之制度。亦必自今日始矣。

兵部奏核各省綠營兵冊摺

恭查光緒七年七月十八日奉 上諭各省兵馬數目例應十月具題造冊報部。年終彙題著各直省督撫。自光緒七年起。將本屆兵馬數目。按年造報。至歷年未報各案。並著分年帶

補等因欽此今僅據四川總督錫良將光緒二十八年分實存營兵二萬一千七百九十六名署閩浙總督崇善將福建省光緒二十七年分實存營兵三萬五千三百五十六名光緒二十八年分實存營兵三萬四千九百零八名署閩浙總督崇善將浙江省光緒二十九年分實存營兵一萬七千九百九十五名安徽巡撫誠勳將光緒二十九年分實存營兵三千四百五十一名湖廣總督張之洞將湖北省光緒二十九年分實存營兵七千一百一十二名雲貴總督丁振鐸將雲南省光緒十九二十兩年分各實存營兵一萬二千七百二十七名光緒二十七八兩年分各實存營兵七千六百七十名造冊奏咨到部臣部按冊核算均與各該省兵丁數目相符至四川省光緒二十八年分兵丁騎操馬二千四百九十八匹福建省光緒二十七年分兵丁騎操馬一百八十六匹二十八年分一百七十六匹浙江省光緒二十九年分兵丁騎操馬四百五十六匹安徽省光緒二十九年分兵丁騎操馬七百零二匹湖北省光緒二十九年分兵丁騎操馬九百三十三匹雲南省光緒二十九年分兵丁騎操馬五百五十五匹均核與各該省該年冊報相符查此案兵馬冊籍現除四川福建浙江安徽湖北雲南均依限造報外其餘各省仍未造報實屬遲延應請 飭下各該督撫將現年兵馬冊籍卽行造報咨送臣部其各省未報之案仍遵照臣部二十八年奏案將未報

兵馬總數按年開具簡明清單併案彙報遇有核銷案件以備查考再各省改練常備續備巡警各軍暨水陸各鎮等營今據北洋大臣直隸總督袁世凱將北洋新軍常備各營光緒三十年分河南巡撫陳夔龍將光緒二十九年分江西巡撫夏崑將光緒二十八年冬季漕運總督陸元鼎將光緒二十九年分雲貴總督丁振鐸將光緒二十九年夏季造冊奏咨報部臣部按律詳核北洋常備軍各營練勇一萬八千四百九十名河南常備軍練勇一千二百八十七名江西常備軍續備軍練勇水陸各營兵勇共九千五百零九名漕標巡警軍練勇一千四百二十三名雲南常備軍續備軍各鎮兵勇共一萬七千九百九十六名其餘各省間有奏報到部並未造冊者應令各該督撫將二十七年以後改練新軍速即造冊報部以憑查核如由制兵改練並由防勇改練者均於冊內詳細聲叙庶新舊軍制有所參證俟命下之日臣部行知各該督撫一體欽遵辦理謹 奏光緒三十年十二月十六日奉 旨 依議欽此

練兵處奏定陸軍服制摺

竊臣等於上年八月初三日具奏陸軍營制餉章一摺並於軍服制略內聲明詳細式樣另摺專奏仰蒙 允准在案亟應欽遵擬訂以副 朝廷經武振軍力圖自強之至意查東西

各國軍衣制度大致相同惟章采符號各有區別昔者閉關自治原可無事更張現值門戶洞開中外往來我常派員出洋閱操各國亦來華觀我軍隊而我國軍服綵雜參差習爲寬博之容頗乏嚴整之象自爲風氣時貽笑柄不特無以資利便抑且不足適交通從前長江水師官弁北洋海軍將弁均經奏請改用短服一洗舊觀因時通變咸具深心且各國通例兵丁見員弁有禮員弁見上官有禮示以敬事長上之心卽寓輯睦邦交之意乃京畿內外各軍華兵見洋官照例行禮洋兵見華官則以服章不辨不相敬禮若不亟定新制昭示外人殊非尊隆國體之道也臣等公同商酌非訂詳明之制不足以判別等威非釐畫一之章不足以聳人觀視爰參酌成規體察時勢謹按奏定新軍官制釐訂衣章帽章除朝覲公謁大禮服仍遵舊制軍禮服仍戴翎頂貂緯帽外餘分軍禮服軍常服操帽各項區以三等析爲九級一禮服袖章其章以盤花金瓣分上中下三等以橫道金瓣分第一二三三級上等官盤花瓣三道中下等各遞減一道各等第一級橫瓣三道第二三遞減自中等以下各官又按步馬礮工輜分綴紅白黃藍紫五色橫道惟參謀官袖章之上另加金銀紅三色套環以示特別此禮服袖章之式也二禮服肩章其章以編牌金瓣紅絲瓣分上中下三等以金色團蟒分第一二三三級上等官編牌金瓣三道中等金瓣二道紅絲瓣一道下等金瓣一

道紅絲辮二道各等第一級金色團蟒三箇第二三各遞減一箇此禮服肩章之式也三禮服領章其章以飛蟒珠色分上中下三等以橫道金辮分第一二三三級上等蟒珠紅色中藍色下白色各等第一級綴橫金辮三道第二三遞減此禮服領章之式也四常服袖章其章以金團蟒分上中下三等以橫青辮分第一二三三級上等官綴金蟒三箇中下遞減各等第一級綴青辮三道第二三遞減其中等以下應綴分隊各色者與禮服同此常服袖章之式也五操帽式章其章以帽正蟒珠分上中下三等以橫金線分第一二三三級上等雙蟒抱紅珠中藍珠下白珠各等第一級綴金線辮三道第二三遞減帽色用黑此操帽定章之式也至軍褲記號與上服同重上等綴金辮三道中等各就本隊顏色綴絲辮二道下一道以期相應軍服顏色禮服四時全用天青常服寒暑分用深藍土黃惟不加肩章領章用歸簡易各軍佐官等級與軍官相當者章式亦與軍官同惟金色易為銀色青辮易為藍辮庶幾同中見異正副分明以上各章品式既明識別較易臣等竊維治軍全體縝密精嚴表見之端厥為章服外容既整氣象自新軍威可以振肅號令可以齊一操戰可以便利交際可以適宜湔洗從前紛雜闖茸之積習其裨益軍政殊非淺鮮如蒙 俞允擬請即定為中國陸軍官弁服章頒行練兵各省一體遵行嗣後無論在營出征或游歷外洋均須依此

定式不得稍有參差倘非新定官職暨管練新操人員仍不准仿用以示限制而免混雜除尺寸製法暨兵丁冠服式樣再由臣等分別詳細擬定咨行辦理外謹將陸軍官弁服帽章記繪具圖式清單進呈 御覽再此摺係練兵處主稿會同兵部具奏合併聲明謹 奏奉 旨依議欽此

前署閩浙總督魏奏閩省遵章變通編練新軍摺

本年九月二十五日承准練兵處王大臣咨開光緒三十年八月初三日日本處會同兵部具奏擬定營制餉章一摺又會同兵部具奏營制初定請 飭各省次第編練一摺均經奉 旨依議欽此等因到閩伏讀之下仰見 聖主經武自強之至意曷勝欽佩臣起自我行於兵事粗有閱歷然不敢拘守舊法審取東西各國練兵新制詳細考求前在兩江任內曾將南洋各軍編定改練略具端緒抵閩後念海疆緊要時勢艱難非籌餉無以練兵非練兵無以強國而閩省地方瘠苦餉需支絀又百倍於江南正籌畫間適奉 諭旨飭令各省次第編練新軍此誠今日自強之要務也伏查閩省軍制自前督臣許應騤暨兼署督臣崇善署督臣李興銳三次奏改後通計常備軍左右兩鎮新兵共三千三百三十三名中惟常備一軍稍爲整飭而額數太少尙不足新軍一協之數其餘防練各營大抵異常雜糅人數餉

章皆不畫一制度歧異名目紛繁久應大加釐定臣抵任兩月以來先將駐紮省城之常備左鎮六營校閱操演又親蒞長門閱看常備右鎮兵操均尙合法惟防練各軍分駐各屬未便調閱細加考察始知其不能一律趕卽頒發教練規則各條添派教習嚴飭各統領將弁督率操練以備改練之用此次練兵處擬定陸軍新章期於全國一律所定制度極爲周備閩省以海疆要區又本有左右兩鎮爲之基礎自應編練一軍以重防守而備征調查新章內載變通制略一條有云如該省餉項支絀不能一時照章編立成軍成鎮其開辦第一年一鎮中先設步隊甲協兩標馬礮隊各一甲營工程輜重各一隊第二年續成步隊一協之兩標馬礮隊各一營工程輜重各兩隊等語閩省現在設立一軍兩鎮謹援此條暫行變通辦法於每鎮先練一協先設第一鎮之甲協步隊六營並配山礮一營馬兵工程輜重軍樂各一隊再設第二鎮之內協所有步礮馬工輜重軍樂營數隊悉行配置與第一鎮相同兩鎮兵官除各營管帶以下照章設立外第一鎮擬專設鎮統而虛協統第二鎮擬專設協統而虛鎮統俟全軍足額後再行補設閩省地勢負山面海延建汀邵皆山嶺綿疊漳泉興福則港汊分歧絕無平原大陸可以騎戰與西北形勢迥異故擬設馬兵獨少惟要塞最有利於用礮且近年各國用兵尤恃礮力一礮足抵百槍之用礮力所及雖快槍亦無所施擬

先練礮隊兩營通計兩鎮員弁兵夫共一萬一百六十六員名歲需餉項雜支共八十九萬八千五百六十三兩零就常防軍三項兵內可抽改練者共底餉六十六萬三千四百七十七兩零不足二十三萬五千八十五兩零其雜支無定額者尙不在內所開餉數照新章在薪公雜支項下核減二十餘萬兩大意甯減執事之員數而不減營隊之兵數甯減統將之薪數而不減弁兵之餉數將來操練純熟軍制完備仍須一律照加嘗考東西各國軍制每一軍皆一萬餘人或多至三萬人日本一國而有十數師團其不惜餉力以注重養兵者如此閩省改練新操雖需餉稍鉅而前之常備僅三千人今之常備逾一萬人實冀多練一兵多得一兵之用現將省城原設軍政局遵照新章改爲督練處於明年正月開辦所有員司俟派定後奏咨立案從開辦之日起一面抽調防練各軍之半併俟原設左鎮新兵開練第一鎮練有數月之後即將此項新兵遣防各處再行抽調防練各軍之半併歸原設右鎮新兵開練第二鎮俟至明年冬季兩鎮先練之步兵兩協並礮馬工輜軍樂兩營八隊當可次第告成屆時卽當照章咨明練兵處兵部奏請 簡派大臣來閩覆核果有成效再行續籌兩鎮之第二協併添足礮馬各營以期完善再查新章立軍制略陸軍編列名號應俟奏請 簡派大臣考驗合格後再請 欽定軍鎮協標號數等語閩省改練新軍於未經簡閱之

先擬暫名曰福建常備軍第一鎮第一協第二鎮第一協所有防練各軍如福強福健各軍名目悉予刪除以一觀聽抑臣更有請者新軍固以操練爲先而閩省則係操防並重現既將防練各軍統改常備重在操練以備緩急徵調其抽調合操之時至少亦須三四千人方能備訓練之法縱有餘兵分撥外駐亦恐單弱不敷分布而且州縣遇有事故動資兵力彈壓又不能無所鎮攝閩省現存綠營六千餘人經前署督臣崇善奏明改編巡警軍三十八隊年餘迄未核辦擬咨會陸路提臣黃少春將各標營塘汛兵丁照原奏分別裁減極力整頓分防以助新軍防守之力至常備軍照章選土著充當續備後備等軍又以常備三年出伍退歸原籍之兵充當閩省現在各軍多非土著斟酌變通擬俟將來遇有缺額之時即選土著充補統俟練兵處頒到徵兵專章再行遵辦謹 奏奉 硃批練兵處兵部知道欽此

前署江蘇巡撫端等會奏籌議裁併續備各營改練步隊更定營制餉章摺

竊查蘇省防練各軍前奉 諭旨釐剔各省制兵防勇業經分別裁改所有蘇防五營親兵一營均作爲續備軍因松滬一帶防務吃緊上海原紮三營不敷分布擬照湘軍營制添募兩營屯紮浦東以顧吳淞後路均經前督撫臣先後 奏明在案奴才端方到任時因添兩營尙未招募卽派妥員分赴江北一帶按格募足兩營來蘇作爲常備軍就近訓練嗣奉練

兵處 奏定陸軍章程卽飭一律遵照新章訓練惟思立軍之道必使餉章畫一律制整齊通省各營聯成一氣彼此無厚薄之分教練始能一律今蘇轄五屬所練新軍僅此常備兩營已形單薄而所改續備六營除親兵一營操法尙好其餘則雖改新名仍沿舊治餉章營制各有不齊官弁兵丁皆當釐剔非量加更定難望振興擬卽將此續備六營覆加挑選計汰弱留強以敷新軍四營之數應卽遵照新章改練常備四營合之先練二營共計六營分爲二標合成步隊一協非能教操者不許充將非能識字者不能充兵平時各駐分防臨時居中調遣庶幾有指臂相聯之效至續備親兵一營當經裁併另選教練隊百人作爲巡衛隊以資模範惟欲力除舊習必須修守新章而新章所頒營制有蘇省成材尙少宜暫虛以待其人者所列餉章有一時程度尙低宜推誠以勸其成者事關軍政固不便徒惜小費亦不敢稍涉虛糜因地制宜非酌量變通不可查新章陸軍營制統領轄一協統帶轄一標管帶轄一營惟協統非資望較深講求兵學者不堪其任蘇省尙乏其人應俟改練成軍後再行酌委至每標統帶應擇才具諳練能教新操者分別任用各營管帶均擇學堂出身曾習武備者慎加遴派至每協設有參軍官一員每標設有教練官一員副軍需軍械軍醫馬醫官各一員每營設有軍醫長一員蘇省尙無有勝任之人應皆暫虛其職俟將來出洋陸軍

學生卒業回國有能及格者再行添置各營又有醫兵四名應俟有事時添補駕車兵四名
 喂養夫四名南方不利行車應卽一併裁去餘則均照新章辦理此營制之宜酌量變通者
 也新章發餉皆計銀數而蘇省現用洋元若仍照舊用銀則放餉之員難保無扣平減色之
 弊而兵丁以銀易洋仍受虧折今皆酌定洋數而按時價銀數合計除去奇零比較練兵處
 所定餉章稍加裁減蓋新軍初練自官弁以至目兵皆尙不符優等資格此時薪餉過優未
 免轉增驕氣若將來果成勁旅再行議加既可鼓勵軍心亦不虛糜餉項此餉章之宜酌量
 變通者也然而練兵尙易選將爲難將領稍不得人辦理必無成效是則培植將材尤爲第
 一要義至於新軍薪餉優於舊營卽以所裁之餉加給新練之軍不敷尙鉅計續備軍五營
 每營每關支銀二千一百九十六兩二錢續備親兵一營每關支銀二千二百一十七兩二
 錢合計六營每關共支銀一萬三千一百九十八兩二錢改練新軍每營月支洋五千零二
 十六元二角六營月共支洋三萬零一百五十七元二角加以協標所屬官弁薪餉等項每
 月共支洋三千三百四十六元三角又加以教練隊百名計管帶一員月公費洋一百六十
 元正目十名每名月支洋八元正兵九十名每名月支洋五元五角統共支洋八百二十五
 元合計步隊一協衛隊百名每月共支洋三萬四千三百二十八元五角洋價時有漲落姑

以每元合銀七錢計算約合銀二萬四千二十九兩零除先練常備二營月支洋一萬零五十二元四角約合銀七千三十六兩零先已另籌外計需餉銀一萬六千九百九十三兩零除已裁併續備六營原餉作抵每月計短銀三千七百九十五兩零每年無閏計短銀四萬五千五百四十兩零此外尚有添置軍裝衣履雜支活款常年所需甚鉅應由蘇省銅元局餘利項下籌補惟新軍以訓練為主若兼顧防務則操練必難認真而所擬裁併之續備六營除親兵營及續備中營駐紮省城外其四營分駐震澤宜興黃渡楓橋等處若遽行撤回無可駐紮防汛未便空虛伏查蘇省素稱澤國利用水師自太湖水師六營於光緒二十八年改爲巡警軍又有飛划蘇捕水師各營相輔水路足資震懾而提標所轄太湖左右兩營雖額設副將都司等官亦有舵工槳手什長正兵等名目實則船皆朽壞兵多缺額虛支薪餉形同贅疣若將此兩營一併裁去即以所節之餉改練巡警陸軍兩營不敷之餉仍由銅元項下籌補合之蘇省原有巡警兩營共計巡警軍四營分紮各處則此新軍兩標即可以一標駐紮省城以一標駐紮省外專心訓練庶幾操練分防兩無貽誤如蒙 俞允即由奴才效會咨商督臣提臣妥議另案奏明辦理奴才端方拜摺後即於十二月初一日遵 旨赴湘所有裁併事宜不及一手料理先將更定步隊一協營制餉章繕具清單恭呈 御覽

軍事

一百二十

二月

其餘一切事宜應由奴才效曾督飭接辦俟改練成軍再行詳細奏報謹 奏奉 硃批該衙門知道單併發欽此

謹將酌擬常備軍步隊一協營制餉章繕具清單恭呈 御覽 計開 一協之制統領官一員每員月支薪水洋三百元公費洋三百元執事官一員每員月支洋七十元二等書記官二員每員月支洋五十元司書生二名每名月支洋十二元司號長一名每名月支洋十六元弁目一名每名月支洋十四元馬弁六名每名月支洋十二元護目一名每名月支洋八元五角護兵十名每名月支洋六元五角伙夫七名每名月支洋四元五角騎馬四匹每匹月支洋七元每協月支洋一千四百五十二元一角 一標之制統領帶官一員每員月支薪水二百五十元公費洋二百五十元執事官一員每員月支洋七十元掌旗官一員每員月支洋三十元二等書記官一員每員月支洋五十元司號長一名每名月支洋十六元司書生二名每名月支洋十二元弁目一名每名月支洋十四元馬弁四名每名月支洋十二元護目一名每名月支洋八元五角護兵八名每名月支洋六元五角伙夫二名每名月支洋四元八角騎馬五匹每匹月支洋七元每標月支洋九百四十七元五角 一營之制管帶官一員每員月支洋一百五十元公費洋二百元督隊官一員每員月支洋七十元隊官

四員每員月支洋五十元排長十二員每員月支洋三十元軍需長一員每員月支洋三十元書記長一員每員月支洋三十元司務長四名每名月支洋十六元司書生六名每名月支洋十二元醫生一名每名月支洋二十四元正目三十六名每名月支洋八元副目三十六名每名月支洋七元號目一名每名月支洋八元五角護目一名每名月支洋八元五角正兵一百四十四名每名月支洋六元五角副兵二百八十八名每名月支洋六元號兵八名每名月支洋六元五角護兵十八名每名月支洋六元五角備糧兵三十六名每名月支洋四元八角伙夫三十八名每名月支洋四元八角匠目一名每名月支洋十二元槍匠四名每名月支洋九元五角皮匠四名每名月支洋六元五角每營月支洋五千零二十六元二角 合計全協兩標六營共支洋三萬三千五百三元五角奉 硃批覽欽此

署湖南巡撫陸奏拿辦會匪彙案造報摺

竊照湖南風氣強悍素多伏莽其初無非軍營散勇沾染習氣已深不能復安耕鑿勾結無業遊民立會放票小而索詐大而劫掠苟圖得財而已乃自庚子歲富有票匪蔓延入湘而後內地匪徒羣相效尤包藏禍心潛謀不軌歷經嚴加搜捕根柢尙未盡絕近因桂氛不靖湘防戒嚴匪徒乘機思逞到處煽誘教堂林立邊地綿長保護防範甚重且難間有嘯聚滋

事之案皆賴文武員弁嚴密防查迅速拿辦旋起旋滅未至擾害地方查光緒二十九年五月衡陽縣屬有匪首謝澹功卽籌肅先與陳方田開堂放票約同已獲正法之賀金聲倡言仇教希圖起事漏網未獲因聞桂匪勢熾復招集黨徒欲往廣西與匪接應合爲一夥卽經訪聞掩捕訊供稟報又十月間該縣與邵陽縣交界之洪樂廟地方有匪徒李衡功僧果賢先聽從劉惠明謝澹功糾邀入會推爲副龍頭旋復自行創立山堂刷印票布散放聲勢甚盛經營縣會同拿獲並起獲票布多張印有九台山樂善堂等字樣語多悖謬訊供稟報均經前撫臣批飭正法於年底彙案 奏報在案臣本年六月到任正值防務吃緊之時深知湘中會匪滋多欲遏鄰氛宜清內奸當經通飭整頓警察團練認真防範並令會同營汛防軍一體稽察巡緝旋於九月間風聞有同仇會匪入湘放票潛圖起事密派大員督飭營縣查拿在於醴陵縣及省城先後拿獲匪目蕭貴生游得勝何少卿三名並搜出偽印偽令旗華興票等件發司督府訊明蕭貴生本係賭棍先聽從王甫臣入八寶山會充當老九本年八月復聽從馬幅益卽馬乾入岳麓山會更名蕭漢推爲正龍頭馬幅益並交該匪華興票多張派充中路副辦託其散放游得勝係屬散勇先聽從傅友蛟入會爲匪本年八月復聽從馬幅益領受華興票派充西路總辦並據供明該華興票名同仇會同有東南西北中五

路總辦副辦等名目馬幅益係五路督辦曾聞馬幅益言及有人在外洋購辦軍火欲運到湘定期十月在省城起事馬幅益現已聞拿逃逸等語維時省城謠言四起羣情惶惶即經臣批飭將蕭貴生游得勝二匪先行正法其何少卿一名情節較輕電商督臣張之洞暫留備質一面飛咨各省並飭各屬搜捕匪黨踪跡人心爲之一定又十月間廣西會匪第三隊頭目黃遇灑即李瀧係柳州股匪覃火生黨羽兼通邪術因在昭平縣被官軍擊敗後圖竄入湘老會第三隊頭目羅永莒以該匪係屬湘人囑令來湘探聽軍情並沿途糾約痞徒以爲應援時黔邊滇軍叛變湘西告急張慶雲一軍正擬拔隊赴桂援剿南路兵力甚單該匪假裝逃荒難民滲入邊境探明虛實不欲回桂報信希圖竄擾當經盤獲搜出偽印公文訊供稟報派員會審即行正法謹 奏

○新疆巡撫潘奏改世襲兵爲常備兵摺

竊臣於上年三月具 奏新疆餉源短絀擬請息借洋款遣散內地兵勇改練土著世襲兵以固邊防而舒餉力一摺奉 硃批該部議奏片併發欽此臣原奏籌借洋款二百萬兩係指江西湖南湖北三省協餉作抵均經商允就撥解滬關分作三年本利全還嗣經南洋大臣飭知上海關道與洋商議借索息八釐已屬太重且只交金鎊並無現銀以鎊易銀之多

折耗甚不合算是以電商戶部借款作爲罷論惟催各省協餉如數如期解到臣卽就解到之餉勻撥辦理業經戶部照准分咨催解在案新疆向有馬步客勇二萬八千餘人原擬盡數遣散籌練土著二萬人名爲世襲兵每步兵一名撥給土地十畝牛馬各二十五隻羊五十隻共一百隻馬兵加倍自什長以至營旗哨官層遞加增俾資屯牧惟牛馬羊三項登時如數籌給需價不多且急切難於購買議先發給二成估需價銀二百三十餘萬而各省協餉又未能如數如期解到不得已爲減兵省費之計原議某地當駐一營者改駐一哨當駐一旗者改駐一哨擬籌練一萬四千人勉爲分布照原議減練六千人又以牲畜價購買地則所在皆有無俟外求因議多撥地畝少給牲畜而牲畜又只籌給羊隻不給牛馬蓋牛馬成本重而獲利輕羊則購價無多而孳生又較蕃盛皮可裘毛可織乳可酪肉可充食利用又多因議馬步兵丁各撥給上地二十畝自什長以至營旗哨官酌量加增或二畝折一或畝半折一卽地少之處亦須加撥二三成務使有餘不使不足羊則先給二成馬兵應給羊二百隻先給四十隻步兵應給羊一百隻先給二十隻餘皆類推計官兵一萬四千人共需籌撥上地三十七萬六千六百五十畝成本羊四十三萬四千八百五十隻每羊一隻估價銀一兩計需銀四十三萬四千八百五十兩加以開鑿渠井製備農具及委員薪水車價等

項估銀一十六萬餘兩總共需銀六十萬左右分作三年辦理每年共須勻撥銀二十萬上下較原議經費銀二百三十餘萬幾減四成之三費省事集既不籌借洋款又不另請帑項此目前經費無多不可不辦者一也至常年餉項卽以一萬四千人按照新疆現在餉章計之歲需銀一百二十餘萬兩加以續備巡警練勇一十五營旗哨三千九百餘人歲餉三十二萬餘兩共需銀一百五十二萬餘兩今練兵一萬四千人營旗官給地二百畝羊二千隻哨長給地一百畝羊一千隻馬兵給地二十畝羊二百隻步兵給地二十畝羊一百隻其餘差弁什長親兵護兵人等遞有加增地畝登時籌給羊隻先給二成令其在山牧放生不生息約計五六年後即可積足本羊額數此五六年中各該弁兵等只有地土收成尙無羊隻之利營旗哨官照章歲支辦公銀十一萬八千五百十二兩又營旗哨官營書薪水銀六萬九百二十四兩又弁兵每名每月發給鹽菜銀九錢馬乾餉月支銀二兩四錢有減作一兩八錢歲支銀二十四萬五千八百八錢每月弁兵一名月支食糧四斗歲支糧六萬六千一十四石四斗每石作價銀一兩統共歲支銀四十九萬餘兩連續備巡警練勇歲餉銀三十萬餘兩每歲共需銀八十一萬餘兩計每年可省銀七十一萬餘兩此常年餉項可省不可不辦者二也俟五六年後本羊足額此後孳生之羊謂之利羊必在山牧放三年長大肥壯

始能作用通計八九年後以步兵計之每羊百隻至少可收利羊三十隻每隻價銀至少可售一兩計可獲銀三十兩上地二十畝每畝至少可收倉斗糧一石五斗共可收糧三十石每石作價銀一兩計可獲銀三十兩二共銀六十兩較之現在餉章每步兵一名月支銀三兩六錢歲支銀四十三兩二錢其贏絀大相懸殊利之所在人共趨之無論土家兵丁未有不爭先恐後者自茲以後除營旗官辦公經費銀兩照舊支給外所有營旗哨官薪水銀兩以及馬步兵丁鹽菜糧價馬乾銀兩皆可停支計每年又可省銀三十一萬餘兩計每年只須發給營旗官辦公經費銀十一萬餘兩連續備巡警練勇歲餉三十二萬餘兩統計每年只需餉銀四十三萬餘兩此將來歲餉所省更多不可不辦者三也原議客軍全行遣散專用土著漢纏搭用回民蒙古具奏後博採衆論兼察邊情回民性烈不宜使之入伍充兵授人以柄纏民性懦營兵全募此種誠慮緩急難恃若令選募二三成雜入漢隊中隨同操練一步一趨可期得力且素悉土性水草於屯牧二事較客兵尤爲熟習查新疆客兵臣於前年抵任後因欠餉過鉅不得不大加裁汰權顧目前步隊一營只留二百人一旂只留一百六十人馬隊一旂只留五十人前經奏明在案現將此項客兵概行留用次選流寓漢人中之年力精壯毫無嗜好者酌量添募緣在營兵丁與流寓漢人共知屯牧之利較現在口分

大有長餘情願先行入籍然後歸伍北路鎮迪道屬向係漢回雜處茲專加選土著漢人以補客兵之不足回民概不錄用南路喀什噶爾阿克蘇兩道屬盡屬纏民今擬擇其精壯而有身家者每棚兵丁十名搭用纏民二三人以補客兵之不足現在北路撫標及巴里坤鎮標南路喀什提標阿克蘇鎮標委員分投辦理已有規模土客互用不無更替若仍名爲世襲名實未盡相符應請名爲常備兵以符 國朝新制至伊犁塔城漢民極少流寓無多暫未舉辦兩處蒙古雖多然於游牧不願居住營房若令官兵外處於營制殊不相宜容與伊犁將軍及塔城參贊大臣徐徐商辦另案奏陳伏查新疆孤懸關外向係仰食內地自庚子事起各省協餉欠解甚多而每年認解賠款四十萬兩必須如期撥解刻不容緩現已柚杼其空朝不謀夕若不早爲之計勉圖自存將來愈久而愈難支持邊局何堪設想本省無源可開惟此地土肥沃水草豐茂尙爲地方自然美利棄之誠爲可惜今廣籌屯牧以養兵丁卽古者寓兵於農之意舍此別無辦法合無仰懇 天恩俯准照辦俾臣得以一意經理期底於成邊局幸甚再此摺係臣效蘇主稿合併陳明謹 奏奉 硃批著照所請該部知道片二件併發欽此

江陰礮臺洋教習遵將礮臺情形及擬整頓各條稟陳兩江總督文

軍事

一百二十七

乙巳

江陰一帶礮臺情形 江陰四圍山勢係天然用武之地且係長江最要門戶尤宜整頓防務照現在所有礮位似尙不足以守如此緊要之地勢且當初於各處建築礮臺安放礮位時並無諳練之人爲之經營是以有幾處應置二三尊礮者止有一尊又有兩種礮位置於一處者如八寸徑快礮與九寸徑後膛礮置於一處且當初亦係洋教習指示殊爲詫異所有各種不合之處詳晰於下其礮臺東西兩處之外山可無須再置礮位

步隊 現在所有額數尙不足以防守如此緊要之處因防口後路及四圍山勢均須步隊礮隊互相守護現在所有步隊宜移往四圍山勢駐紮照圖上註明之處且平時亦須備步兵一萬五千至二萬之數是爲至要

行營礮隊 江陰現在並無行營礮隊亟須駐紮馬隊與行營礮隊數營以資防守現雖有小行營礮二十尊向歸步隊管理並無礮架彈車等件尤宜改良此外又有三磅子阿母斯唐快礮一隊此項礮位用於行營礮隊甚爲合式惜亦無彈車等件現爲步隊派兵一百名管理此項礮位宜交與礮臺經管即可以之習練打靶工課比之用大礮經費較省且可代大礮作迎送致敬之用

新式礮 有十二寸徑後膛礮兩尊一在東山一在西山於一千八百九十五年到臺由上

海製造局所製一向合用惟後膛機件不甚靈便惜當初安放時未將山地開平又彈藥之路太峭運動不快兼之兩礮分在兩山若能置在一處尤爲合式再用小鐵軌以車搬運彈藥此項工程可由製造局自製所費無幾江防最要之處止有九寸徑後膛礮一尊一千八百九十五年所置該處水陸受敵宜添四十磅彈之礮二尊或六寸徑快礮二尊且該礮基礎不甚堅固諸多費手又有同口徑者二尊一千八百九十六年所置同受此病止能放時減輕子藥二磅方無他慮此種礮位亦係上海製造局所製又有阿姆斯唐八寸徑快礮二尊一千八百九十八年所置此二尊又未置一處所用引火等件均由外洋配來現早用完止有製造局自製物料不佳有傷礮眼現止能用螺絲引火方能不損礮位又有阿姆斯唐六寸徑快礮二尊不應置於北岸因該處已有礮隊一小隊也如有敵船由北岸上水而來須行至數千碼之內礮臺之礮方能施放如敵在岸上此等礮位無所施其技矣似宜遷至南岸較爲得用又有上海製造局所造之六寸徑快礮四尊在黃山與靴脚山音譯各置二尊均甚合用又有一千八百八十四年之阿姆斯唐十二寸徑前膛礮四尊置於東西兩隊各二尊此項礮位在外洋雖已廢棄而礮身尙佳一向得用惟須移置於新式之礮位處因該礮之子藥庫正對江面敵船且在礮位之前裝子藥時極爲危險數年前吳淞曾遭此禍藥

庫轟毀打死數人是以該礮子藥庫無論如何總須遷移又有一千八百八十四年之法國哈起開斯三十七米粒米德礮置於東西兩礮隊各二尊此項礮位無甚大用惟所存子藥頗多可作為打靶之需又有前膛舊礮二十四尊分置兩岸營內此項礮位已成廢料在此徒耗經費不如運回製造局以作別用又有克虜伯舊礮二十一尊分置口岸營內此項礮位因多年不放棄於洗擦其內膛多有損傷內有數尊若送至製造局內重為修理尙可移至後路防營具照圖上註明之處且該礮子藥所存極多

藥庫 總庫建於一千八百九十九年而為一千九百三年所重建者該庫離礮臺之山脚太遠且正在黃山之礮線內決不能作藥庫宜作別用此外舊有各庫均失修理所藏火藥不久即潮不如拆去免為敵人之向道記號又礮子彈庫亦不充足大半係六寸徑快礮之子彈其餘之庫所蓋之氣門溝道均不合式所藏子彈最為損壞所有之庫均須酌裝夾板以防潮濕

炸藥庫 以先之舊庫地段甚不合式現在新者尙稱完美現有炸藥二千五百磅存在蘇耳灣音譯舊營內該處久已失修亟宜遷移距礮臺稍遠之處以免不測

礮兵宿所 礮兵住宿之處最忌與礮位藥庫相連免致有燈火爐火諸險宜另設營房以

備臺官士卒居住一處以資約束且時時操練自能上下一心現在西營之房夏時太熱疾病甚多且東西兩營房屋正對江上敵船直線似宜改良爲安

整頓 各礮臺空位甚多儘可添置礮位自東礮臺至西礮臺之後路宜掘一濠溝計長二千碼闊二十尺冬天須有水六尺至八尺之深以堵敵人由後路攻打窺探等事該濠兩端造橋兩座派兵看守不准閑人出入由礮臺至周圍山頭須築寬平之路以便步礮各隊往來之用現有之路太狹且失修理宜於各礮臺築一統路闊十二尺以便行營礮隊往來礮臺之用各處山勢以及礮位等所築有石城極多非惟無益且恐爲敵人礮子擊破有傷及礮位礮兵等事亟宜拆去另築於四圍有礮之山脚下計高十二尺前面掘一濠溝其各礮臺之應有防堵者可以土城代之令營兵工作礮臺界限之內不准雜以外人此各國通例也此處向來任人出入且界限之內尙有民田宜由國家買回所費無多免致混雜目下此地只有電光燈一盞似不敷用須添置數盞應設之處註明圖上所設之德律風纜及一年所通之處甚少且爲桿線難免爲槍子等打傷若用地線各處接通似較完備且現在總會之所甚不方便總火藥庫自去年被轟後所有上等火藥所有無幾且止爲大礮所用者甲辰年秋間由上海德商信義洋行購到無煙火藥三萬二千磅係德國所製并無用法及應

用分量之仿單在臺人員未敢輕以嘗試且專爲五十軋理培之礮所用而此處所設之礮至大者不過四十五軋理培是以本臺之官與某時至上海攷驗用法而往返十數天卒無人敢擔此任者開花彈專爲阿姆斯特唐之礮所用係礮臺要需目下儲存無幾似應常備無缺礮臺現在勢力尙不及一頭等戰艦近來頭等戰艦每三分鐘能放子彈計重三萬二千磅而照此處各臺之礮計算每五分鐘止能放子彈計重二萬六千四百磅

職守 各礮臺委員宜常司一職以資諳練而各員更調無常稍有頭緒卽行他調某到差以來十年於茲所見如同一轍以致各員無心考究敷衍了事目下各礮臺之營官係由教習中之最優而得陞遷者已有數員此法較善蓋營官必須通曉槍礮之操法及軍火之功用爲統領之臂助現在各營官因未能全曉以上工夫且各礮位相距太遠一人難以兼顧宜添幫帶一員以輔之目下此種人員一時不能多得可於教習等員之中擇其優者充之俾資鼓勵再在臺各礮長均歷有年數較爲熟悉似宜酌量推升以收成效礮手一項亦宜整頓每逢添補卽以營官親友無論其身段之相宜否也一經到差卽不能支持甚至數月之久不能操練以致人才相宜者反而向隅從前提選礮手均由洋教習酌選而數年以來此權已操之營官矣然而亦宜有醫官考驗體質之合式者亦須略知寫誦庶於職司纔有

進益江陰四圍有山有河係天然練兵練將之處亦可設立武備學堂約二百名爲額蓋一切軍器齊備藉資習練也且地處偏僻可免城市之習氣長江上下各礮臺礮船宜歸一人統領各臺營官均歸統領節制現在礮臺統領係由外洋卒業來者極有才幹惜權不歸一手下各員均由上峯派來是以不遵約束似宜仍照以前章程由統領選派爲妥目下各礮臺之操練隊伍竟各操各法仍宜照以前章程改爲一律江陰從前原有總教習一員因病銷差至今無人提補所有各礮臺一切情形均由總教習詳稟某此次奉諭所具之詳稟內中條陳大半得於從前德親王亨利及英德等國水師提督到此游歷時所擬辦法再某在此當差究不知有何權限應管何人應爲何人所管伏乞札知各臺員俾得遵行

各省軍事紀要

奉天 彰武縣武台門外土匪揭竿起事兇悍異常經周大令電報新民府派遣警隊往剿反爲所敗近已電請直提馬宮保派隊赴援

河南 正月月中旬河北唐店匪徒聚衆肇亂戕殺鐵路工匠數名嗣將兇手緝獲餘匪遂即解散

浙江 金華縣前獲九龍會匪目柯秉陽陳寶琛等四名經毓大令審訊供認不諱並搜出匪票簿據計有黨類數千分布各處當即稟奉憲批就地正法並飭各屬協拿餘黨 新昌縣屬開口巖地方匪徒聚衆希圖謀亂經奉新兩縣密稟

浙提呂軍門即派防練兵勇馳往查辦匪黨遂即逃散

四川 雷遠府與滇接壤兩省土蠻聚而滋擾川督錫清帥當調練兵兩營前往彈壓

廣東 甲辰十二月中旬藍濱山匪黨千餘由派潭擁入龍門縣附近之永清墟鄉民准備迎擊亂黨不敵而退然該墟罷市三日龍城戒嚴 又廉州匪黨竄至仙女嶺與該處團練接仗宋統領安樞聞警往援匪等據嶺死拒練丁死者十餘名傷者二十餘名嗣經兵練合力圍攻相持終日卒斬匪首五級生擒匪首馬其傳一名又匪黨陳十三陳十二雷二米吳九等四名餘匪遂潰 靈山縣境毗連廣西時有桂匪竄擾甲辰十二月間該縣潘大令會同王哨弁督率勇練搜獲黃大繩一名擊斃宣化縣匪首王大德生擒王初九一名殺斃匪黨李其宋李其雍獲關開義黃見寶兩名均即正法

廣西 正月初八九十等日武匡軍柳中營及孔李兩中隊在六都基田龍團等村剿匪破斃匪首章炳秀及羽黨十餘名生擒匪黨四匪婦一並起出被擄男女七十餘口惟該軍陣亡一名受傷四名 柳城縣屬沖墨墟土匪首張老三率黨六七百竄至該墟焚掠成字營勇協同定武軍截擊匪黨敗潰四處狂奔張母朱氏落後致遭擒獲解回柳城正法

正月初旬羅城縣屬三防墟突來悍匪數百肆行滋擾該處主簿飛報張大令稟由黃總統調派中營由磨盤山前往攻剿 以上柳州

甲辰十二月二十日貴字營統領張得貴迭派會錦芳鄭廷彬等在慶遠府屬大窰寨牛欄關里湖等處擒獲匪首陳老妹會堯貴李春廷黃振發姚大生陸子發伍華生莫廷芳並遊匪首何三等當即就地正法二十九日又生擒匪首陳二一名匪婦兩口破斃匪黨四名官軍死者二名傷者一名 以上慶遠

綏遠軍副中營夏營帶拿獲匪首一名令充官軍線勇搜剿各匪旋該匪首引至四塘某村擒獲槍斃吳副戎之匪三名

觀明正法又引至武緣屬之大保大豐二村交界之山圍攻匪穴捕獲匪首二名匪黨六十餘名槍斃二三十名並起出被擄婦孩七十餘口 以上恩恩

日俄戰事紀要

咸廠附近戰

防禦咸廠方面之日軍其距俄軍最近者偵知三家子俄軍已設兵站司令兩部並於下爽河前面一帶高地構築防禦陣地派兵二師團駐守時日軍駐紮下爽河南揚於防守之難乃擬先發制人之策甲辰十二月二十四日特令片倉隊在左翼線連合第若干隊於午後七鐘前進攻襲片倉隊既奉命令急整戎裝冒積雪行擬以本隊由正面攻入而令連合之隊由俄軍右側前進以襲俄軍之後籌畫既定屆時進兵翌日午前三鐘片倉隊先達預定之地俄軍前哨瞥見日軍急即報知後部砲擊二發俄兵羣集散兵壕燃槍轟擊日軍列陣應戰異常奮勇惡鬪數小時不稍退却極力支持以俟連合隊至協力攻擊迨至五鐘三十分日軍依然獨力抵抗而俄軍則兵力益增躍出壕外突擊而前時日軍損害頗多兵力過單恐遭覆沒遂暫退至舊時陣地以圖再舉而日軍連合隊之遲遲未至者緣黑夜迷途致不得達途中且遇俄軍兩面圍攻遂與苦戰持至天明始得突圍而出日軍兩隊夜襲無效各抱遺憾以待時機至二十八日又奉襲擊俄軍之令是時寒氣益烈片倉隊仍與第若干隊連合乘夜突擊前部進匪俄軍三十連當之處後部猶未繼至立待數鐘積雪沒脛幾至僵踣仍不得志而還俄軍以日軍夜襲未能奏功頗悔日軍兵力之弱乙巳正月一日反攻勢前進襲擊此時日軍哨兵駐屯四子嶺^{距咸廠約二十里}前面者見有俄步騎兵約三千來馳自知衆寡不敵暫棄該地退至四子嶺防禦陣地待其至而擊之先是咸廠方面日軍素無完全野砲俄軍窺其弱點放膽前進詎是日日軍適到野戰砲隊布列於

四子嶺附近陣地俄軍未之知也如潮湧至方待擊破而日軍破彈已先飛至俄兵驚惶失措未還一敵急棄死傷而逃日軍追而擊之俄兵死傷甚多所遺一等大尉一員下士卒各一名皆爲日軍捕獲云

中立彙誌

中國 正月初八日夜半俄武員二人率兵百餘突至奉天電局將局員司事工役等十八名拘至車站看守後經外務部詰問俄使旋於二十六日釋回 日使面謁慶邸力言去臘俄人襲擊牛家屯焚毀糧臺之兵確由遼西中立地繞行俄既明明侵犯中立我國斷無獨守中立之理請貴親王速自決斷云云慶邸答以我國確守中立決無兩歧但間有力量不及之處須請貴國原諒云 日使照會外務部略謂近日查得俄人仍在庫倫一路轉運軍械并采買牛羊糧食又有華人代向京北一帶采購粟子山藥等物設法運送戰地請認真查禁等云外部即電咨庫倫辦事大臣察哈爾都統分飭各監督認真稽查並咨順天府尹札飭平谷懷柔昌平等縣查覆有無其事以便照復 江海關道託稅務司訪查俄艦裝煤及定造機器兩事稅務司已經查復大致謂俄艦燒飯蒸水用煤前已訂定每日十噸每月購足三百噸爲度奧斯科進口時吃水二丈數尺迨卸起機器之後吃水亦二丈餘今裝煤三百噸吃水不過一丈九尺足見並無儲煤一千噸之多至定造機器之說向四處廠家探訪並無其事云 正月中旬俄使照會政府言中國若在戰地交通之地阻止俄運戰品是中國有意供應日本俄國即以遼西蒙古地方爲取償等語外務部已堅辭駁之 又云日本武官前在滿洲指揮馬賊拆毀鐵道鐵橋現又得確實消息言根岫林鐵橋又被馬賊拆毀中國政府前曾聲言各國嚴守中立今馬賊又毀鐵橋中國不得不認其責等語外務部因即照會日使旋得日使照覆云俄使巧詞曲辯本使唯有置諸不理云云 伊犁馬將軍電咨理藩院云俄兵侵入喀什噶爾近又增加其數大敵十餘尊迫入城內騷擾異常該城官兵悉

已遷移他處而俄兵竟於該處山嶺建築礮臺架設大礮本將軍一再抗阻俄人置若罔聞請速咨催外務部與俄政府力爭令其將兵撤退不然釀成禍端大局不堪設想云云理藩院遂據情咨外務部電飭駐俄胡星使與俄政府嚴重交涉惟俄人以多欺要求中國須俟應允始肯撤兵云 二月初旬增將軍電告政府俄人縱兵擾害新民府日軍已渡河往擊請速詰責俄使云云

各國 日本所獲英國輪船自正月中旬起至下旬止前後共六艘一士可烏茲曼二西爾維也納三泡達痕四伊斯巴貝五維諾斯六烏魯若以脫而前所捕獲之海愛爾及海爾門司兩艘則已判定充公 德輪布魯古婁摸勒斯塞耳比西三艘均載英煤前往海參崴先後被日艦捕獲已獲之培戴蘭中人員則由佐世保裁判所釋放該船仍聽候查問 俄艦利那曾在舊金山卸下軍裝其中武弁二人遁歸俄國美政府力向索還俄國旋將逃弁各降一級發回舊金山原處 正月二十八日瑞典商船畢卡載運戰時禁品爲日本兵艦捕獲 俄兵艦擊沈厚爾漁船一案正月二十二日爲末次之審訊斷詞共分八款其第五款詳述此案之原委查當時漁船並無戰跡象且亦無日本魚雷艇在內故俄艦發礮攻擊實爲不合第四條以俄艦發礮之事司令官罪有應得於是英請俄國將肇事人懲處外並向索賠英金六萬五千鎊旋由駐英俄使交與英外部轉給受害漁人此案遂了

俄兵去韓

駐紮城津及其迤南之北川俄軍悉已撤退其向駐威鏡道者皆退往圖們江左岸

俄艦續來

由犁包港起程之波羅的海第三艦隊共有四艘一愛慕爾山尼亞維因裝甲海防艦重四千一百二十六噸馬力四千二百五十四匹速力十六海里一愛慕爾烏沙

軍事

軍事

一百三十八

三月

科夫馬力五千匹與前艘重四千一百二十六噸馬同力五千匹速力十六海里一浮拉的米裝甲巡洋艦重六千噸馬娜馬克力七千匹速力十五海里

各國軍事記要

韓國 駐韓日軍司令官長谷川大將某日謁見韓皇詢以韓國軍政當即條陳如左一各國軍費不過居歲入四分之一今韓國有三分之一而強故可不必以軍隊備外患而以足備鎮壓內地暴徒為極度一每一道置一大隊全國共置八大隊一騎兵砲兵工兵三種因欲養成其將校下士故宜置一中隊一侍衛隊則置二大隊令當護衛皇族之任一將校無能者老朽者盡行裁撤一輜重兵可不必置祇須備輜重馬匹器具等以備萬一一置騎兵若干為儀仗兵一元帥府及教育總監部均可廢去而安插於軍事各局聞韓皇擬即實行旋經廷臣議定將其軍額減至步兵十大隊共八千五百名每大隊八百五十名以三大隊駐漢城作各省守兵

俄國 高加索警察長為陸軍大臣親族因壓制維新太甚致為人所刺 前莫斯科總督太公爵西治厄斯俄今皇之叔也亦因著名頑固為人所刺兇手旋即逮捕 俄為日敗國人憤其專制益甚先為罷市繼且作亂以停止戰事大赦國事犯演說自由任人自擇宗教人民有會議權等事要索其政府俄皇怒其無狀傳旨彈壓於是亂勢益盛彼得堡瓦爾瑣高加索諸處先後響應兵民交鬪死尸載道波蘭芬蘭兩革命黨乘間聯合要求立憲而布加利亞塞爾維亞土耳其斯坦三國亦均仇視俄人圖謀反對云

法國 法國海軍大臣以擬定之海軍表在國會宣布擬請添造大號軍艦二十四艘由一千九百零五年起常年增加海軍費英金四兆七十五萬鎊至一千九百十七年止又擬在越南設海軍根據地兩處在西貢設第二船塢一所
德國 德屬西南非洲希蘭羅斯人之大尉數名業已降服德軍

摩洛哥 摩洛哥國叛黨謀篡皇位與官兵相戰官兵大敗傷亡者四百名
委內瑞拉 委內瑞拉不允美國要求各款美國已下哀的美敦書畧言六十日內如不將美國及歐洲與委國交涉之
事議結美國必令提矣都回率領海軍攻取那哥拉普亞都堪司魯及買拉克巴並發兵至開拉格斯云

各國海軍最近比較表

國名	已成	未成
英	四百四十五艘	一百零四艘
法	三百三十九艘	一百七十二艘
德	二百十三艘	二十四艘
俄	二百八十艘	四十二艘
美	一百一十一艘	二十七艘
意	二百零四艘	
日本	一百四十八艘	七艘

軍 事



一 百 四 十

三 月

商務印書館新編
初等小學教科書

最新

修身教科書

第一册

大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一册

大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰隲文有益多矣

商務印書館新編
高等小學教科書

最新

理科教科書

四册全
每部大洋八角

是書為山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新

地理教科書

四册全
每部大洋五角

是為高等小學堂第一第二兩年之用共四册每册四十課每一星期教授兩課以半年畢一册前一卷論中國後二卷論外國如江淮省之新析中美洲巴拿馬之自主均已敘入無愧最新之目挿印銅版精圖一百餘幅幼童讀之尤有興味○附五彩地圖一册即日出書

商務印書館新編
初等小學教科書

習畫帖

全部八册
每册大洋七分

是帖爲初等小學堂第二年至第五年學生所用由簡而繁所繪皆尋常易見之物用毛筆臨寫計共八册每册十圖每兩星期臨摹一圖約半年畢一册

教員用習畫帖

一册全

此帖專備初等小學堂所用易學易精

共八十圖均標明用筆先後最便教授
每册大洋二角

商務印書館出版
問答書

中國歷史問答

詳載中國歷代史事自上古迄國朝上下數千年間依次敘述瞭如指掌並設為問答俾易明瞭實史學中最新最善之書每本洋二角五分

世界歷史問答

研究實學歷史為先但欲貫注古今於紀事編年等書中尤以問答體者為易明瞭此編分上古中古近世一切大事無不備載每本洋二角

普通博物問答

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋二角

地文學問答

地文為天然科學研究地理者不可不知若空中之水分陸界之組成生物之分布皆格致學之最要者是編詞簡章厥允推初學善本每本洋三角

生理學問答

泰西各邦莫不以研究生理為學術之要為衛生之源是編討論營衛出類入微尤便推闡尤宜家置一編以為強固形體之助每本洋二角五分

富國學問答

富國之學為當今急務是書取一切理蘊衍為問答無理不達無蘊不呈盡人能讀教授初學尤宜每本洋五分

學校管理法問答

歷舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

教育

論教育普及宜注重初等小學及變通語言文字 節錄乙巳正月十九日新聞報

今日吾國之策救亡者莫不曰改憲法也。興實業也。立地方自治制度也。顧欲改憲法而無國民參政之知識。則其法萬不能成立。欲興實業而無普通必需之科學。則其業萬不能完善。欲立地方自治制度。而無東西洋公民之資格。則凡百事業。決不能擔其責任。然則今日救亡之道。莫急於教育國民。而教育國民。莫急於初等小學。又奚待再計而決耶。

吾國議興教育有年矣。所頒 欽定章程。似於初等小學重為注意。然考查各處學務。則反是。推原其故。良由過渡時代之人。理想薄弱。近利急功。在辦學者。視為後生進身之階梯。而議設高等就學者。亦先有卒業出身之希望。而思入高等。於是校內之少數。既無認真求學之心。而校外之多數。不能徧受教育之益。以是而求其普及。難哉難哉。

歐美普及之法。初由強迫。後成習慣。吾國欲取譴責罰金禁錮諸勅令。施諸今日。無論徵稅。無法師範乏人。不能一蹴而幾完全之學制也。即社會與學堂多方衝突。亦常有不能調和之勢。故今日振頓教育。而求其易行者。莫如開導蒙師。其法由各省學務處刊波多野貞之

助教育原理。頒行各處。開示師資。俾內地蒙師。各研究教授方法。訓練意義。以及教科排列。各科相關之理。按時指授。趨於實用。以轉移社會之心志。準備普及之制度。此蓋不勞巨項。不煩聚論。凡熱心教育者。皆優爲之急。則治標計無便於是者。

大抵一國之強弱。卽以國民程度之高下判之。以日俄戰事論。俄之兵力倍日本。而俄何以敗。蓋以日本教育。遠勝於俄。據明治三十六年之統計。學齡兒童百人中。入學者占八十八。而俄國學齡兒童百人中。僅得其六。教育之差率。如此其遠。卽其國民程度之高下。而國勢強弱所由分矣。吾國當積弱之勢。而立於競爭之世界。苟非教育普及。必不足爭自存。普及之法。必先注重初等小學。以爲強國之張本。今試思議院立法。以及輪船路鑛各項絕大工商業。吾國民能以實力擔任者幾事。能以實力興辦者幾人。當亦捫心自問。而愧爲未能也。因其未能。而急爲多設小學。因勢利導。施以基本教育。安在吾國人民。不能相激相礪。各爲生存競爭地乎。願當世學界諸君。姑置高等爲緩圖。汲汲興初等小學爲之植其本也。雖然。中國教育之所以難於普及者。猶有一大原因在。則語言文字之障礙是。大凡一國之言文分者。其國家之教育人民之進化。必不能普及於全國。上下歐美各國。無地無校。無人不學。賴有此言文合一之習慣。中國言與文分。尋常之人。能通之於語言。不能達之於文字。

此識。字者之所以少。而教育之所以不普及也。且中國又豈僅語言文字歧而爲二哉。卽語言與語言。亦限以地理而各異。文字與文字。亦限以家數而各異。齊語登得。楚語於菟。猶曰春秋列國分疆。自爲風氣也。秦漢以後。國勢統一。鄉音各別。顧亭林謂君子通天下之志。始自發言。則知我國語言不待世界交通之日。而早當知所變計。今以閩粵之人。與吳楚之人。語辭氣鈎棘。已不相通。何論幽燕。何論山陝。嗚呼。以語言不合之人。而欲其結合團體共謀公益。雖有智者。何從藉手。此語言之當變者也。至於文字。則漢學家或失之繁碎。宋學家或失之深遠。而詞章家雕琢古藻。則尤失之虛浮。從古相傳之文字。雖號稱讀書者。猶不能深知其要領。而欲強聒途人。求其普及。難乎不難。此文字之當變者也。竊謂方今興學伊始。實行普及。當以語言文字爲下手地。攷日本言文歧異。始亦與我國等。維新以後。參用口語文語兩種。著成國語。爲小學課本。其各處師範學校所授講義。悉用東京官話。以歸一律。而文學一科。又復列入專門。以保存國粹爲主義。夫著國語以求實用。設文科以保國粹。所以教育一途。無所偏失。學齡兒童。年多一年。此則改變言文之效驗。有足爲我國借鏡者。誠使仿而行之。將各省師範學校所授科目。悉用京話指授。而小學課本。又仿言文合一之例。將文語改成京語。則教育之進步。何遽不如日要之語言文字。爲一國精神所寄。必出之淺顯。便

於記誦夫而後一覽了然教育有普及之一日德國以教育名於世界者也而刊印書籍用其古文奇字俾士麥至以不便小學議改通行文字可見文字一端正如一種器械但求適用無事高深或者以言文合一出之淺顯有私慮古文詞之廢絕者則正告之曰語言文字貴乎由淺入深小學以講習平常切用之語言文字爲主實用主義也中學以上則以高雅之古文詞爲主保存國粹主義也始英法德國中學以上始有希臘拉丁文二者似相衝突而苟折衷至當無所偏失則於教育之本旨豈有悖哉

學務大臣奏遵擬考驗出洋畢業學生章程摺

本年七月二十二日准軍機處鈔交直隸總督袁世凱奏請將游學日本畢業回國供差北洋各學生照章咨送考驗一摺奉 硃批學務大臣議奏單併發欽此查原奏內稱欽遵光緒二十七年八月初四日 諭旨查照上年湖廣總督張之洞奏定鼓勵游學章程又本年政務處議覆前署湖廣總督端方奏派赴日本畢業回國學生照章請獎一摺將供差北洋各學生分別出具考語請 飭下學務大臣考驗奏獎等語臣等察閱該督單開各學生肄業學科畢業年分並所具考語核與定章相合自當准其咨送京師聽候考驗惟事屬創始辦法不厭求詳既准獎給進士舉人各項出身則名實必期相符甄拔必臻至當庶足副

朝廷勸學之心收薄海聞風之效臣等悉心酌核謹擬章程八條繕單恭呈 御覽如蒙
俞允由臣等咨行直隸總督並通行各省將軍督撫學政及出使大臣一體遵照辦理謹
奏奉 旨依議欽此

攷驗出洋畢業學生章程 一畢業文憑應由該督先期調取咨送以憑詳核至在本國學
堂肄業年分及當差勞績年分既據該督查明聲敘應俟考驗後酌量併計 一俟奏准後
由臣等咨行該督轉飭保送各生於明年三月間到京候考屆時奏請 欽派大臣會同考
驗以昭慎重 一分兩場考試第一場按照所學科目分門發問理化等學並須實驗以文
憑相符確有心得爲合格第二場以經史命題作論說兩篇覘其學識以宗旨純正文筆明
暢爲合格各記分數兩場合計 一在日本大學醫科工科理科農科畢業學生及各項實
業學校畢業者如科學合格而素不能文二場之願考與否准其自行呈明惟止考一場及
二場與攷未能合格者均於引 見時在排單內註明獎給出身應如何量示區別之處恭
候 欽定 一考試等第分一二三三等不必全備如所學均優即統列一等學業稍次即
統列二三等總以學生之程度爲斷不必強分高下致有倖獲抑置等弊 一考試後擬定
等第帶領引 見請 旨錄用其畢業年分應得何項獎勵均查照定章於排單內分別註

明恭候 欽定 一與考學生如平日素有著作以及在校記述准其於考試前自行呈送學務大臣以備參核 一古人選舉首重德行各國教法均尚德育使趨嚮偏謬議論囂張卽有異等之才亦萬不可用保送出洋畢業學生應責成原保大臣查察其品行心術實係端謹無過方予送考毋稍遷就畢業年分學業程度均以所得文憑爲據未得優等文憑者不得以空言保獎濫予送考至在本國學堂肄業年分及當差勞績年分旣准併計均應確實查明力杜冒濫

外務部學務大臣會奏遵議出使比國大臣楊奏西洋游學辦法摺

本年八月初六日准軍機處鈔交出使比國大臣楊兆璽奏西洋游學辦法紛歧亟宜訂明章程一摺奉 硃批外務部學務大臣議奏單併發欽此查原奏以慎選學生齊一學費爲綱要章程內稱宜擇年自十五至二十五已通西文者出洋不通西文則選年十四五心地明白文理曉暢者出洋向習某國語文遺游某國擇員繙譯名爲幫教習如無監督由使臣隨時約束考察各等語皆閱歷有得實事求是之言所擬辦法簡要允當均可見諸施行應由臣等將原章咨行各直省體察情形查照辦理又稱學費務貴得中詳列條目以備采擇查學費不一之故由於財力有贏絀資遣有先後各自籌辦遂致參差此時驟欲齊整頗不

易易擬請 飭下出使各國大臣將學堂等級學費多寡詳細列表酌中定數從速咨送京師再由臣等覆加察覈通行遵照期歸一律謹 奏奉 旨依議欽此

游學西洋簡明章程 一英美德法於武備製造農工商諸學各有專門一時推重比利時路鑛工藝素所擅長學者必通西文乃有門徑否則授受無從浹洽宜擇年自十五至二十五已通西文者出洋期以三年五年學成致用此項學生徑入專門學堂可由使臣派參隨兼察以省專派監督之費 一不通西文則宜選實年十四五心地明白文理曉暢者出洋從語文入手勿以年長充數蓋二十以後舌本倔強學語不易一也年長好生橫議迫脅幼者二也駢弛不羈難於約束三也至中文毫無根柢則無以造就通才尤當擇之於始 一游比學生間有曾涉獵英文東文者一入比國語文不同前功盡棄查直隸江蘇廣東福建等省久設方言學堂且有西士設館其中以英法文爲多德俄較少若出示招考當有應選者以向習某國語文遣游某國必收事半功倍之效惟美通行英文比通行法文游學美比卽選習英法文者可也 一邊省腹省風氣晚開欲遣游學勢難繼以必通西文宜照第二條年格選派擬往某國先擇熟諳某文一員導之出洋賃屋延師居中繙譯名曰幫教習並監其起居達其謠俗俟普通畢業再入專門若各省續派學生仍令接辦蓋熟諳西文得衆

學生難得一譯員易惟必係品端學粹不得用市井通事一知半解者以致自誤誤人薪水獎敘均照出使章程隨員例再各國語文有兼尙者如游美譯員宜用英文游比譯員宜用法文游德與俄能得通其國文者固善否則德以英文俄以法文亦可勉強通用 一學生出洋如無監督應由使臣隨時約束考察毋得沾染習氣不求實學買櫝還珠爲世詬病其有頑梗不率教玩愒不力學蕩軼閑檢有損顏面者屢戒不悛卽當飭送回華由該省追繳學費以示懲儆 一學費務貴得中近年游歐諸生學費懸殊少者亦七八百金多者至二千金卽同一鄂生在德在法在比多寡亦復無定非所以示大公也查出使大臣所帶學生旅費學費月七八十金多至百金而止斟酌頗當總之每人歲以千二百金爲率稍有出入不越範圍則處儉國有餘處奢國亦無不足可免畸重畸輕之弊條目詳下 一留支 各生半係單寒須謀薪水現游比鄂生於學費外各給養贍十金由家屬就近支領以示體恤各省派生亦宜仿辦其家道較豐願將此款由外洋併領者聽 二住學堂 各學堂情形不同或留住或不留住其留住者由使臣詢明該堂脩金館餐每生若干按人數每月一繳或每季一繳以免參差查南洋公學游英學生月給零用英金一鎊鄂省游比學生月給十金今既入學堂自當稍示優異除脩金館餐由使署總繳外每月給三十金以資添置衣履

及淋沐之費 三不住學堂 凡學堂僅授功課例不留住者除脩金由使署總繳外該生朝往暮歸就近賃屋月給館餐零用八十金令其善自料理以上二條既有定數亦可仿江南游德學生新章將學費預匯外國銀行每生若干令該行徑交學堂總辦分給尤爲簡捷

四補習普通 出洋略知西文而程度未能徑入專門仍須補習普通者如入普通學堂應照上兩條分別辦理如寄寓人家從師授課除館餐零用八十金外應加師脩二十金每月共給百金妥爲布置 五幫教習帶生出洋 幫教習雖通西文而所至情形未悉勢必借住使署賃房不必近市則租賃費省而嚮學專年限不可多訂則遷居便而撤堂易且羣居舉火較廉華餐尤省除照鄂生各給零用十金外脩金館餐一切每月人以七八十金爲限幫教習當蠲除濫費核實開報使臣可就近稽查至延師須請文部擇有高等文憑者照例致送脩金 六分居 幫教習所帶學生期以二年徑入專門此爲上策如以人數過多懼其一傳衆咻俟稍解語文便聽分居其入學堂者照第二三條其寄寓人家者照第四條分別辦理 七游歷 游歷之費暫可緩籌歐洲諸名廠及一切藝術粲然可觀然初學視之莫悉其用了無會心須俟專門畢業每生給四五百金資之游歷就所學而參考之爲益非淺 以上就各國統言之也查比國官辦學堂暨紳富所設學堂雖住堂者少然亦有爲

各生料理館餐者計此項師脩館餐費每生歲約五六百金已足敷用但必由該堂一手經理以迄卒業各生不得率行己意致背堂規大約泰西學堂師脩略等惟分居館餐豐齋無定倘游比學生各自分居每名歲費亦非千金左右不辦

商部奏改南洋公學爲高等實業學堂摺

竊臣部於前年七月間奏定開辦章程摺內聲明擬設商務學堂酌量情形隨時奏明辦理嗣於上年二月間奏設京師高等實業學堂研究格致製造其學科專注重於工業迭將辦理情形奏明奉旨允准在案惟中國商學素未講求設立商業學堂既係臣部專職亟當次第籌辦查上海爲通商鉅埠商務最盛前由督辦鐵路大臣盛宣懷於光緒二十二年就招商電報兩局捐款設立南洋公學前年八月間復經該大臣奏請改爲高等商務學堂祇因常年經費支絀未能照章辦理歷年以來僅派學生出洋肄業該學創始經營規模頗具若歸臣部切實興辦藉以開通風尚造就商才洵屬深有裨益當經臣等函商該大臣旋准復稱該學開辦雖久無所附麗茲值商部設立實業學堂應請隸入商部管理庶幾聯屬一氣名實相符並請派員接收等因前來臣等伏念東西各國商校林立溯其創始類由公司商會集資開辦而國家爲之扶助南洋學堂地居商埠款由商捐既經該大臣請歸臣部管

理應卽改爲上海實業學堂專課商學與京師實業學堂規模雖同一律而造就各有專長業經電知臣部左參議王清穆在滬先行接收至該學常年經費前係就招商電報兩局歲撥銀十萬兩並因增設譯書院東文學堂復歲就招商局續撥銀二萬兩電報局續撥洋二萬元嗣以招商電報兩局改章該學入款驟減僅恃續撥兩項統計每年不過三萬餘兩譯書院東文學堂雖已先後裁撤而常年開支暨游學經費總需銀七萬餘兩之譜目下該學約尙餘存款項十萬兩左右既經改設實業學堂整理擴充亟須另籌的款俾得經久擬仍咨商北洋大臣轉飭招商電報兩局酌撥常年經費嗣後學生畢業應卽酌量先儘該兩局任用仍一律按照京師高等實業學堂優予出身以資策勵至此項撥款儻有不敷臣等當再設法籌措以濟要需現在接收伊始更張舊制創立新模事體至爲繁重非有諳習歷練實心任事之員不足以資董理查有臣部右參議楊士琦前經北洋大臣袁世凱奏請留滬辦理輪電事宜並由臣部奏明飭令在滬推廣商會等事該員才識閱通體用兼備於學務講求有素應請派充監督就近總理該學堂事務以專責成除一切應辦事宜再由臣等督飭該員次第酌核隨時奏明辦理謹 奏

河南巡撫陳奏開辦河北中等蠶桑實業學堂摺

教育

四十一

乙巳

竊查河北內縣清化鎮一帶夙稱農桑興盛之區縣境以東有光緒初年民間呈繳官荒地畝現經清出三十頃有奇可資墾種前經臣派委河北鑛務局候補道韓國鈞就近勘查情形籌辦農務實業學堂以資講習並派員採購湖桑十萬株分發各屬試種兼募浙匠豫先教導種桑養蠶諸法業於 奏設河南商務農工局摺內聲明在案茲據該道韓國鈞稟稱於清化鎮地方籌設河北農務實業學堂業經酌定章程延聘教習擬自光緒三十一年正月起招考學生入堂肄業惟查京師大學堂奏中等農務學堂章程內開各種學科係就農桑應備之科目分門羅列各處因地制宜擇其合於本地情形者酌量設置不必全備又若在偏僻市鎮則各實業學堂可僅置別科各等語是於權衡至當之內實寓變通盡利之方今河北實業學堂係在清化鎮一隅地方設立考察土性所要以蠶業為宜春間承領湖桑二萬餘株分段試種多已成活並募浙省工匠二人招集生徒課以育蠶收繭諸法各生徒均能領會所出繭絲尙屬光厚晶瑩實已漸著成效揆之因地制宜及僅置別科之例自應分科專習以盡地利而合土宜惟學堂既以蠶業為大宗自未便沿用農務舊名以致漫無區別擬自明年起將河北農務實業學堂改為中等蠶桑實業學堂以期名實相符其課程均按照定章豫科本科及普通實習各科目分別肄業而凡有益蠶務如東文養蠶大意育

蠶實習等科以及動植物理化土壤肥料等學之類酌量增訂期於精益求精雖爲定章所未詳而要皆蠶業所必備惟現在高等小學堂尙未普設若必按照奏定章程所載由小學堂畢業後再習豫科二年本科三年則屆時既無合格之生且創辦之初收效太遲人皆視爲迂途似不足以勸來學應請量予變通擇取年例合格文理較優者俾入豫科學習一年再入本科學習二年統限三年作爲畢業如此減其年限寬其出路庶不致畏阻而不前即可期事半功倍學生畢業後擬請考驗按照中等實業學堂章程請獎以資鼓勵常年經費約需二千餘兩由該道移會司局按年籌撥等情當經批飭布政使瑞良會同商務農工局司道核議具詳請 奏前來臣維蠶桑一事有關民間之生計卽爲農政之要圖宗旨既有專歸名實豈容不符該道韓國鈞所擬辦法以蠶桑爲農業之權輿卽冀以一隅開全省之風氣一切程度尙屬切實可行將來學生畢業之時擬由臣詳加考察如果著有成效考列優等者照章咨部核獎如蒙 俞允應請 敕下商部學務大臣立案謹 奏奉 硃批該衙門知道欽此

河南巡撫陳奏籌設豫河客籍學堂摺

竊照河南省城創設高等學堂業經前撫臣奏明在案其中小各學堂亦經督飭一律設立

教育

四十三

乙巳

規模粗具師範學堂尤關學務刻正籌款開辦惟念豫省爲中原縮馭旅客甚多前設之高等學堂雖准收客籍四十人附入肄業而限於額數教育不能普及所有官商子弟勢難回籍就學未便聽其向隅臣前在漕督任時因清河爲南北衝途士大夫流寓者多曾奏設河北高等學堂請按照江蘇省城高等學堂辦理當蒙 俞允河南官商耆萃不減清淮自應另設學堂一區專收客籍子弟爰與司道籌議查省城舊有河工信陵書院客籍遊梁書院各一所擬卽以之歸併改設當經遴委開歸陳許道曹福元爲該堂總辦飭就信陵書院屋宇撥款酌量修葺改爲豫河客籍學堂應需常年經費卽以信陵遊梁兩書院舊有歲入之款儘數撙節開支儻有不敷隨時設法籌撥如此量爲轉移允與改書院爲學堂 諭旨相符亦無須別籌鉅款事較輕而易舉現已將堂舍補修工竣一面選聘教習置備器具購書招考開辦之初暫定學額內班外班共八十名仍俟籌措稍裕再行逐漸擴充第造就人材尤宜不分畛域旣爲籌取裁成之所尤須豫籌登進之階庶幾鼓舞羣情咸知奮勉詳核學堂章程並無各省設立客籍學堂專條其程度出身亦無定則應請卽援臣前奏設江北學堂仿照蘇省學堂之案將現設之豫河客籍學堂按照河南高等學堂辦理一切學科程度悉以新頒奏定高等學章爲宗其學堂條規則參以江北試辦章程期臻妥善至將來學生

畢業凡考列最優等者照章給予獎勵作為舉人與河南高等學堂學生一律咨送京師如考次等者留堂補習俟學程及格再照章分別給獎以資激勸而廣裁成其餘未盡事宜仍當隨時妥籌酌辦勉力圖維以期仰副 朝廷興學育才之至意謹 奏奉 硃批學務大臣知道欽此

熱河將軍崧奏籌建熱河陸軍武備學堂摺

竊奴才前奉 諭旨現在整頓兵制停止武科亟應於各省省會建立武備學堂以期培養將才練成勁旅查南北洋湖北所設武備學堂及山東所設隨營學堂均已辦有規模應即酌量擴充認真訓練一切規制章程務再悉心核議斟酌盡善奏請施行其餘各省即著該督撫設法籌建一體仿照辦理等因欽此旋准北洋大臣將奏定四等學堂詳細章程咨行到熱復准練兵處將各等武備學堂辦法奏咨前來仰見 朝廷振興武備凡在疆臣不敢不竭力經營伏查熱河行宮本 列聖講武蒐獮之地為內外藩封供衛之邦口外民風素稱剛勁奴才所屬滿洲八旗兼轄圍庭駐防官兵以及兩盟十七札薩克旗蒙古箭丁涵濡 聖澤至深且久均具有軍國民之資格亟宜振其尚武之精神今兵家新理蒐軍者以識字為等差練將者以學校為根柢其事平易而無奇其理至精而不易奴才兩任此邦細

心體察熱河旗丁比之南省駐防似尙樸實可用惟官弁通文者無多而兵丁識字者乃不及十分之二練軍綠營無論矣此雖天下之通病實戰力疲弱之原因以是言練縱得皮毛其餘臨陣之設施號令之轉變總難領會以致連掉不靈奴才每慨口外人民椎魯須多設普通學堂以爲教化之本源又因口外風氣尙武尤須有武備學堂以養成軍人之資格自接練兵處通行營制餉章奴才卽督同營務處司員道府等通盤籌畫擬將旗營先行改練新操熱河新練四營現因邊陲未靖大半分防驟難全改現正籌辦各屬巡警俟巡警辦齊防務稍鬆再行調集一處改練俾與旗營一律惟武備學堂在口外爲當務之急奴才設法舉辦曾於上年籌款摺內聲明添設熱河武備學堂在案查前都統錫良裁兵節餉奏內聲明咨送弁目赴北洋就學以爲學堂基礎奴才到任卽經照案挑送現該將弁目兵等於上年畢業回熱優者得統帶幫帶執照其次亦具有規模惟兵事精微學期迫促與其爲急則治標之計莫如進而求蓄艾之謀經奴才咨商北洋大臣卽在保定將弁學堂選調教員來熱爲總教習卽以畢業學員之優者接續入學肄業兼副教員以資深造而廣傳授當於上年學員回熱時擇地強勝中營內添建講學校舍操場規制漸次就緒今春卽可開辦惟熱河邊瘠之區物力與內地懸殊所屬情形亦異奴才苦心經畫現在擬始雖未便鋪張而將

來規制宜預籌完備爲速化旗兵計不得不參仿隨營爲推廣公益計不得不兼收蒙部於參用北洋定章之外特援照練兵處通行講武堂暨勦設蒙古學堂體例另行增訂特別章程十條以昭變通而資遵守謹繕清單恭呈 御覽其餘職掌及功課表仍循北洋奏章辦理惟熱河籌款綦難既無協餉可因又未便別擬捐項只可督飭營務處就強勝營原有奏定額餉者裁兵節餉項下暨原奏截留四稅及新放圍地錢糧兩款內通融湊撥並飭開辦之始格外撙節以俟擴充而昭核實合併陳明謹 奏奉 硃批練兵處兵部知道欽此

前閩浙總督魏奏籌款派送學生赴日本學習師範專科並請編發教科書摺

竊以自強之本端在育才育才之方尤資廣學額開通風氣培養人才非各省各屬多設中小學堂不可欲多設中小學堂非多儲教員不可欲多儲教員非多派學生出洋專習師範不可前准學務大臣咨送奏定學堂章程內開各省應多派學生遊學外洋等因仰見 朝廷培才興學之苦心誠爲今日救敝扶衰之盛舉伏查近年各省風氣漸開官費私費出洋游學者皆不乏人福建最近東洋乃官費學生最少前署督臣李興銳任內僅選派學生十五名以十二名學習速成師範以三名學習理化及政法速成科甫於本年七月間送赴日本在案臣到任後念福建爲理學名邦從前文教昌明英賢輩出土風較東南各省頗推樸

茂然當此世局變遷時艱日亟固不能不存舊學以端士習亦不能不參新法以育通才因將全省學務詳細調查則各屬所有學堂多未實力舉行卽有業經舉行者亦不過將書院名目改爲學堂山長名目改爲教習仍係敷衍塞責未能核實整頓細加體察蓋有三難一曰無經費一曰無教員一曰無課本臣已嚴飭各屬務將學堂認真舉辦經費設法妥籌而學堂教員尤關緊要計福建全省九府二州數十州縣卽以每縣一學堂每學堂一教習而論已需教員數十之多福建語言全係方音若用他省教習亦不相宜除多派本省學生出洋專習師範以備教員更無他法連日督同學務處司道就省城師範高等兩學堂肄業學生挑取考試擇其年在三十以內中學粗有根柢畧通東西國文者得四十人派赴日本學習師範以三十名習速成科十名習完全科已與出使日本大臣楊樞電商送入日本東京宏文經緯兩學堂肄業俾學成回國以作各屬中小學堂教習之用現在考驗已畢派員監督照料准於明年正月由滬東渡通計應用資費每年需銀二萬餘圓閩省庫款空虛入不敷出惟以學習師範爲全省人才命脈所繫不能不竭力勉籌已飭由藩司無論何款項下先行提款萬餘圓預交半年學費以後陸續籌寄譬猶士庶之家諸事皆從節儉而至爲子弟延師就學則雖多費亦所不辭況當此需才孔亟之時蓄艾療疴尙虞緩不濟急師範爲

國民教育根本尤非速儲教員不能望教育之普及也至於學堂課本必須畫一方能有所適從擬請 飭下學務大臣編定頒發以資應用抑臣更有請者近年日本驟致強盛實由全國人皆有忠君愛國之心觀於明治二十三年所頒之教育敕語及其國人之倫理教科書皆本中國古聖賢所述之倫常道德以爲根本用能強國勢而固民心足見其各項科學雖多取法歐美而德育一科仍必資我聖教中國近年學生往往習於囂張恣肆始於聖賢根本先未講求於蒙養之年無以育成其孝弟忠信之氣質微臣愚見擬請將中國經書小學及日本所著倫理書互相參酌擇要編輯定爲中國倫理教科書分作淺深二種頒行各省以爲蒙小學堂課本庶乎人心可正士習可端而後國家乃可收得人之效謹 奏奉 硃批該衙門知道欽此

各省教育彙誌

京師 南下窪龍泉寺僧覺先前曾隨同日僧赴東游歷及回京師有志興學願將該寺公產提款二萬金創辦普通學堂稟由學務處批准開辦

直隸 省垣創辦高等工業學堂以培植工藝界之人材爲宗旨內分應用化學機械學製造化學意匠圖繪學四科保定軍械局總辦顧觀察以軍械關係重要必須設法改良特稟准督就該局械庫舊址添建速成軍械學堂 陸硯香都轉近稟明直督創建天津中學堂一所一切課程均照奏定中學章程辦理 嚴範孫京卿近假津郡城隍廟開辦

教育品陳列場陳列理化儀器博物標本多種縱人觀覽 北洋軍醫學堂近於河北水師營舊基分設官醫院一區內設藥劑所撥學生數名專習調和藥品之術 津地紳商近又集資創立工商學堂在太儀門朝陽觀兩處分別建設

江蘇 上海吳淞中國醫院近附設醫學一所名曰南洋中西醫學堂專究醫理輔以各種科學英租界新馬路新設中西女子醫學堂另有天足會所設育賢女工學堂於乙巳二月開辦 鎮江駐防學務自前蘇撫端方帥於銅元盈餘項下月撥二千金後經費充足奎統制特議於蒙學女學外創辦工藝農桑兩學堂以廣教育 常熟葉紳汝濟以貧家子弟讀書者鮮得議籌設公塾一所不收學費已稟請學務處立案開辦 儀徵創辦官立小學一所近已開學

江淮 孫君海霞近與同志數人在揚州徐凝門街設一愛國學社設額四十已經開辦又有吳君連民在小花園巷創一女工傳習所專教國文算學針繡機器各科以吳貞瑛淑瑜兩女士為校長又美教士畢爾士君在卸甲橋創辦明德學堂一所

浙江 高等學堂監督陸勉齋太史在城廂內外創設初等小學堂十所

福建 福州府近設東西南北四小學堂招考學生三百二十名分派四區肄業 陳部郎綱在廈門開設醫學會一所招集羣醫研究醫理並附設醫學二科一速成一蒙學凡心地明白文理粗通者均可赴會就學云

湖南 前湘撫陸春帥嘗飭學務處設立蒙養院數所畱仿各國幼稚院辦法

四川 重慶森昌火柴廠主鄧君少雲就廠設立四字講社每日工畢講授四字次日復易他字該廠工人數百從此皆能識字 巴縣學堂增多百餘處該縣傳令特議設立學務局以資聯絡 南充志士籌款興辦學堂一區內分半日隔日兩課署名因材誠善法也 屏山地僻民貧尙未興學近有王女士將所有產值三千餘緡捐辦學堂當經縣令詳達川督立案

廣東 速成學校早經畢業近議改設師範學校以候補縣王大令舟瑞為監督省城外惠愛八約近設宏育小學分高等初等兩級又河南海潮寺所設高等小學近亦附設閱書報社 江門職商黃君挺年既已設立商務公所近又增設

商務實業學堂專教英文英語商務信札 興甯羅君子銘熱心教育近於山凭堡建設開化學堂又於葉塘墟創設開民學堂并附設半日學堂一所 大埔邱君少青稟縣設立初級小學一所并派人分赴各鄉勸辦學堂改良私塾以謀教育普及 河南一地烟戶甚繁近有黃君晦文組織一高等小學於海潮寺內附設閱書報社以餉附近學子 南澳一島孤懸海外風氣閉塞近有黃君經邦於隆澳魚舖公所創設小學及蒙學二所以開風氣 廣西 梧州中學堂仙範講習社均經次第開辦近又設立高等小學一所初等小學三所以宏教化 永甯兩河口場文化爲一邑最近有鍾君邀集紳董勸捐巨款建設小學兩區稟縣轉詳立案

各省游學彙誌

浙江 學務處致選閩粵畢業生監擇其中學已習普通外國文稍知門徑者百人派往日本學習完全師範 湖南 民立明德學校近設游學預備理化專科已稟准學務處俟畢業後照官學一體派選游學 雲南 滇撫林贊帥奏選派學生文寶奎等十名分赴日本越南肄業

各省報界彙誌

京師 東文學社朱君近議創辦普通京話報分格物與地算學理化時事等門已集資開辦 直隸 學務處試辦教育雜誌月出一册已刊發章程矣 湖北 鄂省官報倡議經年今已稍有頭緒其內容約分大綱十八一要論二諭旨三宮抄四輯抄五要電六要聞七政務八科學九實業十雜業十一圖表十二論述十三國粹篇十四新說十五糾謬篇十六七八則係校勘街名商標及一切子目

四川 蜀中報界進步甚速自重慶日報出現後繼起者有川督奏設之四川官報及成都官報局稟設之成都日報均已出版近又有告白謂畫報將出又某學社議辦白話報已有成議 江津江君志青獨出巨款設一閱報所聽人觀覽

不須介紹

教育

五十二

三月

廣東 粵省總商會值理紳董議設商務報三日一册以啟發商智聯絡商情宜速開闢研究實業為宗旨已由商務局轉詳粵撫批准 凌水縣民黎獲處多未開化近該縣傳令特在署前設立閱報處以開風氣

僑民興學

僑居美國紐約之譚君文俊等以邦人子弟寄居海外多學於中文特聯絡衆商創立愛國學堂一所以中學為根柢旁及各國文字 美屬居崙堪維新會近台資建設大廳一所樓下為會所上設尙武學堂購置鎗械訓練子弟以養成軍國民資格開已開辦

各國教育彙誌

韓國 韓國教育制度近由幣原參與官擬定大概如下 一中學師範兩級須更完全其設備而以日本之中等教育為標準 一小學校教科須增日語一科 一各外國語學校之教授方針擬加改良較前統一

德國 德國赫爾黎黎地方近設一化學蒸洗學校其宗旨欲造就多數專門家以備他日推廣蒸洗工藝之用

比國 比國學界情形調查如下 商法師範學校伯邑色京 教會大學附設高等農業學校魯凡 王國高等學校地政府大學校

附設武備學校附設武備學校 農學院各省 科學普通學校各省 教會大學附設高等農業學校魯凡 園藝學校各省 獸醫學校附設魯凡

礦物學校各省 建築學校附設港 礦工學校附設京城 自由大學美術及製造專門學校附設魯凡

備學校京 中小學校各省 航海學校昂非耳魯及 高等商業學校昂非耳魯 王國技藝美術高等學校昂非耳魯

美國 海軍省議決海軍學校做法日本添加角力之科總統甚嘉許之

商 務 印 書 館 出 版
政 治 類 書

近 世 陸 軍

每部一册
價洋四角

甯鄉陶森甲編輯出洋學生編輯所校訂○前編敘日本陸軍後編論各國陸軍國家多故亟須修明武備是書在兵學中最為新穎最為詳備治兵學者不可不讀

日 本 武 備 教 育

每部一册
價洋二角五分

日本某某著本館譯○日本以區區三島戰勝第一雄國使非教之有素烏能臻此地步近來學者方提倡軍國主義誠以處此競爭世界有不容已之故也爰譯是編以資先導

普 魯 士 地 方 自 治 行 政 說

每部一册
價洋二角五分

德國莫塞著日本野村靖原譯本館重譯○地方自治即俗稱工部局以地方之人辦地方之事自較親切且可以輔官吏之不足近且武昌府試以此命題視為割據之事實係誤解是書詳言普魯士地方自治行政之法備用兼備我國民智雖未驟臻此境然欲內政之完善不可不亟為講求也

日 本 監 獄 法

每部一册
價洋四角五分

日本佐藤信安著中國國民叢書社譯○我國監獄之慘酷人人知之願空言改良而無所據以為模範亦將無所措手日本監獄悉仿西制斟酌盡善是書言之最詳足資師法

商務印書館出版類

政治學

每部一册
價洋四角

德國那特經著日本李家隆介小崎哲藏譯述房縣戩翼東湖王慕陶合譯○按那特經曾為日本帝國大學教授數年彙集講義共成政治學三編是為其上卷國家編首論國家之要素次論國家之生理搜輯衆說持論不似評筆豐逸亦足與原書相稱

政治況論

每部二册
價洋一圓二角

美國威爾遜著日本高田早苗原譯本館重譯○是書綜論歐美政治遠溯希臘羅馬以迄今世列強凡中央政府與地方制度靡不窮源竟委綱舉目張都十六章約三十萬言有志政學者不可不家置一編也

政治一斑

每部四册
價洋七角五分

日本檜前保人上野岩太郎池本吉治緒方直清合著出洋學生編輯所譯○是書開論普通人民各具有政治思想知國家為人民所公有人人有擔任國家之義務為中於各國政治之要領彙錄詳明日一斑者作者謙詞也

歐美政體通覽

每部一册
價洋二角

日本上野貞吉著出洋學生編輯所譯○歐美列國政體互殊而各有所以致治之道是書歷舉德奧英法美等國君主民主之責任議院之組織政府之成立提綱挈領據明晰為政治學書之佳本

財政

論公債 錄乙巳二月十七日時報

直督方募國債。非之者曰。是亦剝民之一端也。廢之便。袒之者曰。是泰西各國之良法也。舉之便。聞者茫然。迄不知國債爲何物。余請語其真相。

或曰。國債之起。其起於貧弱野蠻之國歟。曰。惡。是何言。天下唯強大文明之國。乃可以有國債。否則外債不啻外患。內債不啻內亂。而何公債之有。

近世國債之發達。蓋有故矣。使無軍事戰爭之發達。則國債不起。使無社會主義之發達。則國債不起。使無金融機關之完備。則雖募之而不得。使無政府信用之可恃。則雖有之而不應。是四者。皆文明強大之國之所長。而貧弱野蠻之國之所短也。

曷言乎軍事戰爭之發達也。當十九世紀之初。拿破侖以拔山蓋世之力。蹂躪全歐。各國知防禦之不可以緩。乃皆汲汲焉以擴張軍備爲事。於是海陸軍費。遂爲各國豫算表中之一大漏卮。此公債所由起之原因一。

曷言乎社會主義之發達也。社會主義。非世所謂財產卽盜賊之說也。自科學日益進。實業

日益盛。向也箇人爲之而有餘者。今也衆人爲之而不足。故箇人所不能爲者。勢不得不舉而委之於政府。其近焉者如鐵路電信郵便之屬。其大焉者如蘇彝士巴拿馬之運河。皆原於社會主義。而其經費或爲常年豫算表所不載。此公債所由起之原因二。

曷言乎金融機關之完備也。未開化之國。版克之制未備。其貯金也。高則匿諸簷。深則藏諸窟。庚子義和團之役。其明徵也。否則稍稍備矣。而信用未孚。與其付之於人。無甯祕之於己。故一羣中所有之泉貨。有渙而不聚之勢。卽聚矣。而聚者什之三。渙者十之七。於此而欲行公債。勢必有所不能。文明之國則不然。版克之制既行。藏之者無水火盜賊之虞。所集之額既鉅。利用者有予取予求之樂。此公債所由起之原因三。

曷言乎政府信用之可恃也。蓋古者政府之於人民。有無上之權力。故民債之償否。往往有聽其喜怒者矣。又政府當革命之際。一政府覆。而一政府興。往往有不認前政府之公債者矣。後世則不然。爲政府者。既知失信之損人。而尤足以害己也。爲人民者。亦有監督政府之能力。而斷不容其有詐僞竊盜之行爲也。於是政事上之交涉。一變而爲商業上之交涉。此公債所由起之原因四。

故國債者。雖舉於國用不足之時。而要非衰世之事也。蓋緩急人所時有也。豫算非不精矣。

而年終告匱者有之。民事非不講矣。而水旱疾癘者有之。佳兵固引以為大戒矣。而出於意外者亦有之。於是而不用國債主義。其將用英相格蘭斯頓之租稅主義乎。抑將用普魯士之準備主義乎。然由前之說則可以行之於富國者。或不能行之於貧國。由後之說則售券既多流弊而多取。亦足病民。故權其利害。自當以公債為良法。

且以吾國之國用言之。正有不可言者矣。開源乎。緩不濟急。人壽幾何也。且開源須資本。亦安必其源之可開也。節流乎。裁一二冗員。省一二書吏。所得幾何也。且苦者自苦而樂者自樂。亦安必其流之可節也。維新之大臣。日日言財政。熱心之學生。上書言經濟。文明者報館之文章。野蠻者試官之策問。千篇一律。萬口雷同。今忽一變其科派敲剝之舊學說。而新其名曰公債。豈不甚善。

雖然。國債之類甚繁。正未可一概論也。約而言之。則有強迫之國債。有愛國之國債。有商賈之國債。

曷謂強迫公債。蓋國家當非常之變。命富者出若干金以充國用。其利之有無多少。悉聽政府之便。故名曰國債。實與強奪無異。此其法至為野蠻。自自由主義日益發達。蓋無有行之者矣。故往古歐洲各國。皆有強迫之舉。而十八世紀以後無聞焉。日本幕府時代。有軍用金

御用金諸名色。而維新以後無聞焉。然吾猶不敢謂強迫國債已絕迹於天壤間也。世固有惡其迹而師其意無其名而有其實者。則不換紙幣是也。不換紙幣者。交換無一定之時期。故其名則曰紙幣。其實即無利之公債證書也。所以謂之強迫者。以其幣爲法律上之通幣。人民有不得不用之勢。即其幣爲政府所負之債。人民有不敢不借之勢也。故今者俄國政府發行過多。致商業上受其影響。其害誠不可勝言也。故曰今之歐洲亦有強迫國債也。若以中國言之。則儒者所稱爲先王之法者。蓋有類於德國之準備主義。後世脩宮則有脩宮錢。備邊則置備邊庫。臨時搜括。在在強迫。本利俱失。並非公債。歷史上數見不鮮。吾姑不論。而姑論夫。今世所不認爲強迫公債。而吾獨以爲強迫公債者。

一爲鬻官。原捐官者之意。豈將爲報効乎。吾知其無此忠誠也。豈將爲虛榮乎。卽或有之。吾知其必非捐官者之普通性質也。捐官者之意。以爲讀書則獲利太緩。而且有能有不能。經商則獲利太薄。而且爲世人所輕視。若世所稱爲一本萬利者。固莫如官。於是乃盡舉其所。有之資本。以營利息最厚之業。故買官照與買公債證書。其手段雖不同。而目的則無異。何也。其所操之業雖不同。而獲利之心固無不同也。政府知其然也。曰。我欲假不償之債。百姓不爲也。假尺而償尺。假寸而償寸。我不爲也。惟假我實利。而償以虛利。則以兩利爲利。辦之。

必有成效。於是一令下而鉅萬之款可以立集。此自皮相者觀之。雖非強迫。然以政府言之。究得不償之償。以捐官者言之。終有償我之一日。於是迫之使不得不償者。乃在顛連無告之小民。蓋強迫國債之禍之烈莫甚於是。

一爲賭捐。曰彩票之報効。曰闖姓之報効。一言以蔽之。皆賭捐也。夫創設彩票。創設闖姓之主人。固亦猶國庫告匱而行國債政策者也。則主人方募債之不暇。安能應政府之募。無如政府知其有害。方且禁之使不募。於是彼主人者。乃設爲調停之術。而分其利於政府。故政府卽主人。主人卽政府。而皆得所募之債。以去。此賭捐之性質也。今試問其債安出。則固出於博徒。博徒之勝負在不可知之數。而主人則操必勝之權。立不敗之地。則博徒而爲富者。歟。既有迫之使不得不貧之勢。博徒而爲貧者。歟。更有迫之使不得不爲盜賊。而仍取償於富者之勢。則強迫國債之愈出愈奇。又莫甚於是。

故欲行強迫國債。則其事至簡。其例至夥。既不必派委員至日本考察其制度。更不必派學生至歐洲學習其專門。但取吾中國所已有之成法。而修明之。擴張之。斯亦足矣。而必文之以公債兩字之新名詞。則反嫌其多事。

曷謂愛國公債。蓋人民本愛國之心。出其私囊。以紓國家之難者也。故今者日俄之役。日人

之募得者。蓋亦不乏。然吾謂立憲之國。其國爲君民所共有。故視國事如私事。而集之也。易。專制之國。則不然。爲君者。既以國爲囊中之私產。爲民者。亦視爲身外之物。而有所不甚愛。惜。一旦邊陲有警。而大聲疾呼。以號於民曰。愛國愛國。夫愛國豈不甚善。而惜乎大聲疾呼。之已晚也。愛國豈不甚願。而胡爲欲與共政權。則惟恐其愛國。欲與通有無。又惟恐其不愛國也。政府其有何說。足以自解於吾民。

不觀我中國乎。入外籍。假外勢。愛國心之薄弱。既如此。脂膏竭。雀鼠罄。民力之枯瘠。又如彼。於是而曰愛國公債。誰其應之。且也。今之所謂公債。固曰供急用也。而安知不以供娛樂。吾儕小人之一絲一粟。皆汗腦痛苦之所易也。分吾口腹之養。以愛吾身外之國。吾既不若是之暇。分吾口腹之養。以博一二人之歡。吾更不若是之愚。噫。民之自外其國。其罪亦安可辭。然奈何有迫之使出於此者。

難者曰。是何言。是何言。自商部開辦以來。澆風蓋少變矣。不見夫報効者乎。蓋亦愛國公債之一端矣。曰。今之報効。猶捐納也。捐納至道府而止。報効之利則無窮。捐納有時而停。而報効則鮮有不賞收者。故捐納者。乃小資本之報効。而報効者。乃大資本之捐納也。苟明乎此。則謂爲強迫國債之一種可也。安得予以愛國公債之名乎。

且歐美世所稱爲文明者也。以言愛國公債所得亦正無幾。彼應軍事公債者。人或以爲愛國心使然而豈知愛國之心。要亦出於求利之心。使愛國而有利於己也。卽不愛國者亦變爲愛國矣。使愛國而有害於己也。卽至愛國者亦有時而不愛矣。彼固知戰局終則公債之價必騰。戰時以九十五金應募者。戰後可以百金賣之。則每百金中可得利外之利百之五。設有豪農大賈。出鉅萬之金以應之者。其獲利將無算。故雖曰愛國之心使然。抑亦愛利之心使然也。然則愛國以發達之國。尙難強人以不利己之愛國也。況中國乎。

曷謂商賣公債。蓋強迫人所難受也。愛國人所難能也。爰有出於二者之外。而含有商賣交易之性質者。是曰商賣公債。商賣公債爲乎。曰人情之好利也。利之所在。雖水火有所不避焉。於是募債者。乃利用其好利之心。而出重利以啗之。故有五六分之利。有七八分之利。應者如水之就下。而其債無不集者。藉曰不集。必其政府之信用。有所未孚於民。故信之不行。則失其商賣之性質者也。第商賣公債。亦有種類之不同。試論列其大略如左。

一曰證文公債。證文公債者。其金額利息期限。皆明記於證書。而政府可任意易主。以便宜行事者也。蓋政府一時以厚息募公債。及市息落。則更募薄息之新公債。以償其舊。故募者無拘束之苦。而應者亦無所害。此其所長也。昔者日本嘗以七八分之厚息募集公債。其後

市息漸落。遂更以五分之息募新債而償之。其計誠至便。即所謂整理公債是也。惟所定之期。則不能少。越所定之息。則不能少。短此不能聽政府之自由者也。故公債制度中之有利。寡弊者。當推此爲最。

一曰年金公債。年金公債者。不明記金額利息期限。惟應此公債者。每年得年金若干。譬如金爲十元。則債主長有支此十元之權利。用此法者。每一舉手而集鉅萬之額何也。設市息五分。則所支十元。適當二百元之本。是一時出二百元。而年得十元。即年得五分之利也。故募年金十元之公債。而應者即納二百元。此其常也。然是法也。不論何年。不能變其金額。不論何時。不能任意易主。故市息雖落。而政府無所利焉。此其所短也。然其制盛行於英法。而日本不取焉。

一曰成分公債。成分公債者。政府之實收。較定額爲少。要不外降格相求之意。譬如公債之額百元。而僅收六十元或七十元不等。然其息特徵。譬如市息五分。則減而爲四分或三分不等。是法也。古者盛行於英國。而美亦用之。即世所謂英相畢德之政策者也。然今之世實有不能行者。蓋其息既微。借者無急償之志。或且任意延期。而永無償還之日一也。必欲如數以償。則借六十元而償百元。借者之負累實甚。勢不至於不償不止。二也。此成分公債之

所以不可行也。

一、曰抽籤公債。抽籤公債者。以平價賣之。而使所有者。抽籤以爲定。譬之百元爲常額。然政府不以百元賣之。而使人以九十元或九十五元買之。然後使所有者抽籤。而當籤者與以金。蓋獲利之心。既人所同具也。而僥倖之心。又人所難免也。抽籤之法。於是乎行焉。然其理實與成分公債無異。不過行之之法。乃稍異耳。

一、曰通慶公債。通慶公債者。盛行於法國。公債中之至奇者也。是法凡應債者。合百人爲一會。百人中有死亡者。則其權利皆移於生者。故百人中之死亡者。或至九十九人。則其權利皆移於一人。故利於壽而不利於夭。利於少壯而不利於老弱。富者或備魁健之夫。假其名以應斯債。蓋亦利用其僥倖心者也。則謂之成分公債之一種。固無不可。

以上所述公債。雖制度不同。利弊亦不同。然皆原於交易主義。而非原於強迫主義。與愛國主義。蓋強迫公債。則失之太卑。愛國公債。則失之太亢。而不亢不卑者。實唯商賣公債。故今日環球各國所通行而無弊者。皆商賣公債也。抑吾更有言者。公債之目的。以救急也。若視爲新開之利源。則大誤。若視爲救急。則事後固當籌償還之款。故集債雖巨。未必即大可喜之事。何也。債愈多。則責愈重也。若視爲利源。則借之之時。固已有不償之意。橫亘於胸中。勢

不。失。信。用。不。止。信。用。既。失。國。亦。隨。之。孔。子。曰。自。古。皆。有。死。民。無。信。不。立。公。債。適。其。例。矣。今。直。督。之。所。行。者。其。爲。愛。國。爲。強。迫。爲。商。賣。非。吾。所。敢。武。斷。特。聞。諸。道。路。有。派。員。強。賣。之。事。意。者。其。有。強。迫。之。性。質。乎。然。其。地。不。乏。政。法。專。門。之。士。或。自。有。良。法。以。一。洗。昔。日。昭。信。之。恥。未。可。知。也。抑。吾。聞。之。有。感。矣。中。國。不。變。法。則。已。以。言。變。法。固。牽。一。髮。而。全。身。俱。動。者。也。政。府。與。百。姓。之。隔。閔。如。此。其。甚。也。舉。公。債。者。乃。官。民。均。等。互。相。貿。易。然。則。今。日。之。政。體。固。有。所。捍。格。而。難。行。者。矣。農。工。之。幼。稚。商。業。之。凋。弊。如。此。其。甚。也。舉。公。債。者。必。市。有。餘。財。民。有。餘。力。然。則。今。日。之。實。業。界。固。有。所。拘。滯。而。寡。效。者。矣。彼。第。曰。公。債。公。債。亦。盍。於。公。債。外。加。之。意。乎。

前閩浙總督魏咨行兩江兩廣兩湖督撫議郵包收稅事文

據福建財政局詳稱竊奉閩海關將軍宗室崇照行准外務部咨總稅務司請將自口岸入內地自內地抵口岸之郵包按照貨物以所完之子口稅代抵釐金成案比擬辦理尙屬妥協抄錄所擬辦法四端咨閩行局轉飭一體遵照等因奉此本司道遵查近來郵政大興民間寄遞貨物日見增多奸商往往取巧將貴重貨物分班遞寄上年奏定辦法兩條卽以杜郵袋漏釐之弊本無內地口岸之分雖經各口釐局遵章設籌查辦無如海關於內地釐課向不預聞稽征緝漏已覺防不勝防今總稅務司議將舊定者爲內地包裹釐章現定者爲

自口岸入內地由內地抵口岸之釐章區分界限凡由口岸入內地由內地抵口岸經過海關時若查有釐局憑單即不再行稽征遇無釐局憑單者由海關飭完一子口稅以代釐金即暢寄無阻所收子稅每結彙交本界釐金總局查收等語細繹所擬辦法雖云與郵務釐捐兩不相背其實與內地釐課大有損虧查閩省商務貨物進出口應征內地釐金本按值百抽十海關進出口正稅係按值百抽五子口稅係照正稅之一半祇合值百抽二五之數蓋進口之洋貨出口之土貨征收半稅原為約准體恤洋商之意福州華商間未行用況郵緘寄貨本屬奸商取巧漏釐總稅務司議仿通商成案亦予僅完子稅免納內地釐金似尙未知此中情弊所擬由內地抵口岸一節查內地抵口岸沿途必有釐局如無釐局憑單即係偷漏議由海關代征一子口稅尙可謂以補釐局之疎漏若由口岸入內地飭完子稅一節查通商各口進口之輪船應在新關完報向來左近新關之前不能設立釐局自無釐局憑單今議由口岸入內地之包裹令在海關完一子稅即無論遞交內地何處釐局均不得稽征則妨礙實多且查閩省福州廈門三都各口附近口岸向來設有釐局分卡所征釐金以進口稅為大宗洋貨一項既已完過子口稅徧運內地不再重征此外惟恃各省運來貨物以及土貨出口轉運內地各處通盤核計歲徵釐金不下四五十萬兩今口岸來往內地

之包裹議征子稅較釐金輕減兩倍半之多人情趨利若鶩此端一開所有貴重貨物完釐較重必無不拆散分包由郵徑寄將見閩省各口以及內地局卡向征進出內地起驗釐金必至大半化為郵包之子稅而十成釐金僅存二五矣閩省京餉洋債以及本省兵餉勇糧一切用款無不取給於稅釐短絀如斯從何應解關係實非淺鮮竊計此次總稅務司所擬郵包辦法不獨有礙閩省餉源即通商各省於內地釐金得失亦必大相懸絕時艱孔亟籌餉攸關辦理稍涉疎虞暗中即受大損再四思維惟有詳懇咨商沿海沿江各省督憲酌按本省情形會否議籌辦法即請詳晰覆閩會同咨請外務部暨戶部權衡利弊堅持定論設法挽回將總稅務司新擬辦法四端概行註銷仍仿照上年所定辦法無分口岸內地凡交寄之處有釐卡者必有該卡憑單粘貼包面方准帶寄俟寄到之處再行報完凡接收之處有釐卡者即須報卡完釐領有憑單粘貼包面即予放行無釐卡者則郵局查明包內貨件按照海關正稅加一倍代收再予放行所有代收前銀按結彙交本界釐金總局查收如此辦理庶足以維全局而保餉源爲此合咨請煩查照核復施行

分省補用道高觀察爾嘉上直隸總督袁合辦華興銀行稟

竊維銀行之設昉自泰西大旨在通流一國之貨財以應上下之求給其泉幣通塞之所關

即商務樞機之所繫富強之效胥基於此惜中國開埠以來華商不知仿行於是滙豐道勝正金麥加利諸銀行乘間抵隙攘我大利然我不預籌抵制之方法怵他人之我先雖有智者無以善其後也職道有鑒於此竊聞法國商人沙札郎挾資來華擬於京津一帶創設銀行我既許其通商勢難加以禁阻再四思維與其任彼專利事權盡屬之於人何如與彼合資操縱尙聽其在我因與法商就近籌商改爲中法商人合辦之銀行名曰華興訂明係有限公司彼此資本平均權利相等不得有所軒輊磋商至再幸尙能就我範圍現與法商沙札郎訂立草合同一紙擬籌集股本銀四百萬兩作爲四萬股每股庫平銀一百兩華洋各認其半其開辦之始在天津設立總號先備總數四分之一華洋各籌集股銀五十萬兩以爲創業基礎其餘三百萬兩俟將來貿易興盛設立分號之時再行分招股份惟華商名下之二萬股均由職道向殷實富商分頭招集並不假手沙札郎以昭核實而清權限職道伏念華洋合辦原屬不得已之舉自當稍加限制以期有利無弊擬自開辦之日始以二十年爲限限滿之後准華商有將洋股備價購回之權洋商不得有推諉挾持諸情事似於合辦之中隱爲收回利權之地辦理較爲得體茲謹將合辦銀行緣由具稟祇候恩准立案遵行再法商沙札郎備有的款銀二十五萬兩存儲天津滙豐銀行具有保單是實職道亦擬籌

備銀二十五萬兩存儲天津殷實銀號聽候查驗其餘五十萬兩應俟批准之日於六箇月內職道與沙札郎分頭招集股本於限內各將資本備齊以憑開辦屆時當重行訂正合同暨詳細章程呈驗並求轉咨外商部存案以示鄭重而資保護謹稟 直督袁批 據稟已悉仰候行天津府商務公所查核具覆核辦此繳

天津府爲詳覆事案前奉憲台札開爲札飭事據分省補用道高爾嘉稟稱云云等因前來本大臣據此除批據稟已悉仰候天津府商務公所查核具覆核辦等因印發並分行外合行札飭札到該府即便遵照辦理具報此札等因蒙此卑府遵即飭令商務公所紳商妥議去後茲據稟稱查津市爲南北要衝非銀根充裕不足以資流通庚子以還錢業疲弊創設銀行誠爲當務之急高道爾嘉擬設之華興銀行開辦之始即在天津爲總號所有京師申江各票莊銀行均可聯絡一氣誠操勝算並訪聞高道爾嘉家道向稱殷實自應令其早日開辦惟該行係華洋合股誠恐其有壟斷情事有礙市面懇飭妥訂章程稟呈督憲後發商局一分以資考證而昭慎重等情稟覆前來卑府遵查中國利權外溢已非一日極宜設法收回以圖富強之本現在合股開辦銀行洵屬善舉惟各國所開銀行如德華華俄等類皆係洋人執權勢成偏重該道所開華興銀行既請立案保護應請於開辦之先妥議章程其

各集股本銀二百萬兩尤須腳踏實地總期權歸我主利不外溢方能收回利權所有違飭核議緣由理合具文詳覆照詳施行 直督袁批 據詳已悉仰由該府轉飭妥訂章程稟送查核此繳

合辦華興銀行章程

第一章 銀行緣起 一本銀行係大清國暨大法國商人合辦之銀行經稟請北洋大臣直隸總督袁批示立案准予保護又經法國駐京欽差大臣呂取具保單簽字蓋印以昭信實 二本銀行命名華興有限銀行本銀行規條應由華商高爾嘉與洋商沙札耶兩面酌定遵照辦理若日後有應行更改之處當由兩面隨時會議商訂 三本銀行資本庫平銀四百萬兩作為四萬股每股庫平銀一百兩高爾嘉與沙札耶各先認招五千股僅以所認之股數為各自擔承之限其餘三萬股俟擴充事業之時再行議招惟華洋出售股數仍均勻剖判彼此相同不得稍有軒輊庶幾權利平等無畸輕畸重之虞 四本銀行先在津設立總行其餘各分行俟總行開設後即行建立推廣 五本銀行自奉北洋大臣批示立案以後所辦事宜應遵照中國國家所定商律及本銀行所定章程辦理華洋股東均應一體遵守不得逾越倘洋股東恃勢侵奪華商權利以致彼此齟齬先由兩造各請公正之人秉

公調停如實在不能調停華東可稟明北洋大臣照會法國領事各遴派妥員持平查辦如果曲在洋商從嚴議罰曲在華商亦同此辦理 六本銀行以五年作為試辦之期如五年期內貿易平常或有虧折之處可由兩面會同算清帳目將銀行停辦再本銀行由開辦之日起以二十年為限限滿之後應由高爾嘉會同華股東將洋股一律備價收回沙札郎不得有藉端阻撓情事如華商無力收回屆時再另作商議 七本銀行係商本商辦將來或有虧折與兩國國家無涉 第二章 招股章程 八本銀行共招四萬股每股庫平銀一百兩開辦之始華洋共認招一萬股其餘三萬股俟日後推廣事業需添股本再議續招但續招之時應先儘各舊股友入股後再招人入股 九初開辦時股友每股先付股銀五十兩其餘一半俟三箇月後再行付清 十銀行所出之股票有簽股友之姓名者亦有不簽股友之姓名者各聽從股友之便其股票皆有存根應由本銀行華洋總理二人各簽字於騎縫圖印之上 十一各股友於第一次付銀之時應先由本銀行給與收據俟第二次股銀付清將收據掣回方發給股票 十二各股友如不能按所定交銀之日付銀則銀行將未付之一半銀數載明冊中再展限三箇月交清如逾期不交本銀行可將此項股票代賣與他人如賣出之價過於原數除還前次已付之五十兩外銀行可收其定數而以其餘款

仍還股友如賣不足數該股友即應將所欠之數補交或在前次已付之五十兩內扣除若干以資彌補并將前次所給之收據一并註銷惟以上所述必須由銀行自行出賣不得任股友私自轉售 十三每股票須有本銀行之圖記 十四如股友日後欲將其股票售與他人其票上簽有姓名者則須告知本銀行將姓名更換如票上無姓名者隨便可以轉售 十五各股友之權係按股份多少核算日後不論票到何人之手其權隨票而行 十六各股友應遵守本銀行所定章程並華洋總理會議之規則 十七每次分股利時股友票上有姓名者銀行查明後即行付給票上無姓名者本銀行只認票不認人 十八如股票遺於子嗣或交他人代理或交債主之手此等如係有姓名之股票須本股友向銀行聲明予以全權本銀行即照股友一律接待若未經聲明此等人不得佔銀行之權亦不得向銀行有為難情事又不得干預銀行大小事件 第三章 辦事章程 十九本銀行除辦理以下所開列各事不得辦理他事 二十本銀行辦理之事開列於下一銀票有載姓名者有不載姓名者二押款如田產房屋等類為不動物金珠古玩等類為動物皆可估價作押惟須將該物或券契等交本銀行收存至還款時方能領回三匯劃本銀行可代商家於通商各埠辦理匯劃銀錢之事四收存各項存款五存款之法須按本地銀號善法辦理六本

銀行開辦之日可出各項銀票以流通市面但所出之票不得過銀行內所存現銀三分之一

一 二十一 本銀行可與殷實商家辦理通融款項之事如絲茶綢緞等行欲向銀行指貨借款儻該商之貨未經保險銀行可選一殷實保險公司代客保險儻已保險銀行可察看其保險公司是否殷實可靠方能貸給若客商之貨存儲棧房有防意外之事須將棧房一律保險

二十二 銀行所押之物如過期不贖本銀行必先通知本人令其贖回過期七日後銀行有將其物件出賣之權其出賣或拍賣之時須按照中國通行章程辦理如所押之物係田產房屋等過期不贖七日後銀行必告知地方官存案以憑出賣如所押之物不足抵所借之本息及出賣時一切等費則銀行仍有向借主要索補償之權

二十三 存款定期行息之法一為每一年二為六箇月三為三箇月四為日用存款

二十四 存款既有一定期限不得於期內隨意提取如存款主人到行同華洋總理面商或有可以通融

二十五 本銀行所收之各存款均付給憑單此單上列有號數寫明存款數目及其期限行息若干又存款之姓名籍貫住址此等憑單不得轉押或賣給他人

第四章 分利與公積章程

二十六 本銀行於每年年終結帳一次核實有資本若干按股付給官利六釐如再有贏餘另提出一釐作為預存儻次年官利不足則將此預存之利付給以資彌補惟在五年

試辦期內如官利實有不敷可酌量核減不能按照以下所述辦理 二十七本銀行除按付股利六釐外所有贏餘勻作一百分算應以二十分爲公積十分爲創辦人花紅七十分爲股友贏利按股勻派並將每年出入款目刊列清單分寄各股友以昭信實 二十八每年於結帳後三禮拜內辦事人即查明衆股友姓名從速給付股利毋致稽延以慰衆望 二十九每屆一年總結帳之期預先通佈股友於期內齊集並可於此時提議一切其百股以上之股友皆有稽查帳目之權 第五章 辦事人員 三十本銀行延請華洋總理各一人副總理各一人須擇素有名譽者任之或股友入股在五萬兩以上者又必曾經辦過銀行事宜方可膺選若股友中無人則可公舉他人任之惟須有銀五萬兩存本行作保不准提取五年後方酌量准其取回 三十一華洋副總理以五年爲一任任滿之後可以更換如辦事動能亦可接充惟得衆股友之允許方可若不及五年或查有情弊一經發覺仍可隨時辭退 三十二華洋總副理之權係屬平等華總副理所辦之事必經洋總副理簽字洋總副理所辦之事亦必華總副理畫押要與衷商議以期貿易興盛 三十三華總副理以上辦事人員如洋股東視有不合之處應明告知華股東方可撤退不得未先與華股東商明自行撤退洋總副理以下辦事人員華股東亦同此辦理 三十四總副理以下有

華洋分董各三人書記各二人准入股三萬兩以上之股友任之如股友不願入行辦事亦可公舉他人惟其人勝任與否仍須由總理試驗後方可任用 三十五總副理以下每月薪水其數由會議時定斷 三十六其他辦事人員准入股三萬兩以上之股友保薦如不勝任亦可隨時辭退 第六章 會議規則 三十七會議之法凡有重大事件如開設分行推廣鈔幣以及稽查帳目等事俱應邀集股東會議如有二十位股份最多之股友到場即可開議 三十八本銀行進出款項簿籍應用華洋文各一冊由總經理人於每月月終督同司帳繙譯人員繕寫清冊詳細校對華洋互相簽字以爲憑證至年終彙成總冊會議時由華洋總經理人交呈各股東查閱 三十九本銀行每年會議一次如另有重大事件須與股友商決者亦可臨時開議 四十會議之時如有彼此意見不合難以決定則以得多數之允許者爲斷 四十一股友如有應商之事可投函於總銀行俟會議時將事宣布以憑核定 四十二會議之時如華洋總理二人有故不能到則以副總理代之如副總理亦不能到則以分董代之 四十三會議之期先一月函知各股友請其蒞會如不能到者俟議定之後將所議各事刊刻郵寄俾衆周知 四十四會議之法於股東齊集之時由書記宣布本銀行副總理之說帖及華洋帳目總清冊載明銀行生意若何應辦之事若何本

年利息若何如本行辦事人有不願充者亦可再行公選 四十五以上大概章程如有未盡事或應行更改之處俟會議時再行增訂修改章程皆可於會議時定奪

乙巳年應解洋款表

中國應付賠款應還外債經本館詳細調查將今年應付應還各款條分縷晰列表於下俾我國民觸目警心合羣團結振興實業以爲抵禦之策否則十年後我國民尙有養生之資耶嗚呼痛矣

中 曆	西 曆	數 目	國 名	款 名
正月十七日	二月二十號	六十五萬兩	英 德	賠款
正月二十五日	二月二十八號	二百萬兩	各 國	賠款
正月三十日	三月五號	五十二萬兩		釐金抵款
二月十五日	三月二十號	六十五萬兩	英 德	賠款
二月二十六日	三月三十一號	二百萬兩	各 國	賠款
三月初一日	四月五號	五十二萬兩		釐金抵款
三月初五日	四月九號	一百八十萬兩		滙豐借款

財 政

五十三

乙巳

財 政		五十四		三 月
三月初十日	四月十四號	五百萬兩	俄德	借款
三月十六日	四月二十號	六十五萬兩	英德	賠款
三月二十六日	四月三十號	二百萬兩	各國	賠款
四月初二日	五月五號	五十二萬兩		釐金抵款
四月十七日	五月二十號	六十五萬兩	英德	賠款
四月二十八日	五月三十一號	二百萬兩	各國	賠款
五月初三日	六月五號	五十二萬兩		釐金抵款
五月初七日	六月九號	六十萬兩		滙豐金款
五月十八日	六月二十號	六十五萬兩	英德	賠款
五月二十八日	六月三十號	二百萬兩	各國	賠款
五月初三日	七月一號	九十萬兩		瑞記借款
六月初三日	七月五號	五十二萬兩		釐金抵款
六月十八日	七月二十號	六十五萬兩	英德	賠款
六月二十九日	七月三十一號	二百萬兩	各國	賠款

七月初五日	八月五號	五十二萬兩	英德	釐金抵款
七月二十日	八月二十號	六十五萬兩	英德	賠款
八月初二日	八月三十一號	二百萬兩	各國	賠款
八月初七日	九月五號	五十二萬兩	英德	釐金抵款
八月二十二日	九月二十號	六十五萬兩	英德	賠款
九月初二日	九月三十號	二百萬兩	各國	賠款
九月初七日	十月五號	五十二萬兩	英德	釐金抵款
九月十二日	十月十號	一百五十萬兩	英德	匯豐借款
九月二十二日	十月二十號	六十五萬兩	英德	賠款
十月初四日	十月三十一號	二百萬兩	各國	賠款
十月初九日	十一月五號	五十二萬兩	英德	釐金抵款
十月十九日	十一月十五號	二百八十萬兩	俄法	借款
十月二十四日	十一月二十號	六十五萬兩	英德	賠款
十一月初四日	十一月三十一號	二百萬兩	各國	賠款

財政

五十五

乙巳

十一月初九日	十二月五號	五十二萬兩	釐金抵款
十一月十四日	十二月十號	二百十萬兩	滙豐借款
十一月二十四日	十二月二十號	六十五萬兩	英德 賠款
十二月初五日	十二月三十號	二百萬兩	各國 賠款
十二月初七日	正月一號	一百四十萬兩	瑞記借款
十二月十一日	正月五號	五十二萬兩	釐金抵款
十二月二十六日	正月二十號	六十五萬兩	英德 賠款
共計五千一百六十二萬兩			

各省理財彙誌

河南 豫省奏設銅元局後日夜併工已造成數百萬枚經豫撫出示曉諭城鄉准其完糧納稅進出一律以採錢荒而維銀價

江蘇 江督以製造滬局本為鑄造槍砲而設近來兼鑄銅元事繁任分特奏將銅元一項歸併甯局辦理俾滬局得專事製械以一事權而重軍需

江淮 甲辰秋間因練兵籌餉江省大吏會議在揚州府城添設銅元局以厚餉源經奏明有案近江督以機器尚未運齊鑄本亦未籌定且又遠在江北考查工作較長莫及議仍就金陵原有之局添廠擴充俟該局新購機器交齊全行運

甯建設統歸一局鼓鑄責任既專稽察較便已奏准照辦矣

浙江 近有義商在滬設運牛公司請給護照赴浙江內地採辦食牛由江督周玉帥電咨浙撫聶仲帥詢問辦法經浙藩司及釐捐局會商以浙省牛稅每隻共收起驗費四百三十八文或三百四十一文不等義商販運食牛與農間耕牛稅項截然不同應照向例加倍抽捐作為稅釐等情詳由浙撫轉咨江督查照辦理

四川 川督錫青帥奏請收租百石提捐四石為自辦川漢鐵路經費一摺已蒙照准又請仿照各省成案鑄造銅元所得餘利除供本省要需外每年報効練兵處經費二十萬亦奉 旨依議矣

廣東 粵省三水車路開車已久近經釐務總局援照鄂豫成案做洋關稅法變通辦理名曰貨捐局業已詳定稅章稟准施行 粵省紅牛出口徵稅已由釐務局札行各口一律征收外省河為總匯出口之區特派員專辦此事所有出口紅牛如無納稅單據者一律補抽 號稅繁苛疊經商人請免自歸併洋關辦理後收數日增更難裁撤近由梅稅司議將東礮臺口館裁去歸入西礮臺口館辦理凡向來東掛西銷西掛東銷者統併西礮臺口館全行掛銷以歸簡便

各國財政彙誌

日本 政府發出第四次軍務國債票計共一百萬元行息六釐各銀行爭相購買極形踴躍

韓國 韓政府議定在漢城開設國家銀行向日本第一銀行借款三百萬兩以海關稅為擔保並由第一銀行派員分駐漢城監督出入近已訂立合同在漢城交換矣

德國 德國國會議將常年海軍經費三兆馬克酌量裁減聞其所屏棄之條款亞洲礮艦亦在其內 新定加增進口稅則已於一千九百零五年三月一號施行

期 數

五 十 八

三 月

俄國 俄大藏省籌備美金三百十兆零五十萬元以作軍費此外五百萬元則以之敷設西比利亞第二鐵路九千英里則以之續成或續貝加爾湖鐵路

商 務 印 書 館 出 版
哲 學 商 業 類

哲 學 要 領

每部一册
大洋二角

德國科培爾著日本下田次郎譯山陰蔡元培重譯○哲學要領事理之祖宗教流別而惟物惟心有神無神溯源則同泰西富強胚胎於是是書約舉哲學之總念類別方法系統皆以最近哲學大家康德黑智爾哈爾安門諸家之說為基礎發揮盡致且於古代哲學提要鉤元足示學者研究之法

德 國 工 商 勃 興 史

每部一册
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬 國 商 業 歷 史

每部一册
價洋六角

英國羅賓著日本林會登吉譯本館重譯○交通日便商戰日烈鐵路輪舟往來駢集而由古迄今以及各國互相關係之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰亟譯印是編以資參考

商 務 印 書 館 出 版 類

農

話

每部一本
價洋一角

通州陳啓謙述○自海上創譯農報以來報冊已稟然數百帙然皆士大夫之農學非農夫之農學也陳君有鑒於此奉自丁迄壬之農報度中國所能行者達以俚語命曰農話刪繁就簡提要鉤元意在可以實行也我國中有耕讀之志者盍一觀之

德 國 工 商 勃 興 史

每部一冊
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書應舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬 國 商 業 歷 史

每部一冊
價洋六角

英國器賓著日本林會登吉譯本館重譯○交通日便商戰日烈鐵路輪舟往來聯集而由古迄今以及各國互相關繫之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰亟譯印是編以資參考

實業

論宜自造機器 節錄第三十七期商務報

自計學發明。而商戰之說起。歐美文明之人。不鬪勇而鬪智。不角力而角財。高掌遠躡。作賈重洋。商貨駢集。獲利倍蓰。豈百產之菁英。至是而所出獨多耶。抑工巧藝能之發達。有以使之然耶。而不知皆非也。是惟能創造機器。故是惟能利用機器。故泰西計學家言曰。機器乃資本之一種。器具中最完備最靈便者也。夫人工之於製造。皆以手足發其自然力。而此則以致動力發其自然力。當夫器機萌芽時代。其所以運轉之者。人力而外。厥惟牛馬。進步而後。或以風力。或以水力。至今日則蒸汽力。電氣力。煤油力。無一不可為其原動力矣。而其為用。亦由單簡而繁雜。而美備。其卒也。遂為衆工之母。百藝之原。為凡工業國所不可少之物。故機器之精粗多寡。可以覘其國民文野國勢強弱之程度。蓋國民愈文明。則機器愈完備。機器愈完備。則產業愈豐饒。而國勢愈強盛。機器之關係於人國。顧不重耶。若語其利益。則製造各類中。如織布紡紗之屬。以千百人手工為之。而不給者。以一機器代之。而有餘。至於大工業。大建築。如滬尼斯山鐵路之隧道。即義大利瑞士兩國交通之隧道蘇彝士地峽之運河。皆恃機器

實業

二十七

乙巳

以開濬疏鑿。成萬世無窮之利。昔白耳義名士喇布雷氏之言曰。蒸汽機至千四百萬匹馬力者。即可代二億八千萬人之人力。此以萬萬爲一億。一馬力可當八力。二十人。是用一馬力之汽機。即可省人力二十倍。業場雖大。西人謂生財之場。爲業場。陡增二十倍之人力以治之。以闢地財。何材不出。以製熟貨。何物不成。況夫無機器。則天象之微妙。河流之淵深。以及風雨寒暑之遲速。推遷動植。飛潛之生息。變化舉末由。憑以測驗。僅用之於製造。猶其小焉者也。而以言我國。則各局場之步武。泰西者大而鑄槍造礮。煉鐵繅絲。小而鋸木碾米。印書縫衣。亦幾無往而非機器矣。雖然。我國知機器製造。而不知製造機器。其於機器也。知其然而不知其所以然。購諸西人以給吾用而已。其尤精巧者。運用則必以西人司之。修治則必以西人監之。一若無西人。則機器即不免廢棄也者。而於是西人得欺我。以所不知。傲我以所不能。價值任其居奇。工役歸其調遣。甚至有以用舊之機器。轉售於我。而我竟無從覺察者。故以機製之貨。品言之。我國之進項。有加。而以購機之經費言之。我國之漏卮。實鉅也。噫。工藝爲商業之本。而機器又爲工藝之本。不能自造機器。而欲望工商業之振興。是猶伐木而未有斧柯。涉川而未有舟楫也。安可得歟。然則我國能自造機器乎。曰能。曷由而知其能。曰日本其已事也。日本當三十年前。外侮迭乘。幾至不國。其君臣乃幡然變計。築路開鑛。通商惠工。一切效法泰西。而於

機器製造一事。尤悉心規畫。精益求精。泰西出一新器。必竭力仿之。泰西獲一新法。必銳意求之。其始不過萬一之彷彿。未幾而模型確肖矣。又未幾而蹊徑別開矣。嚮也我國僅尙西洋之貨。而蔑視日本。今則日本貨之出口者。不惟我國喜之。即歐美各國。亦莫不貪其價廉而競購之。所以然者。機器之學。日精無俟仰給於外人故也。我國民智未必遜於日本人。則我國能自造機器。也有斷然者。而況邃古以來。我國之創造機器者。代有名人。軒轅之南針。刻漏。虞舜之璿璣玉衡。公輸子之飛鳶。武鄉侯之流馬。史册昭垂。蓋堪徵信。其餘如漢張騫之候風地動儀。書見漢魏曹植之鴨頭鵲尾杓。見皇隋煬帝之曲水行酒船。見大業唐海州巧匠之十二辰車。馬待封之皇后妝具。及為李勁所造酒山。俱見朝韓志和之木雕鸞鳳。見社金忠義之記里鼓。見三宋張思訓之樓閣渾天儀。見宋元順帝之宮中蓮花漏。見元氏及近世黃履莊。道有機器多種小江永。字慎修。造種種之等巧思奇製。卓卓可傳。綿延至今。人才輩出。現查各省之精製造者。有王泰均。甯鄉人。力及水火汽電等力胡士榮。永明人。能成碾米機器。不須人力黎文蔚。永順人。實生能製種種溥崇集。合江人。創造張玉山。四川人。能造任玉衡。高架以代耕牛。木陳正煊。福安人。造船政學堂陳紫綏。福建人。造船政學堂等。皆能匠心獨運。不讓泰西名家。由斯而論。則我國人民之智巧。實足以冠絕五洲。而猶曰不能自造。

實業

二十九

乙巳

機。器。豈。非。妄。自。菲。薄。哉。惜。乎。我。商。民。於。製。糖。釀。酒。各。大。商。業。皆。知。集。鉅。貲。設。公。司。以。經。營。之。而。不。知。自。設。製。造。機。器。廠。也。曾。亦。思。彼。歐。美。各。邦。不。有。機。器。烏。能。如。是。之。強。盛。歟。曾。亦。思。彼。蕞。爾。日。本。不。有。機。器。烏。能。如。是。之。勃。興。歟。曾。亦。思。我。國。古。今。來。之。神。聖。賢。豪。皆。能。因。心。作。則。制。器。尙。象。較。泰。西。而。尤。爲。傑。出。歟。藉。曰。是。非。明。乎。重。算。汽。電。諸。學。者。不。能。造。則。各。種。學。說。皆。已。譯。有。專。書。取。而。研。究。焉。可。也。不。然。則。賞。遺。聰。穎。子。弟。就。學。於。泰。西。各。廠。歸。爲。教。授。亦。可。也。又。不。然。則。延。請。西。國。之。機。師。以。爲。先。導。亦。無。不。可。也。西。人。嘗。謂。我。國。人。最。富。於。模。仿。性。豈。於。造。機。器。一。事。並。此。模。仿。性。而。失。之。乎。吾。知。其。必。不。然。矣。抑。又。聞。之。智。者。創。物。巧。者。述。之。我。果。有。志。於。自。造。機。器。當。不。求。創。造。先。求。仿。造。伐。柯。伐。柯。其。則。不。遠。此。仿。造。之。說。也。仿。造。既。久。則。力。以。用。而。愈。奮。思。以。濬。而。愈。靈。由。是。錘。鑪。在。手。規。矩。從。心。不。期。創。造。而。自。能。創。造。則。技。進。乎。神。之。謂。也。試。思。我。國。每。年。出。口。之。貨。價。值。至。二。百。餘。兆。而。生。貨。居。其。大。半。他。日。自。造。機。器。則。生。貨。皆。可。製。爲。熟。貨。獲。利。豈。直。倍。蓰。乎。而。況。有。機。器。則。製。造。速。製。造。速。則。需。料。多。需。料。多。則。地。無。可。棄。之。材。人。獲。勞。力。之。值。不。旋。踵。間。而。海。內。家。給。人。足。比。戶。可。封。矣。有。志。興。實。業。者。其。勿。弁。髦。斯。言。哉。

商部咨行各省宜用土法開採小鑛文

本部綜緝路鑛所有鑛務章程業於本年二月間具奏奉 旨允准并通行各省將軍督撫一體欽遵辦理在案查本部前訂鑛章係指五金各鑛及機器開煤成本在萬金以上者而言至於土法開採柴煤一項資本在萬金以下者均未列入嗣准熱河都統以該處地瘠民貧凡小本經營必須量加體恤先後咨請變通鑛務辦法又據辦理安徽蕪湖晉康煤鑛公司吳德懋先後稟稱皖省鑛產甚多柴煤一項尤爲日用炊爨所必需嗣經前巡撫王定章非資本十萬金者不准開辦是以小本經營者聞風裹足貧民生計維艱又多私挖應請變通照費章程各等因前來當以本部責在保商所有商民艱苦之情自宜量加體恤折中酌定凡五金鑛及煤鑛成本在萬金以上者一律遵照部章辦理至於土法開採柴煤各項小鑛所有擔保銀兩一節如萬金以下者領探鑛照應按資本四分之一開鑛照應按資本之半均由領照人交呈保單等因咨復熱河都統立案并知照安徽巡撫援案辦理各在案此外各省鑛務紛繁倘有柴煤小鑛自應一律照辦免致歧異且內地各處開鑛用土法者較多尤應廣爲提倡俾小民減輕成本實於鑛務有裨相應咨行貴口查照立案作爲本部鑛章附件一體飭遵辦理須至咨者

湖南墾牧公司條議

實業

三十一

乙巳

論湖南之大計救急莫如練兵固本莫如屯田今練兵將實行矣然公家無經歲之儲百姓有離土之志強兵而不足食非所以持久也湖南山多田少土瘠民貧生齒之繁約四千萬頻年豐稔僅可自給徂歲一遇偏災醴陵瀏陽衡山餓死百餘人或數十人不等愴然在中言有餘痛然非有司之不能賑乃人滿而賑不勝賑且不及賑也夫一人之食十人食之則飢十人之產百人用之則匱比年各省湘軍大半遣撤游勇與游士散而歸者數且十萬此十萬人皆無路謀生而輕去其鄉者也一旦還鄉生業既不如前而人口反多至十萬不求所以養之則飢寒迫身不顧廉恥大亂由此起矣夫有國者以民爲基民以食爲天秦人急農而併六國漢武屯田而制西域安國之術豈不在於樹基建本乎今沅江南洲華容龍陽各廳縣洞庭西北隅之淤地洲渚參錯有廣大至一二百里數十里者以三百六十餘里計之南洲陸田連深有五三四千畝一田有連至十畝院者數百畝數十里獨其小者天將與之以美利惠此湖湘而人不知因所利而利之豈徒棄地哉是自違天也湘人性質自古勤於農務謂宜厚集資本勸農墾荒設立墾牧公司大府先撥官地以助之若冷飯洲澄沚湖靈官洲太白洲禹甸院育材院草尾嘴土膏肥美足以大開屯墾建公所於南洲廳并設農學堂於彼農以勤其力學以致其知會以合其羣物土之宜深耕易耨種植與畜牧兼營合作糞壅收穫皆用新法而官吏助民推布大開

學會以講習之大集賽會以比較之阡陌成修戶口漸增將貧瘠荒漠之區可變殷實矧南洲固肥沃其利尤不可殫計矣夫丁壯者得盡地力則無饑饉之憂窮老者仰食社倉則無流亡之苦漸以回其元氣亦陰以遏其亂萌使人皆有業爲生則盜賊不作會匪解散於以固民志蓄軍資羅四方豪傑而用之則百廢可具興也所有開辦事宜條列於後 一宜清來歷查明該處魚課蘆課戶名若干歲徵若干由地方官出示曉諭令其呈閱契據串票如實係額課無欠蘆地則照案給還魚地則照課給畝此外悉屬官地歸公司清丈開墾 一宜定經界官荒民業其初本不相混自淤漲之後川港盡失故流經界不可復識往往草萊未闢訟禍已興嘗聞南洲農夫之言訟費多於墾費數倍其禍終歸於良懦可勝三歎今宜於業民影射奸民強佔之地及先年斷爲官荒之地飭瀕湖地方官清查撥入公司以絕轉轉而息訟源 一先劃清地段官撥之洲地卽用官定弓步丈量以二十五畝爲一段用木排編刊字號標題某字第幾段并載明地段弓數造冊 一授地宜有定例今之廿五畝古之百畝一夫授田以二十五畝爲率不許包攬圖佔 一豪強貪佔地段有多領執照懸不開墾者有佔田百畝僅報二三十畝者請飭地方官清查撥入公司 一先年取有執照至今無力築隄者可耕之地既不能聽其久荒應完之課亦未可任其久懸請由地方官撥入

公司仍量給照費 一湖上之人每藉魚課以爭陸地查光緒十五年王中丞奏案昔有湖業今成陸地者祇准豁除湖課不得藉水佔地今擬自隄外至水邊清查現在長若干丈詳明註冊截至本年爲止凡以後洲尾新淤之地概歸入公司蠲免魚課杜其爭佔 一六府之修水利爲急然必無其患而後能興利有宋之世開濬洞庭直河置斗門漑田今猶可推按其遺蹟擬於南洲設濬湖局購挖泥機器歲時修濬力求疏洩引湖水以暢其流庶重湖寬而不爲害蓋機器本資水爲用泰西修蘇彝士河到處有刮沙船歲一周巡推沙入海聿觀成效使洞庭得此因地勢之宜順水性而導使暢行則湖面廣平泥沙俱下旁無壅滯自無潰溢瀕湖州縣所保全者多矣何必創爲棄地與水之說日取民田而蕩平之乎 一田間必多關溝渠通以小河輔以池塘因其曠土復古井田之制不難也且所起之士卽以培路築隄種樹成林根株盤結水力不能穿決而所通之水亦卽以備旱潦至於春夏盛漲溝洫四達小河相貫以殺水勢則游波寬衍所容者大自無決溢之害按沈夢蘭先生有五省溝洫圖說其言曰西北橫流洶涌而衝決爲患其退也則泥沙滯澱而淤塞爲患作爲溝洫以治之使縱橫相承淺深相受伏秋水漲則以疏洩爲灌輸此善用其決者也春冬水消則以挑濬爲糞治此善用其淤者也言不煩可通於治洞庭之水 一古者田間之塗九軌

凡開墾之地其道路宜以時平易務爲寬大整潔蕩平可行馬車種樹兩旁如槐柳桐梓及梨杏棗栗之類使吸收水氣兼蔭行旅以收材幹之用泰西以林木爲大政有專禁有專律暗與古虞衡合日本尤用心於此有森林之學有造林之篇有種樹之祕有接木及伐採之法皆不可不講 一洞庭大湖芳草連雲便宜牧務若使牛羊蓋澤歲孳不休收剪其毛足以織絨呢氈毯而母牛取乳封以鐵餅造餅造油寄遠行銷其利尤大近法國有以飼雞爲業不十年而致百萬美人又有養蜂爲業富至數千萬者此畜牧之宜亟講也 一湖水澄清性肥而暖太陽久照光熱之力至足種桑最宜沅江張太守琳嘗取湖州桑秧栽種葉大如掌沃若與湖州無異以之飼蠶吐絲尤極光柔今擬以萬畝徧植湖桑由湖州採買接本桑株暨應用器具並招募匠師來湖內以浙法訓授子弟爲各屬倡導大興桑利計湖桑每畝三年外一歲可出錢五十緡其日本栽桑新說祕錄實驗錄諸書並譯出講求桑土既蠶於是究其利病師改良之法專精繅織湘中蠶桑大利當有過於浙江者與日本爭能矣 一廣植物產必先辨土性之宜管子有言九州之士爲九十物卽西國土壤篇所本加以改良有書則周禮辨剛用牛赤緋用羊之成法耳英國挪佛之地礮礮荒瘠不可以耕旋審得土性所宜與蘿蔔相合而其草豐茂又宜牧羊於是廣種蘿蔔令民參羊徧種肥草以資其

食卒獲利與沃壤無異此則大驗也今南洲與草尾嘴土宜如種漆樹以製漆種蠟樹以製蠟種洋棉苧麻以織布進口竹布即種橡以製膠種甘蔗蘿蔔以製糖種烏柏葵花以榨油皆當次第爲之卽種煙與咖啡亦大利也生材既多然後能講求工藝殫精製造增廣貿易又有拉美草者似麻類織造各物同於蠶絲雖原野不毛亦可繁殖而最宜於輕鬆砂土日本以其栽培簡易一歲可收穫二次得利甚厚至於創興公司又不可不仿而種之也德人希文斯時嘗考察植物之性最喜水溼洞庭淤地無不宜者惟定一獎賞種植之法及伐害樹木之罰懲勸並行民情自感動矣 一魚米之鄉古聞其語佃魚之利莫如洞庭養魚取魚擬購甯波網罟參用西法聞美之漆昔比克海灣魚利歲可得二十餘萬果於洞庭講求搜捕以罐頭爲法裝入光鐵匣銷售四方亦大利也且漁師詳於曲禮敝人紀自周官古之聖王已行之矣信能獎勵漁業嚴澤梁之禁而收復魚課歲入鉅款即足以養水師上下巡防使盜賊不敢出沒而遇有風暴并可救生行旅便之尤爲功德 一菜蔬魚猪肉用醃蓄之法亦可遠售 一酌定村戶滿五百人者設立保甲分局以資稽察 一官地撥歸公司宜照章每畝繳價錢三百文以後卽永遠爲公司產業 一宜寬起徵年限查戶部例水田旱田起科有六年十年之別今請於公司開墾之日起限六年升科以舒民力衆知墾荒之

有利無害自然踴躍爭趨一二年間湖內淤地可盡化無主之田爲有主是則舒民力以闢曠土闢曠土卽以足經賦也 一西國地學家嘗謂盡地所受日之熱力一英里可養至一萬六千人英里一即同一土地而所獲有多寡者學之講不講也夫刈禾則一人可兼數百工播種則一日可及二百畝擇種一粒可收一萬八百四十粒千粒可食人一歲二畝可養人一家以瘠壤變爲肥壤小種變爲大種一熟可爲數熟者非學之明效乎斯氏農書叟氏通俗農家必攜泰西農學家最精博者日本並譯出矣故東瀛之農學非中國所能望也今擬聘日本農學師二人教學生三十名開學譯書化分土宜研究地力及一切肥料各物體性講求生植備利用之器師防害之法庶地無遺利 一湖田寬廣無阡陌高下之隔卽如沅江草尾嘴自南嘴起迤東而南縱橫七十里有奇東極湘陰北毗龍陽平疇廣漠農具亦宜機器有火力馬力則人力省而成功速利一畝之收可抵四十人之力其餘犁鋤之類並求新式利其器自能善其事近上海農會仿購美國新式犁一畝培之法亦宜講明英國撒里司白里一地平原曠野礮薄異常乃搜海島各鳥糞以肥之一畝之收歲則十倍彼其肥料近用灰石磷酸骨粉電氣使與土性及所種之物適合其宜故能化淡爲濃易少爲多刻期成熟天功而輔以人力周禮草人土化之法其有取乎今南洲等處最肥饒無待

肥料但能略講培壅事半泰西而功必倍之 一編保甲以便稽查授地之初先以五家十家分段即就各家擇長稽其散戶而統於里長里長統於保甲局出入相友守望相助情誼自相聯而伏莽無所容矣 一屯丁什伍相束略以兵法部勒里長則約束什長什長則約束伍長使耕戰並習農務之暇發給軍械教以操練春秋月五日夏季月三日冬季月十日別勤惰優劣而賞罰之其每歲租有里長按時催齊交納 一開墾三年之後每千畝願捐一百四十石入省城儲備倉以重積貯勻年遞積不難粟支十年米過三年便朽不足食若穀之曬乾扇潔入倉者雖二十年可也偶遇凶年可以推陳出新與鄉人和糶則市儈無所施其居奇伎倆貧民受賜尤無涯也 一開辦之始請撥官地五萬畝借官款五萬金除創始一年不計外第二年繳還五千金第三年繳還一萬金第四年繳還一萬五千金第五年繳還二萬金第六年升科今官款難籌請籌私款則莫如集商股平原沃衍耕植兼營其獲息較火柴電燈鑛務尤旺商人必樂於從事宜擇地設局由大府提倡刊行股票每張十兩鉅款自集其出入各款詳細造冊刊印成書年終送同人鑒察以昭大公入股逾千金者可派一人入局司事大致仿照招商局辦理然雖招商究屬地方公事似宜遴正紳爲委員董辦以專責成 一濬湖局常年經費請由釐金項下歲提撥四千金岳常辰沅各督銷局歲

提撥二千金釐局如不肯提即可於田租內取之以資疏濬并撥水師礮船十號以供差遣

一防勇無事請近撥二三營分紮南洲任築隄修路開渠種樹之役庶節省經費兵勇亦

以習勞而日強防勇現有巡緝營皆有成效惟須增加無事則調則以多為貴隨時招募亦可撥營則難 一湘中富紳當分任倡導各

州縣有講求地面之利者並聽其集股舉辦惟以本公司為總匯之樞將來農業大興人得

所養有謀生之路無滋事之心消患未萌是理財即兼可弭盜 一公司所以通官民上下

之氣脈民智之不閉公司牖之民情之不便公司除之民力之不逮公司扶助之外洋有新

法公司可為羅致農學有新理公司相與講明俯察民情仰承官力志在使湖內家給人足

均霽利益各盡地力各極人工既富而後教化可行也 一學堂內設立農藝博覽會一所

集各方土產用考農功或先舉行茶業鑛務小會考求物產以擴見聞三年後擇地開場分

設種植畜牧製造各類以相比賽驗勤惰別優劣擇尤異者獎以銀牌使新法日精新理愈

出農人鼓舞進而愈上有新器以爭長競巧而商人益銷行矣

江浙魚業公司漁會章程

一欲合江浙沿海漁戶團結一氣休戚相關故公司力任保護開通之義務 一願合漁會

附入本公司者由公司給予中國外部移行各國外外部之海陸軍之合眾公司旗另掛 一

公司編號旗使各國兵商船及海關易於識別 一漁船號旗每屆正月分由該魚幫柱首開列船戶編號清冊向本公司領給以歸一式 一會內漁船由本公司給予編號船照一紙每次裝魚進口先將船照送公司核驗並報明魚數若干由公司查明代爲完納關稅聽漁船自行投行銷售 一船照及公司旗一年一換大船納旗照費洋二元小船一元其費充漁政總局之用 一願入漁會之漁船凡裝冰鮮進滬者向掛洋旗每船每次出洋銀七十元今議減省大船按八折每次繳洋銀五十六元小船按六折繳洋銀四十二元其銀元卽由經售魚行照數扣除繳入本公司代爲完納關稅噸鈔諸費 一漁船進口每次所繳洋銀除完納關稅噸鈔及漁會中定章應支各款外盈餘之數貼補官款漁輪價款之息并備充漁政總局之用 一本公司係江浙合辦進滬之冰鮮漁船多係浙民理合查照浙江甯波鎮海關鮮魚每百斤征稅銀四分之一則例漁船到埠報關驗征以昭一視同仁之理抑或參酌江浙稅則通融辦理不分船身之大小祇計魚汛之旺衰每年以四五月爲旺月餘皆衰月旺月每漁船完納江海關稅銀十兩衰月每漁船完納稅銀五兩庶海關無稽查之勞而漁民樂遵循之易至漁船出口時仍請江海關照章查驗以杜夾帶偷漏之弊 一逢星期及停征日期冰鮮魚船進口如欲啓艙上貨應照帆船進關定章酌減五成繳費以示

體恤其費由該船自任由售魚行家扣除本公司代爲完納 一漁船大小向以樑頭尺寸爲準今定前樑頭營造尺八尺以外爲大船八尺以內爲小船每屆給照編號時量準尺寸填入照內如有弊混一經察出歸該柱首秉公議罰 一漁船進滬到埠停泊後除關稅噸鈔碼頭費由本公司代爲完繳外其餘善捐巡捕捐等項爲數不多均歸漁船自繳 一總會附於漁政總局每年或春或秋團聚一次會議利弊因革及如何擴張之事

各省工藝彙誌

直隸 工藝總局以織染爲民生至計近外人在華開設公司謀奪利權者數見不鮮亟宜預爲抵制特稟准直督勸辦織染總局公司招股五萬兩官督商理以興實業而挽利權 昌平州知州近遵其母命捐廉創建工藝局一所常稟由直督批准嘉獎並爲其母 奏請建坊以爲良吏而有賢母者勸

湖南 長沙民立明德學校於理化各科無不研究故東洋紙各物已能自造近又製有真筆版出售價廉物美人樂購之

四川 洪雅蕭君開泰前曾試造火鏡情未告成近其友張君因其舊式精益求精能在距離六七丈之地焚化四寸厚精鐵聞已稟請大吏在滬設廠製造

廣東 粵省有醫生黎素者儼人也考得該處所產香蕉可製釀白蘭地酒向凡小蕉及過熟之蕉均不運往各處等於廢物近始知爲釀酒妙品特勸令各處設法製釀若無蕉百噸即可得酒二十四噸若分十二噸爲上等美酒餘半次之

各省礦務彙誌

直隸 前天津開平礦務局以披佛模恩公司及開平礦務有限公司侵蝕款項控之倫敦現已審判得直其按察使佐治君發出堂諭有謂被告公司所得產業均係誘騙而來其最要證據乃被告公司並未照合同辦理云

山東 德人在東省要求登萊青三府開礦之權省吏已允其在三府屬中三百里見方之內開採各礦不得逾界

安徽 江督以皖南各屬山勢懸互礦脈昭著會派員前往察勘苗質果屬佳旺茲特飭於省垣設立查礦公所總司督率以憑開採 廣德州煤礦前曾予英商凱約翰承辦近經廢約已有華商楊君錫孫在商部稟准并繳納保單銀二千兩存商務局由局詳准皖撫給照開採

福建 福汀邵三府礦產以金礦為多三年前經前閩督許筠帥與法商大東公司訂立合同內載三府之礦所有各項公司及別項人等均不准在界內尋採金礦等語全閩紳民大憤特聯名遞呈外商二部懇請爭回礦權自辦近由二部會議與法商改訂合同作為華洋合辦俾人民均沾利益聞已照會法使

湖北 法商嘉薩黎擬辦鄂陽府屬四處礦產由法使牒外務部轉咨該省遵照並由該商自詣省城呈驗前署督端帥給與礦照經鄂督張香帥稽查案卷祇有該商游歷公文及法領事要求給與該商承辦礦務照會並無給照確據知係捏造即咨請外務部牒覆法使批駁不准并檢得捏造照內有期限十月過期之後任憑他人承辦之語特依據核算限期已過當將前案注銷

四川 平武縣屬山中多產墨石其在古城者尤佳採取開片可作寫字版之用近有人設法開採亦教育品中抵制外產之一端也

商務印書館出版
外國語學類

和文漢譯讀本

(全部八册價洋壹元)

我與日本爲同文之國欲謀輸入文明自以學習和文爲便是
書初版頗爲學界稱許旬月售盡惟倉猝成書不免稍有訛舛
近來各省學堂大都添習東文購者紛來愧無以應茲特請前
日本高等師範學校教授長尾楨太郎君用最新本詳加校訂
字字斟酌絲毫不失原意可爲初學津梁

英語類選卷一

SERIES, PART I.

每册價洋一角五分

英語類選卷二

SERIES, PART II.

每册價洋一角五分

華法中學讀本

LES PREMIERES LECTIONS
EUFANTINES.

每册價洋一元

華法啓蒙初集

LECTURES COURANTE.

每册價洋五角

商 務 印 書 館 出 版
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階叁集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋陸角

商 務 印 書 館 出 版

中 西 文 合 璧 教 科 書

華英亞洲課本	第五冊	English and Chinese New Orient Fifth Reader	每本洋柒角
華英國學訓蒙編		English and Chinese Royal Primer	每本洋壹角
華英國學文編	第一冊	English and Chinese Royal First Reader	每本洋貳角五分
華英國學文編	第二冊	English and Chinese Royal Second Reader	每本洋肆角
華英國學文編	第三冊	English and Chinese Royal Third Reader	每本洋柒角五分
華英國學文編	第四冊	English and Chinese Royal Fourth Reader	每本壹元貳角半
華英文件指南		English and Chinese Complete Letter Writer	每本洋陸角
華英繙譯捷訣		A Manual of Translation	每本洋伍角
華英要語類編		English and Chinese Conversation	每本洋貳角
華英智環啓蒙	新編	Circle of Knowledge	每本洋肆角
增廣英字指南		Method for Learning English	每本洋壹元
英法尺牘譯要		Select Correspondence	每本洋柒角伍分
法語陟選		Course Progressions des Leçons Françaises	每本洋伍角
德文法程初集		Deutsche Lektionen	每本洋柒角五分

商務印書館
出版
日俄戰爭圖

日俄戰爭真照相圖

第三號已出
定價每冊
大洋二元五角

日俄開戰以來其一切勝負情狀各報章無不記載詳盡然百聞猶虛終不如一見之為實本館有慨於此特倩東京美術學校能藝之士用最新之照相法就其實地圖其實事計一巨冊共圖一百數十幅凡兩軍臨陣戰爭現狀纖悉無遺俾披閱是圖者如身歷其境一目了然至裝訂之精妙猶其餘事

日本維新人物志

洋裝一冊定價壹元
洋裝二冊定價八角

日本維新人材輩出或主尊攘或主革新殊途同歸要無二致彼邦宿儒岡本監輔精通漢學兼擅史才今著是書以餉吾國時會所至豪傑必生取而讀之其先導乎

代理總發行所

上海棋盤街中市

商務印書館啓

分售所

漢口 商務印書館分館

北京 公慎書局

廣東 新書報公司

隨處寄售

交通

論查勘淮揚運河事 錄乙巳正月十四日新聞報

嗟乎。運河之宜濬也久矣。豈待今日哉。憶壬寅冬北游清江。取道揚州。水淺船攔。羈留及旬。私念運河淤塞。關係行旅者尙淺。害及農業者實深。江北民情困苦。蓋由農業不發達之故。而農業之不能發達。實由水利失修之故。今方創議疏濬。預防水患。則當通籌全局。計其水流之聚散。地勢之高下。悉心核議。規畫久遠。豈可寸寸而疏之。節節而濬之。遂自以爲得計哉。

淮揚運河之形勢。上游受自河淮。下游洩自江海。自河流北徙。清口淤淺。宣洩不暢。水患頻仍。尋求其過。則在淮而不在河。淮水上游。由豫皖以達洪澤。轉輸於寶應高郵邵伯諸湖。穿入運河。一遇靈雨。水勢漲發。清口之故道。既隘塞而不能入海。勢必橫決南流。而沿河一帶之州縣。首承其害。誠使濬鑿清口。導淮入海。庶淮揚兩府永無昏墊之災。此宜籌者一也。運河直接承受之水。由寶應高郵邵伯諸湖。竊嘗細審地形。測量高下。見寶應湖高郵湖形勢。高至平地五尺以上。僅恃東岸一線單隄。作爲保障。然而誌椿一動。汎濫堪虞。種種危險。

交通

十七

乙巳

交通

十八

三月

情形。千人皆見。苟非一律挑挖配平。河底則深淺懸絕。雖濬猶之不濬。擬仿開濬蘊草濱成例。廣購西洋開河機器。刨根挖土。務求淺深一律流行。無礙。然後高寶興、泰東、鹽各州縣農田鹽場不至受其淹浸。此宜籌者二也。

揚屬之設有隄工局。其責任專在修隄。而不在濬河。不知水性宜疏不宜塞。宜順不宜逆。運河隄防之橫決。屢見不一見矣。一決於露筋祠。再決於崇灣隄。三決於清水潭。四決於邵伯鎮。五決於狀元墩。六決於馬棚灣。七決於荷花塘。八決於六安開。以上各地係濬揚所管轄均沿運河者 淮人有恆諺曰。東去只宜疏。海口西來切莫放。周橋誠痛之也。今使果如記者所議。既開清口。引河入海。水勢有歸宿之方。又挖平高寶等湖。河底水勢有停蓄之處。去淮揚積世之害。與淮揚萬世之利。雖舉舊有之隄工局。即行裁撤。亦不為過。此宜籌者三也。

雖然。議事非難。任事為難。任事非難。得人為難。以夏忠靖之治河。得葉宗行而功始著。陶文毅之治河。得包世臣而事益善。必任事者措施曲當。犁然於心。而後議事者之尺籌寸畫。有以實行其能力。嗚呼。二十世紀實業競爭之時代也。欲興實業。不得不講種植。欲講種植。不得不謀水利。故因開濬運河一事。為之詳其源流。區其利害。以備任事者之采擇。

商部奏請 旨飭下各督撫勸諭所屬華商推廣內河行輪摺

竊於光緒三十年十一月初一日接據臣部左參議王清穆函稱竊維商業之盛衰視乎商路之通塞商路有二曰軌路曰航路東西各國軌道綺錯而於開通航路國家且歲籌補助用是商業繁衍運輸利便民富而國強中國物力支絀軌道未能四達幹支各路往往借款籌辦利權坐失長江流域其行輪之權亦幾久與外人共之清穆以爲其造端雖微而獲效甚宏足以植商之基礎者莫如內河航路一事凡軌路之尙未通者可藉航路控接之凡軌路所不能達者可由航路轉輸之以清穆所經江鄂諸省而言若漢湘若九南若鎮揚鎮浦若蘇杭蘇滬常鎮各航路四通八達往往爲外人所經營其所設公司多不過數萬金視軌路之動需千百萬者難易迥殊華商之力尙能興辦洵爲今日亟應注意之舉可否仰懇奏請 飭下各督撫查明所屬境內其有航路變通處所於華商所設行輪各公司亟予保護其未曾設立者提倡籌辦如因河道淤塞有礙商運飭各州縣會同本地紳商詳加查勘設法開濬以期變通轉輸便捷內地土貨互相灌注於商政大有裨益一面由部頒定表格札飭各省商務議員查明內河行輪已設未設處所無論官股商股或量加擴充或合力創辦填註報部合各省之力保全航路事尙易爲清穆爲開通華商航路起見理合懇請察核施行等因前來臣等伏查中國幅員廣博物產豐饒祇因腹地轉輸阻滯遂致商貨未能流通

交通

十九

乙巳

交通

二十

三月

商業難臻發達惟沿江沿海各行省川流交錯航路縱橫故商務亦最稱繁盛近年江浙閩粵等省通商口岸先後設立輪船公司常川行駛內河運載客貨尤爲便捷惜乎由洋商創始於前而華商從事於後利權既分遂有難與爭衡之勢是現在內河業經行輪處所亟宜提倡華商添設公司實力推廣以爲抵制補救之策況近年與英日等國續議內港行輪修補章程已許該國商人指明內港設輪行駛事載約章勢難閉拒各省內河凡屬連接通商口岸按照約章外人例准行輪者尤應官商合力佔先興辦藉免利權外溢該參議所陳各節不爲無見擬請旨飭下沿江沿海各督撫查明該省內河華商設立各輪船公司者應飭令該管地方官力爲保護其僅有洋商設輪行駛暨輪船猶未通行體察該地情形外人援約呈請勢難禁阻者尤當勸諭華商厚集資本分別預籌辦理一面飭屬詳細勘測遇有河道淤塞阻礙行輪之處應即設法疏浚以暢航路並由臣部酌定表格札飭各省商務議員將各該省內河已否行輪處所調查確切繪圖貼說迅速呈部其行輪一切事宜應均按照光緒二十四年總理衙門所定內港行輪及近年英日等國所訂商約各章程辦理至船隻載重噸數更宜審慎安定以免疏虞嗣後所有籌辦情形並即隨時報告以憑稽核總期官商聯絡逐漸推廣俾已設者力與爭衡未設者佔先興辦庶於挽回利權維持航業均有

裨益謹 奏奉 旨依議欽此

航路調查表

路線起訖 自某省某府州縣起之某省某府州縣止 水程里數 華里若干英里若干
經過城鎮 有某某城邑某某鎮市是否繁盛有何大宗土貨大宗製造品 公司名號
或某某局或某某公司 股董名籍 股董若干名詳注姓氏籍貫住址或洋股或華洋
合股均須填注 船隻名目 共若干隻係何名目均詳注 資本若干 共若干股每股
銀數或洋數若干已未收足股息按年若干釐 往來日期 或每日往來或間日或間數
日往來 沿途各埠 沿途有客貨上下者若干埠係何地名有無棧局 客票價目 客
分若干等并詳每等價目 貨票價目 貨分若干類各類價目一并詳列大約以何類貨
物爲大宗 拖載價目 約每次拖載民船若干隻價目若干 噸數若干 機器係何廠
選購有馬力若干匹能載若干噸重 艙位若干 官艙房艙客艙篷艙各若干位 船局
開支 地畝房屋器具飯食及各項雜耗月約若干年約若干 每船開支 器具飯食修
理及各項雜耗月約若干年約若干 船局司役 司事若干名丁役若干名薪水約共若
干 每船司役 司事若干名茶房水手伙夫約若干名船主係何人氏約共薪水若干

有無洋員 局中有洋人若干名船中有洋人若干名係何國人氏薪水每月若干訂合同若干年 開辦年月 係某年月日開辦某年月日賣票年節有無停泊日期 營業年月 營業有無期限 章程規則 辦事章程若干條規則若干條另抄黏附 何署稟准 在何署稟准開辦 曾否報部 曾否有地方官咨部或由本商投部註冊

江西通省鐵路會擬辦理簡章

定名四章 一本省官紳爲自保利權維持地方起見創辦通省鐵路由合省京官呈請商部以江西通省鐵路歸本省自行籌款辦理請派李紳有棻總辦奏奉 諭旨著照所請欽此并由在籍官紳亦以江西鐵路舉李紳有棻總辦具呈督撫憲奏咨立案有棻等欽遵 諭旨會同地方官及在籍官紳訂立開辦章程并函商在京同鄉官均意見相同公議在省城設立江西通省鐵路總局即於總局內設立公司以爲會議辦公之地 二江西界內幹路支路皆歸本公司辦理 三凡九江至省城直抵粵東南雄界以驛站計一千三百八十里是爲江西幹路 四由南昌至撫州入閩至廣信入浙至萍鄉入湘是爲江西三支路 辦法六章 一路長費巨籌款維艱今擬先定幹路辦法幹路之中又分爲三段以九江至南昌名曰南潯鐵路爲幹路之第一段由南昌至吉安爲幹路之第二段由吉安至贛南預

備接續廣東鐵路爲幹路之第三段今從第一段辦起再行擴充 二訂聘頭等工程師將幹路全行測定繪圖貼說估定每段成本幾何以憑籌款次第興辦 三以本省之人辦本省之路凡軌道所經過有廬墓處所自應格外通融若萬難繞越由公司議定章程除地價外再酌給遷移之費以示格外體卹惟不得藉口風水阻撓昂勒致礙大計 四本總局設立江西省垣百花洲其各處分局臨時再酌 五本總局於省垣設立銀錢號一所專爲收存股本銀兩及公司一切開支以免受制於人 六於鐵路附近設一學堂聘請教習或以工程師兼充招選聰穎子弟專習鐵路工程測繪管理諸學藉可作育人才以備任使

籌款十四章 一以省庫平紋銀百兩爲一股合計全省幹路約須招集十餘萬股今先築南潯一段約集三萬股左右即可集事先儘本省官紳商民即外省官紳商民亦可入股惟此次奏定由本省籌款者專集華股原所以防利權外溢如有假托之股分概不准收以示限制查出照章嚴罰并將股份屏除 二鹽斤加價每斤以四文計算約得銀二十餘萬兩此銀仍庫平百兩爲一股按各州縣銷引多寡照給股票作爲該州縣公股其息銀紅利每年由該州縣公正紳士承領專爲該州縣設立小學堂及各項善舉之用業已呈請督撫憲具奏俟奉 廷旨遵行 三本省出產大宗如竹木糖茶磁器夏布紙張等類此等商人皆

交通

二十三

乙巳

爲巨賈擬由商董查明按其出產之多少酌招入股 四軌道所經必需購買之地做照蘆漢鐵路章程定價分爲上中下三則及荒山荒地等差議定價值給付現錢決不懸欠惟江西鐵路係歸本省自辦如有關心桑梓以地價入股者每股百金減十作算如地價實銀九十兩卽作百兩給發股票其銀數不及一股者准補實銀兩亦減十作算不願入股者聽凡能敦勸此等股份者亦照給紅股至所購軌道地段有應完錢糧仍查照路章歸公司認完

五招股之人除巨紳由本總局移請外其各州縣紳士由州縣官擇定數人爲各州縣總紳照會襄勸每總紳各送章程十本自擇散紳分給敦勸其散紳如能繳銀十股卽一千兩另以一股作爲酬勞紅股總紳彙集散紳之股能成百股卽一萬兩亦以一股爲酬勞紅股外省招股之總紳散紳亦一律辦理所有紅股不給現銀皆官給股票一例領息分紅 六江西華商有在外洋年久願入鐵路股份者必能實回原籍及有本省正直紳商作保者方准收其股分以杜串通假冒之弊入股以二千股份爲率能多者聽至捐官應考本公司照例保護凡有能招致此等股份者亦照給紅股 七外省官紳有在江西年久願入江西籍者如實係巨富其入股以一千股份爲率能多者聽至捐官應考本公司照章保護凡有招致此等股份者亦照給紅股 八本公司股票註明本人姓名籍貫以昭核實倘股票出售

他人須先將買票人姓名籍貫赴本公司報明查係果無糾葛再行換給股票息摺倘名雖華人而實非華人者查出作廢外更惟原出售人是問或遇遺失亦須本人向公司申明一面刊登各報十日另立保單由本公司補給新票新摺舊有票摺概不爲憑如有以所失原摺票據混爭者應惟原股是問其執據混爭者亦應送官懲治 九凡有入股者分三期給銀每年繳銀一次第一期繳銀四十兩即發給收單一張息摺一箇第二期繳銀三十兩仍發收單一張并註明息摺第三期繳銀三十兩共足成所有之數將兩次收單繳還換給百兩股票一張如有願一期交足股銀百兩者即發給股票息摺自光緒三十一年起至三十三年止按三期繳清逐日可繳但不得逾三期之限 十公司股本息銀以繳銀之日起息均以省庫平發給憑摺支取第一期以週年七釐計算第二期亦週年七釐計算第三期以週年八釐計算每年均以十二月爲交息之期決不遲悞本總局開辦鐵路已先籌有專款照章發給股息以昭大信入股者可免疑慮 十一繳股收銀年終發息必須經手人切實可靠方免流弊又能就近收發更昭簡便今擬除南新兩首縣及外省紳士繳股發息均由本公司經理外其本省各州縣即令地方官擇定實係領帖典當一家經營此事如無典當即擇殷實錢舖如典當錢舖俱無即擇邑中殷實正紳一人經營擇定後申報本總局存案

交通

二十五

乙巳

乃將該州縣收銀收單發存該處股銀交到即行填給并交息摺一本以收單所填之日起息按月由該經手之典當錢舖正紳彙齊所收之股銀解省次年十一月即由本公司將該州縣應發股息銀兩寄交該處憑摺發息至股銀交足換給股票亦由各該處收發以昭劃一 十二幹路告成所獲車費除各項支銷應付股息外如有盈餘即為紅利分作十三份先提一份以為公積再提二份酬勞在事人員其餘十份按股均分俾共獲厚利 十三本公司係依照有限公司章程辦理遇有虧墊不再攤派股友 十四查商部現定鐵路章程華人請辦鐵路如係獨立資本至五十萬兩以上路工實有成效由部專摺請旨給予優獎其招集華股至五十萬兩以上者俟路工告竣按照奏定章程分十二等獎勵等因本公司需款浩繁如有富商巨紳能符此例者自應詳請咨達商部照章奏明獎勵以昭激勸

分職五章 一總辦係奏派大員所有通省鐵路事務用人等擬由總辦主持會商辦理俾一事權而堅商信 二會辦數人全省鐵路事務得以參酌可否以臻妥善其駐局者酌給薪水不駐局者酌給夫馬 三本總局及各處分局事務紛繁需人甚急臨時酌派不能預定人數 四滬上公舉坐辦一人各處請工程師訂立合同訪雇繙譯辦理交涉一切事務皆其責任 五南潯第一段開辦招股已足後公舉議董幾人得稽查與議本公司利弊得

失查商部董事定章至少有限公司股份十股以上者方可舉充但先儘公司股份最公舉如接築次段股份愈多舉充人數隨時酌增

以上係開辦大略因地制宜章程其有未盡事理隨時酌量情形稟請增補合併聲明

各省航路彙誌

江蘇 鎮江關稅務司近酌定小輪往來條規四則開列於左一小輪暨拖船載客額現由理船廳酌定按照各船於憑單專照內詳細註明不得逾額多載違者除從重議罰外仍將憑單專照撤銷一凡有中國及各國小輪進口出口以及在內港行駛務須各將本國之旅在於船尾懸掛不得朦混一由鎮江至江陰往來之小輪所有沿途停輪候驗之處如走南岸應在下游局之象山新開河分卡停輪查驗蓋戳如走北岸應在都天廟新開河分卡查驗蓋戳其江陰口應由江陰黃田港卡查驗蓋戳毋違一小輪碼頭現在酌量設一各小輪停泊之總處以便貨客上下當此總處未設之先凡有小輪往來均准暫行設立浮橋期於客商有裨便利一切所有暫給之准單無論何時查有窒礙均可收回現聞有等輪商私向他商收取碼頭租費此等租費即係碼頭捐殊與章程不符應即論明各商知悉如有前項情事一經查出立將准單撤回 華商張克勝等在鎮江創設華通小輪公司其航線一至通州崇明任家港等處一至揚州清江等處業已稟請常鎮道撥案出示保護

江淮 張季直修撰創設大通輪船公司航行內河現計已開通之航路有二一自南通州至海安一自南通州至呂四

浙江 近有某商在甯波江北岸設一輪局購置小輪一艘往來甬江奉化象山甯海等處

湖南 日商土佐幸太郎近設汽船會社於湖南其航路定點由漢口起至新堤黃塔洲岳州蘆林潭湖陰塔港長沙湘

潭等處行程約三百里又以九百三十五噸之姊妹船行走沅江湘江一帶

廣東 華商辦貨至秘魯向附帆船行駛遲速無定殊形不便近由秘魯各埠華商會議於利馬嘉里約通惠總局電商香港各總莊集資創設利濟公司稟請駐秘陳領事轉稟立案陳領事當與商人約法三章一不准附入洋股一不准招工誘拐一來往開行請官查驗隨即呈具甘結由陳領事詳請出使美日秘古墨梁大臣轉咨粵督照會香港英官立案開辦

各省郵政彙誌

京師 外務部接黑龍江將軍咨開呼蘭卜奎兩郵局因商民鄰國積等遞寄銀錢致有騙失與訟情事請飭總稅務司轉行照章究辦外嗣後遺派郵局執事應將籍貫履歷知照地方官以便稽查等因外務部據此即飭總稅務司查辦旋據覆稱已轉行詳查其派遣郵局司事應知照地方官一節往時有此辦法自應再行通知各界郵政司照辦如遇前項情事即惟該員是問以專責成等語故外務部已通咨各省督撫轉飭各屬一體遵行以重郵務

河南 光州所屬各縣近已設立郵局分遞信件

江蘇 蘇州郵政局以木瀆板浦兩鎮商賈甚多信件繁多特派人前往察勘設立分局

江淮 清江郵局本係口岸界近經總稅司酌定由乙巳年起改為腹地界運用華歷匯票每紙僅以十元為限

安徽 蕪湖郵政局近於含山縣河瀝溪茨港鎮三處添設分局各一所

江西 饒州一帶郵政尚未發達近由九江郵政局派人前往設立分局

各省鐵路彙誌

京師 商部奏准咨行各省編列鐵路表例一凡表中里數總應標明華里洋里以便核計一凡表中薪水統以月計一由上而下無論在何站起卸統曰往車由下而上無論在何站起卸統曰來車一凡在車人役表中未列專名者統入雜役一往來貨物品類數目最有關係宜逐項分晰詳載一行車已久之路其往來客貨數目及所支客貨車價每年修理各費應每年撰一表照原表式以次列入一鐵路事體繁博表中斷難備舉其漏叙者由公司補編一表分項詳載送部備查其應隨表鈔送者原表摺片公司總章全路圖說勘路章程購地章程招股章程股票樣式借款合同購料合同車站條規車上條規載客章程車票式樣運貨章程保險章程以上各款均應造冊咨送 京張鐵路近已由商部咨商直督擬先籌官本開築再招商股云 近日政府以編練新軍運械費重特與京漢鐵路公司議定凡軍人車資糧械運費槩從末減並定章程十條永遠遵行

直隸 遵玉豐三屬紳商集資在豐順所屬河頭鎮地方接設鐵路直達遵化州馬蘭谷運取西北山中巨木經稟明直督暨鐵路大臣准辦在案茲已在遵化州城設日山公司豐順縣城設日路公司以便興辦

山東 商務局允准小清河輪船公司開辦維口嚴台橋小軌鐵路包運官鹽等貨以助船力所不遠近已籌款建築

湖南 自長沙經常德辰州而與川漢鐵路相接之支線近由英工程師測量已畢共需費銀一千萬兩在湘省募集者可得六百萬兩開擬即行開築土工

四川 川漢鐵路總公司已於甲辰十二月初十日開辦先由官場認購百五十股均已陸續交付以爲閩省人民之倡廣東 新會伍君文華向在檀香山充當律師饒有資財近返粵東邀集邑紳議招股興築江門至新會鐵路長約二十里需款不鉅人咸樂就並議將來當與新甯鐵路相接云 潮汕鐵路滋事有二日工被殺日領事當即查辦要求六款

情節甚重嗣經華官逐條駁覆乃議給撫卹銀二萬五千圓賠償銀十五萬元結案
廣西 粵督電請外務部速築廣西鐵路當由該部電覆飭令自行籌辦粵督岑雲帥商諸僚屬定議先由閩省文武襄
慶內酌提若干成一而勸導本省紳商招集股本陸續推廣

各省電政彙誌

直隸 電話總局近於京師至保定一帶沿途安設電桿其津郡各署及各局所學堂商務總會等處均已設立電線以
便互通消息

江淮 江督因南洋交涉日繁向由官電局傳遞電音難免滲漏特議創辦無線電報先由省垣各署局安設試辦為商
酌機要之用後再推行各省直達京師近已派員考察此事務期見諸實行云

安徽 長江提督程軍門以長江毗連五省轄境縣長近值粵匪未靖湘防緊急下游一帶又因日俄戰事未已防範宜
嚴偶有緩急非有電線傳遞消息誠恐策應難周特咨請江督飭在皖屬太平府設立電局添築電線以重防務

福建 政府以俄國波羅的海艦隊將次抵東閩省三都澳海口實當其衝議在該處添設電線以通緊要消息

四川 由四川成都及雅州至西藏拉薩首府一帶近已布設電線並於雅州府設一電報總局

廣東 瓊州海線近因朽壞不靈由電報總局與洋公司商議修復近已興工建築矣

商務印書館出版
類史歷

世界文明史

每部一册
價洋六角

日本高山林次郎原著本館譯○世界文明愈趨愈進然皆有所自來是書分紀東西洋各國政教學術循流溯源凡有可為今日文明之證者無不備載展卷一讀之不管幸全世界民族之精華供吾賞玩即欲去蠻野而進文明亦可以識其途徑

支那教學史略

每部一册
價洋四角

日本狩野良知著本館譯○中國教化學術卓然為世界之先聲是編起自上古迄於國朝一切有關教學之事均能詳其沿革極其著華本本原原有條不紊我中國數千年來之文明讀此可以知其崖略有主張國粹之說者易取是編誦之

泰西民族文明史

每部一册
價洋三角五分

法國賽奴巴著日本武澤野之助原譯沈是中愈子麟重譯○是書用普通歷史體例而特詳於政治禮制宗教風俗實業文藝諸端蓋惟此可以觀文明之真相也全書譯筆精審詞意明晰毫無東文艱澀之習可用為學堂課本

大學堂
審定 亞美利加洲通史

每部二册
價洋七角五分

桃源戴彬編譯○紀載繁博凡地理人種文學武功及物產製造政教俗尚一切沿革靡不遐稽旁采搜錄無遺讀之于美洲大勢洞若觀火

商 務 印 書 館 出 版 類 史 歷

希 臘 史

每部一册
價洋七角五分

日本桑原啓一著中國國民叢書社譯○泰西文化發源希臘欲知歐洲諸國今日之盛不可不知溯流而尋其源是書記載最詳譯筆雅飭蔡民友先生序謂必為歐化家所歡迎非虛言也

羅 馬 史

每部二册
價洋八角五分

日本占部百太郎著鄧縣陳時夏章起涓章師灑鎮海胡敬曉同譯○羅馬為歐洲總古開今之一大關鍵其歷史之關繫重要不問可知是書取材繁富紀事詳明著者自序謂英雄豪傑志士仁人盡君賢相文學哲學美術雄辯之輩雲集羣舉肩望踵接驚天動地變幻出沒幾如山陰道上使人應接不暇洋洋乎誠史乘之大觀也書中附石人小像十餘幅英姿颯爽面目如生尤為本書之特色

蘇 格 蘭 獨 立 史

每部一册
價洋二角

美國那頓著本館譯○蘇格蘭當十三四世紀間陷於英國其受壓制之慘幾不忍言厥後豪傑輩出卒能光復舊物再造新邦是編紀其先後戰績及修明內政恢復獨立之事有志者事竟成願我國人取以為鑑也

宗教

兩江總督魏照會日本領事文

日本僧人前往閩省內地設堂傳教不能認允疊經電明貴領事在案而貴領事仍援中日條約第二十五款以爲應得一體均沾本部堂不得不再爲詳晰言之查光緒二十二年中日通商行船條約第二十五款雖有中國如有給予別國國家或臣民優例豁除利益日本國家及臣民亦一律享受之語細核約意明指兩國交際及臣民應享商務利益而言若各國之以耶穌天主兩教來華傳習皆意在推廣其宗教故明立專條不憚煩勞不惜耗費爲盡其教中義務起見初無利益可圖傳教既無所謂利益日本佛教又爲中國所舊有約內復無此傳教專條何得以日本臣民應與各國一律享受利益一語移作應行傳教之據況查光緒二十九年中日通商行船條約續約第九款卽係將通商行船條約第二十五款重爲聲說內載日本國政府官員臣民於中國允與別國政府官員臣民通商行船轉運工藝以及財產之一切優例豁除利益無論其現已允與或將來允與一體均享完全無缺等語兩約參觀更可見優例豁除利益係專爲通商行船轉運工藝及財產立說與傳教兩不相

涉又查光緒二十二年通商行船條約第四款載有日本臣民准在中國通商口岸所定外國人居住地界之內租地起造禮拜堂醫院墳塋等語是准日本人起建自行禮拜之堂尙於約內載明限定在中國通商口岸外國人居住地界之內日本人如應赴內地傳教斷無不於約內載明之理貴領事若將通商行船條約第二十九款與通商行船條約續約第九款互相參觀當知所謂優例豁除利益約內業已事事指明與傳教全不相涉條約具在斷不能將有明文者置而不論而撰約外之詞且日本僧人收徒以來屢生事端如不即行撤回將來必蹈教與教閼教與民鬪之覆轍以貴國與中國睦誼之敦自應思患預防以善其後相應照會貴領事查照施行至陳穰一案已飭由洋務局委員查辦以期速結矣須至照會者

浙江巡撫聶札藩司歸安教堂購地速行議結完案文

光緒三十年十二月初七日准外務部咨開美教士買地歸安縣出示勒限一案迭經本部電咨貴撫查明核辦在案本年十一月二十六日復據刑部主事朱方貽等呈稱原籍紳士來函教士所築圍牆除由官逼賣擅賣之外更有白佔情形許道在滬集議該教士韓德明投函縣署聲稱即欲動工經縣稟報而省憲迄未照會領事請咨催派員會同府縣將圍佔

各地悉數劃還等因查此案懸擱日久迄未辦結應飭查勘明確照會美領事妥速議結以清積釐而順輿情相應抄錄該主事等原呈咨行貴撫查照核辦並聲復本部可也等因到本部院准此抄就轉行爲此仰司官吏查照准咨事理立即移飭遵照迅速議結完案並將辦理情形先行詳咨毋延

刑部主事朱方貽等公呈附錄

竊美教士韓明德於湖州府城內買地由官出示勒限逼賣並擅賣學校祠宇公地經職等於本年六月初旬具呈都察院當蒙咨由大部轉咨浙撫查辦在案近接原籍紳士來函據稱是案於六月下旬蒙洋務局派員來湖會同府縣履勘並加丈量始知教士所築圍牆之內約有地一百二十餘畝而府學舊有公地實不止十畝零檢查縣卷則教士投稅之地合計只四十八畝零加以前署縣朱令懋清所擅賣之十畝零總計尙不滿六十畝然則圍牆之內除由官逼賣擅賣之外教士更有白佔情形當經郡紳徐巽言等稟明印委各員請卽據以向教士理說嗣由洋務局總辦許道憲等在上海集議並邀同西人李提摩太李佳白等代爲排解乃韓明德不顧公論屢次梗議近日復投函縣署聲稱卽欲動工經縣稟報而省憲迄未行文領事惟希冀就滬議結案延日久衆皆屬目若不聽

官核辦遽自起造羣情必深憤恨萬一激動衆怒釀成巨案思之可爲寒心因復寄信來京囑職再向大部呈請咨催浙撫速予核辦職等查教士傳教本係勸人爲善自應恪守教規乃如該教士韓明德始則妄引一蘇省章程請官出示勒限逼賣繼則挨價認領學校公地拆毀舊有祠宇並佔及其餘官荒各地所爲均出情理之外必須行文領事據理申斥方爲正辦若一味含糊息事殊非政體且該教士不候核辦遽自動工尤爲有意搆怨挑釁該紳士等恐激衆怒不能不顧爲此懇恩咨催浙撫札行洋務局照會駐杭美領事查取該教士所稱蘇省章程先行照復仍飭該教士靜候委員查辦一面派員蒞湖會同府縣調閱投稅契據按照教士呈縣地圖逐戶丈明分別有無原單舊契其無原單舊契者卽非的實產主應將原地吊回入官原價追給教士如果單契完全的係產主並出情願非被官逼卽照契載畝數丈給其餘圈佔各地悉數割還以順民情而弭教案謹上直隸總督袁摘錄律例禁止教民滋事示

案查約載中國習教民人凡中國律令之事仍由地方官照例懲辦等語是教民與平民同爲朝廷赤子地方官凡遇民教涉訟之案卽照律例一律辦理其案內所犯情由本與習教不相干涉至耶穌天主兩教在外洋雖分新舊兩派而意在勸人爲善則一習教之人雖有

不同之處而國家一視同仁但期民教永遠相安並不從而區別如因習教不同兩不相安地方官應不論何教照平民一體辦理是以教民但能奉公守法即同享保護之益倘敢作奸犯科則國法具在豈能曲爲之寬順直兵燹以後凡民教仇殺各案均已賠撫了結早應解釋前嫌共敦睦好乃近來教民中之循謹者固多而不法之徒每因雀角微嫌聚衆持械擾害生事甚或耶穌天主兩教因異教之故倚強凌弱恃衆暴寡互相攻擊各樹黨徒教本同原轉爲仇敵教民與教民相爭較與平民尤爲激烈不特敗壞教規實屬顯干法令一經懲辦後悔莫追用特摘錄律例嚴申禁令以期調和民教共爲善良特示 摘錄律例十條如下 一凡惡棍設法索詐官民或張貼揭帖或捏告各衙門或勒寫借約嚇詐取財或因鬪毆糾衆繫頸謊言欠債逼寫文卷或因詐財不遂竟行毆斃此等情罪重大實在光棍事發者不論曾否得財爲首斬立決爲從俱絞監候 一刁徒無端肇衅平空訛詐欺壓鄉民致被詐之人自盡者擬絞監候 一兇惡棍徒屢次生事行兇無故擾害良人者發極邊足四千里安置 一同謀共毆人致死下手致命傷重者絞 一土豪勢惡無賴棍徒如有倚勢武斷鄉曲或憑空詐賴將人毆打致死者斬 一兇徒好鬪生事見他人鬪毆與己毫無干涉輒敢約夥尋衅遷怒於其父母毒毆致斃者照光棍例分別首從治罪 一因爭鬪擅

將鳥槍竹銃施放殺人者以故殺人論斬 一兇徒因事忿爭執持兇器傷人及誤傷旁人俱發近邊充軍 一結夥騎馬持械聚至十人以上倚強肆掠兇暴衆著者不分首從擬斬 一刁民假地方公事強行出頭逼勒平民約會抗糧聚衆聯謀斂錢構訟及借事罷考罷市或果有冤抑不於上司控告聚衆至四五十人尙無闕堂憲署並未毆官者照光棍例爲首擬斬爲從擬絞

法國禁閉教會學堂新例 一千九百四年七月七日頒行譯法蘭西報

大伯理璽天德勞畢照得^上議院核准新例合卽頒行如下 第一條法國所有各教會不得在境內施行各項教育之事凡曾經奉准專事設學之教會限十年期內一律禁閉一千九百三年一月一日以前所有爲他事奉准各教會而實專以教育爲事者亦一律禁閉凡奉准及求准各教會除設學外兼爲別事者則設學一項應卽棄去餘事仍可邀准 第二條自此例頒行之日始凡專事教育之教會均應遣散會友不准再收新徒惟徒友之專備分遣別國及法之屬地或保護國之徒友仍准在法教養以足敷遣用爲度且不准收納二十一歲以內之人自此例頒行後限一月內各教會應遵一千九百一年七月一日定例造具清冊二分呈送郡守此清冊內應詳列各教會人數惟在此例頒行以前實已入會且年

已及歲者方能列入清冊凡虛造偽冊及抗不造報等事均照一千九百一一年七月一日定例第八條內第二節科罪 第三條第一條所載十年期內一律禁閉之教會學堂如下一第一條第二三節所禁革各教會名下之學堂二第一條第四節所指各教會轄下之各學堂惟收養之貧孩有病不能入官學堂者仍准其施行教育封禁教會學堂均歸內部大臣分別定予期限刊登官報後於學年一周之前十五日通知會長及學堂總理並在該學堂處所里長公署前實貼宣布俾衆周知 第四條每屆六箇月將各邑遵章禁閉之各教會學堂詳細列表列入官報 第五條此例頒行後教會處所之聽審官即牒請公堂詳訊判斷派一專員點驗該教會財產立冊經理妥爲清結非該專員允准不得私自出售轉租凡清理諸教會財產事宜悉照一千八百二十五年五月二十四日定例之第七條辦理除將變賣之價撥充該會養贍費外所有捐贈該會財產之無可發還及無可生利者均一併變賣撥充地方建造或擴充學堂之用或提助學舍租費 第一條末節所載教會之財產其專爲設學之用者即勒令撥歸會中別事之用教會學堂禁閉後如欲控訴清理財產之專員應於六箇月內趕辦過六箇月限期後清理財產之專員即將田屋財物之無人認索者全行經官變售惟頒例以前撥歸會中殘老休養之房屋或該專員指留專備此用之房屋則概不變賣凡有捐助財產撥充地方學堂善堂經費而向歸教會經理者如欲控訴應於二年內呈核逾限一概不理政府應詳定通行章程以切實施行此新例 第六條一千八百八年三月十七日勅諭之第一百零九款以及其餘條例之與此例有相違背者一概作

廢此新例經上議院核議通過作為國律頒示施行

一千九百四年七月七日

即光緒三十年五月二十四日

立於巴黎

大總理璽天德勞畢押 首相兼內部大臣管理教務事宜康畢押 學部大臣兼美術事

務蘇密謫押

各省教務彙誌

直隸 旗人盜賣 東陵禁地於俄國教堂一案近經直藩審訊將榮趙原贓追出俄主教已允收銀退地先飭遵化縣

籌墊將地贖回俟結案補還

奉天 懷德縣大青山法教士顧天性被匪戕害法主教蘇斐理要請增將軍將該縣文武官參革增將軍以此案係由

竊匪所傷該教士自赴該教民家攔勸所致與衆民仇教不同不允其請一面電致政府請與駐京法主教磋商

浙江 外務部因杭州關道前給日僧杭嘉湖等處遊歷執照內有考察佛教字樣與約章不符且浙省方有各府寺院

歸屬日人情事誠恐日僧遊歷所至或生事端故已飭令將該執照注銷 杭州龍興寺為雲棲寺分院浙撫聶帥前

擬創工藝傳習所委其事於高紳爾伊高以創辦經費不敷請以龍興寺改為之仲帥允之飭令寺僧遷讓寺僧大恐遂

求日本僧人伊藤實道出為保護伊藤親至該寺懸挂總布教場匾額杭地士民大憤即飛電外務部請飭浙撫力拒仲

帥得電後即與日領事磋商日領雖允將匾撤去惟工藝傳習所借用之大殿仍須歸該寺主持並將佛像照常安頓仲

帥允之此案遂定

福建 泉州所屬安海地方鄉民陳叢攻毀日本教堂日領事電請閩督魏午帥查辦午帥以日本設立教堂未載約章

因以姑允查辦撤除教堂覆之日領爭執數次卒不見允案遂議結

湖北 安陸府屬京山縣民與法國天主教為難焚燬教堂殺死教民京山縣令聞之即調營勇彈壓一面電稟省憲請

兵保護法領事所索數款為嚴拿首犯撫恤教民賠修教堂各端云 漢川縣仙坪地方有天主堂教士尹伯倫前往設

堂傳教法領事照請當道札飭該縣妥為保護

湖南 甯鄉縣近有瓊威國牧師艾香德前往傳教洋務局得陳大令稟報即飭妥為保護並勘明堂址造表報查

商務印書館 出版類

英國詩人吟邊燕語

每部一册
價洋三角五分

閩中林琴南先生善譯小說膾炙人口母待贅言今又譯英詩人莎士比筆記莎為歐洲詩聖其所著述梨園演唱至今勿衰此為其詩之紀事凡二十則先生一一為製新名其目如下肉券馴悍學誤鑄情仇金神台盡徵警諸獄配鬼詔環證女變林集禮闈仙槍珠還黑誓婚詭情感颯引全書約五萬言光怪陸離實近出說部中別樹一幟者也

福爾摩斯案 中案

每部一册
價洋二角

是書紀英國一女子父官印度既歸忽不見歲歲由郵局寄來明珠一顆後又得一匿名信邀往戲園女約福爾摩斯同往既至有車相迎福與女登車至鄉晤某甲知女父已死且知女父與甲父同在印度及寄珠之故又往見甲兄至則甲兄適死福斷為一木足人及印度蠻人所刺後於江上偵獲兇手而此案原委遂明後此女與華生行僧老之約情節離奇靈魔實偵探小說之傑出者也

環遊月球

每部一册
價洋三角

是書紀美國格致家數人欲游行月球造一極大之礮配用合宜之火藥彈子測準月球軌道三人入居彈中攜帶種種需用之物既放礮後彈子飛出三人就彈面玻璃窗窺視見有無數奇異景象後彈路稍斜不能入月而相距極近環繞一周盡見月中真相彈旋墜落海經人撈獲三人出彈備述所見題曰環遊月球茲由日本譯本重譯而出文筆雅潔無比實科學小說中之別開生面者也

商 務 印 書 館 出 版 類

繡 像 小 說

預 定 第 二 十 五 冊 至 第 四 十 八 冊 全 年 四 元

歐美化民多由小說披髮而起推波助瀾其從事於此者本皆名公鉅卿魁儒碩彥察天下之大勢洞人類之醜理潛推往古預揣將來然後抒一己之見著而為書以醒齊民之耳目或對人羣之積弊而下砭或為國家之危險而立鑑揆其用意無一非裨國利民中國建國最古作者如林然非怪謬荒誕之言即記穢褻邪淫之事求其裨國利民者幾幾乎百不獲一夫今樂忘倦人情皆同說詞唱歌感化尤易本館有鑒於此於是鳩合同志首創此編遠撫泰西之良規近挹海東之餘韻或手著或譯本隨時甄錄月出兩期藉思開化夫下愚遠計貽譏於大雅嗚呼庚子一役近事可稽愛國君子倘或引為同調暢此宗風則請以茲編為之膚矢著者雖為執筆亦

保基焉

各 種 編 譯 目 錄

- | | |
|----------|-------------|
| 文明小史 | 老殘游記 |
| 活地獄 | 癡人說夢記 |
| 醒世緣彈詞 | 月球殖民地小說 |
| 泰西歷史演義 | 以上編纂 |
| 京話演說英軼日記 | 汗漫游 (譯英文本) |
| 維新夢傳奇 | 天方夜談 (譯英文本) |
| 經國美談新戲 | 回頭看 (譯東文本) |
| 益智問答 | 珊瑚美人 (譯東文本) |
| 時調唱歌 | 賣國奴 (譯東文本) |
| 鄰女語 | 以上翻譯 |
| 負曝閒談 | |

例得吸煙。蓋不鞠實。獄中人非盡有罪者。君第歸。翌日當藏事。遂具書如左。

買山里之火車站。實爲余運動所焉。余工禦人術。而數變其方。使人中於不覺。某夕。余隱埃彼許。婦與余偕。諺云。未聞有一法。婦不忠於所同居之男子者。而余婦則英產。余之不以禮娶也。非無故。彼謂余爽約也。噴有辭。乃陷余以幽囚之厄。雖然。余何畏。若曰。一旦出獄。必復之。則不必爲余意所及。茲不具言。言其要者。頃之。火車鱗鱗至矣。旅客雜沓下。或止。或易車往。英客多以大袍護體。示安隱。不知吾輩目光已洞其衷。余側身其間。冀便宜得一當。瞥觀一裘而髻之英人。在食肆與某甲語。脫手套。鑽石爛然。余素嗜鑽。若飢十日。見太牢。心衝突不自持。目耿耿直注。已聞甲曰。賴華君不復南。吾甚不樂。此間盛熱疫。揭旗爲戒。盡偕吾行。賴曰。吾甚樂遊尼司。病甫瘥。亦欲攝吾體。特牽於事。不果。奈何。甲曰。吾不復強君。時鐘錚然。車將發。甲別賴去。賴食畢。出所佩表觀之。余方注鑽石不瞬。忽手套蔽其指。余決欲得。商於婦。並授以策。婦諾。色不豫。蓋知余性剛。不諾。歸必責。若此屢矣。然婦性非力迫不能馴。英婦之特質。類如是。是時婦行道左。就賴。余抵家。部署一切。俄頃婦引賴至。甫入室。出不意。余自背持賴體。手藥絨擁其鼻。賴始撐拒。繼疲偃。終失知覺。屋後有室。低陷若白。室內聲不能聞於衢。爲幽人所。曳賴入。壁有故綴巨環。環有鍊。鍊有帶。皆以鐵。帶有孔不一。資收放。孔貫以

釦。釦有鍵。余以鐵帶圍賴腰。緊其縛。乃捲煙而吸。坐待其蘇。少焉。賴張目視。呼曰。吾曷爲在此。此何地。凡受藥毒者。覺則狀與語多此類。余笑慰之曰。先生。幸辱臨。君之友在此。賴怒氣。至然。厲聲詈婦。余曰。初見何唐突。賴愈益憤。併力切齒。欲斷其縛。余口煙卷。徐勸曰。待君怒稍解。有一事相語。非無利於君者。賴目益驚。毒視余。余恃鍊帶。不復以其怒爲意。賴曰。越人取貨賊。尙奚語。余听然曰。余尙未窮君狀。君何謗余之甚。賴曰。此汝故技耳。余曰。君言甚善。愚將擇一爲之。貨耶。命耶。惟子之便。賴聞而目動。轉恚爲懼。余曰。昔者余亦勤動於業。窮日夜作苦。不獲一飽。乃舍而從事於此。君以爲何如。賴曰。汝樂爲賊。是樂罪也。罪必集汝。余搖手曰。先生勿以惡名加吾。吾將令吾婦往取君之裝。賴曰。物與命。汝誰欲。余曰。必得物。命未定。賴曰。然則吾欲呼。余曰。君姑試之。練肺亦佳。於是賴知呼無益。默無語。知必有所策。蓋其遘險不改度。思力必遠絕人。前被縛者。皆怖畏不能言。未有若賴之鎮定。余服其膽。少選。賴謂余曰。吾知汝意。儻欲致吾死。則斃汝手久矣。何縛爲。汝已傾吾囊所有。列之几。是惟貨之耽。復繫吾何也。余曰。備易舉事耳。賴曰。後有榻。儻許吾坐。吾性好奇。喜遇所未遇事。汝善譚。能以種種奇險事告。幸甚。願勿憚。余頷之。賴坐。又曰。勞汝。取吾盒內捲煙。見與。汝慣吸法之士。白可煙。視吾煙必無味。余取與之。賴曰。火。余與火。賴又曰。勞汝。仰偃於榻。徐徐言曰。吾

友乎。吾信汝心不惡。吾願汝後勿置鎖客背。就榻時殊不適意。若易鎖於前。則無此患。吾此言非欲難汝。望汝留意微纖事。亦於汝有利。噫。困幽室。縛且急。命不知何時。乃從容作瑣屑語。若無事者然。何其奇佞倣詭也耶。賴又曰。吾有事。且亟。顧不得去。汝安於斯。以所歷事。告以廣吾聞。非欲揚於衆。實欲證吾言之不失信也。余雅不喜此等諷語。且吾所歷。又烏可告人。賴見余有難色。卽曰。吾常與吾國亡賴子遊。彼舉以告吾。吾不之洩。吾接人以誠。豈以汝而改吾素。余曰。汝思所以改良吾乎。賴笑曰。非也。自來操是術者。不能業他事。吾閱人久。能識汝輩性質。且業汝業者。亦不可少。蓋有多人依此爲業也。日嘗聞於獄吏。一亡賴子。必備謹者十三人守之。此舉直接或間接言也。然亦指吾國耳。若法則警吏才於英。則傭數當少減。賴之刺刺言如此。使余生厭。彼又曰。子然身耳。卽鑽石值至重。不足七十金。亦不能鬻汝。且獨不畏他日名捕汝乎。余曰。吾非可恫嚇者。且汝所有物。值不止此。吾婦已往。吾將驗汝裝。賴笑曰。然則汝將失望。吾之來。以一二日勾當。卽返倫敦。治裝至簡。吾不欲汝之以少獲取罪也。爲汝計。誠莫若亟釋余。偵案者。捕之責。非吾業。吾決不仇汝。汝所欲得者。吾不汝恡。吾甚奇汝有弄人之才。語次。婦攜裝歸。賴曰。汝其以囊畀余。並十金爲假於汝者。必歸汝。鑽及表留汝許。鑽吾不惜。獨惜表。不忍棄。價不逾五金。願以百金贖。其告吾贖所。吾五歲時。父

病革。口荷荷不能言。以此表授吾。卽逝世。故吾之重表也。百倍於鑽石。余似不聞其語也者。解裝擇鑰。賴曰。汝誕吾言而惟囊之貪。急不得所當鑰。亦勞甚。鑰中最小者可啟。余啟囊檢視。惟紙冊雜物。賴曰。信吾言乎。請與以捲煙一。余諾。復坐。賴曰。汝果能見釋乎。曰。聽汝意。曰。吾意則欲去。余以首微示其不能卽去者。賴曰。不能則以何時。曰。俟一星期耳。賴驟變色。凡幽此室者。從未有七日之久。余故緩其期。入欲去者耳。則大駭愕。要之英人皆膽怯識狹者也。時余箕張兩足。巖然負壁。口菸不語。欲觀其膽識。但見賴下唇微若掣曳震動。已忽厲色。曰。汝以人命爲狎戲。吾誠告汝。吾不畏死。卽汝彈實槍。刃礪礪。欲擊刺吾。吾亦無畏。何也。吾見汝面。卽知汝爲何等。人。汝乃首施無識之妄庸人耳。必不敢死我。汝外很而中餒。實惕惕於斷頭機也。余不覺懼然起。不意賴能窺吾隱。中吾病也。乃如是。卽勉自持。不欲使彼見余色動。賴又曰。汝必欲留吾。吾亦聽之。雖然。恐曩日幽此者。其欲去心。不如吾甚。吾非己之急。乃爲人急也。時余目仰視屋。賴又曰。不數日。女石獄有行刑者。吾知其寃。吾以是來。圖刺得。其可以免死之據。於未刑前旋英以營救之。事得小遼緩。則真兇可偵獲。汝不見吾小冊內。有一新聞紙乎。斯案讞辭皆具載。閱之知吾言非妄。余取以授婦。曰。汝嗜英新聞紙。可讀之。復旋首視賴。未幾又旋而目婦。身帖地。似倦臥者。余以足蹴其體。使起。且謂曰。何疲憊。乃爾。

復聞賴曰。汝不吾憫。汝當憫女石獄犯之無辜受戮。設不速釋吾。無爲營解。悲哉。將絕脰矣。語竟。以兩手自搏。若不勝其惶慘。呼天者再。余駭然。彼方受繫。俎上肉耳。而代他人呼天。豈非奇事。及見賴面慘且憤。慮其發狂奮擲。特鍊帶固。度必不能脫。乃徐謂之曰。吾將告汝受幽之故。汝英人也。凡英人旅行。罕有不攜銀券冊者。今汝亦然。卽由其裝出冊。賴仍若不達余意。余曰。筆墨在。速署券。汝知之耶。賴曰。吾知之。汝往取資。而吾拘此。吾非有急事。則不能不以巧篡許汝。今則吾且詛汝不遑矣。余曰。詛胡傷。非汝一人始詛我。詛我者指且不勝。僕譬水瀉。鼻背旋瀉。旋落。不能濡一羽。賴曰。汝取金自倫敦歸。而後釋我。獨不慮乘間逸乎。余曰。鑰繫余身。汝焉得脫。賴又曰。汝往返三日足矣。汝藏此表往歸。不逾三日。卽釋吾去。吾誓以百金贖。余曰。甚善。竊意彼約三日返。故以表爲酬。余最喜於麥監脫作數日留。既赴倫敦。必遊麥。鑰在余握。婦供其食。何畏賴華之飢逃也。賴曰。吾知汝無厭。亟取冊及墨。汝欲幾何。曰。余竄人也。賴亟問曰。何數。吾將墨於券。曰。無定。賴曰。誠不解汝意。余曰。汝第書付來人收於券也可。賴曰。必書數。余曰。所欲勞汝書者。自有數字。曰。何在。余卽由囊取雜記冊。潤搨揭葉。高語曰。付來人以吾所存之全數。欲汝書者。卽此。賴擲筆怒曰。汝思天下有如此愚人耶。余縮鼻笑曰。日復一日。不慮不得。賴曰。欲得實難。賊復何術。余色轉和。不與語。賴呼曰。汝蠢。

然無腦。吾必不出此。余應之曰。不汝食飲。或三四日。汝之願書。不待促迫矣。賴默然。前入是室者。初或口給。語以此。則不藥而瘳。奇效哉。斯語。余還諸物於囊。爇燭以出。曰。余將別汝。夕食。旋赴茗肆。啜咖啡。余婦守汝。汝意回。即擊壁。婦聞聲。當命力告余。余性仁。見罹枉者。若疾痛之在己。聞汝言。有人將無罪而卽刑。余心兀兀。望汝速允吾欲。歸而援手。則豈惟余之利。抑實利彼。復呼婦曰。買來乎。我儕取火出室。蓋黑暗中轉移。頑想較易耳。又耳語婦曰。余往衣格立得。咖啡茗肆。飲。如彼欲有言。使潘亞呼吾。卽返。特恐其終固執。奈何。詎知不半小時。潘亞來。余吸盡咖啡。趨歸。詰婦曰。事成乎。婦曰。頃聞擊壁聲。詢以何欲。彼曰。速促汝夫來。吾將如所欲。余曰。是家類富者。儻所存夥。吾有以贈汝。卽攜燈入。賴曰。設吾允汝欲。汝果能窮日夜往倫敦。於三日內返此乎。余曰。能。實則余漫應之。賴又問曰。汝取銀後。能立電汝婦釋吾否。余笑不答。意以留鑰頗不妥。余不喜冒險。若一旦釋汝。安保不圖復立逮余乎。賴又曰。不汝強。願毋忘三日期。余曰。諾。余幾欲嗚噓。亟以手覆口。恐窺吾詐狀也。每謂英人思想甚簡單。於賴益信。於是賴署券授余。余受藏之。閱時表。知往巴黎車已發不及。賴滋不悅。然銀券落余手。無如吾何。詰朝啓行。余往英屬。途次頗嬉謔自得。抵倫敦。天雨。之銀行出券示。司人曰。君欲幾何。余驟不能答。蓋不知其實存數。漫曰。結後餘若干。曰。一萬二千金鎊。余聞而

心躍體欲顛。不知笑之關吻。初謂賴富意度耳。不意果有此。余僅攜一空囊。藏金幣。不意有此鉅數。司人以指擊。問曰。汝欲何幣。余曰。悉以金。曰。請至總辦室面取。余舉首見玻璃門。署總辦字。微叩戶。即聞聲曰。進。余旋門鍵入。見一人依寫字檯。余脫帽前。忽屏風後露英捕號衣。余不覺心膽墮地。迴身欲逸。誤蹴偵者足而仆。傷鼻流血。即爲所擒。送翰遞籍下此獄。定以盜罪。幸被控爲英人。吾國素不喜英人。無爲左袒者。彼英人即攘臂大呼。吾國視之亦如。Coh-d-a-doodle-do. (考克哀度特而度) 雞蹴聲類耳。惟余在此獄。誠不知將來歸宿。要之惟告者意。賴有異性。余告以觸探足僵也。彼笑吃吃。告以鼻叩地血涔涔也。彼益軒渠。不解其故。如不來干涉。禁錮特二年餘。而余何能忍此久繫。余之戀婦切。誰知之。婦乎。婦乎。合併當有日。書至此。心若紊絲矣。

第六章 買來述

賴華先生以及格里末之自述示予。予閱之中有言若恫喝予者。並以蔑信責。且誦言予爲其妻。以予曩曾勾其婦予。蓋爾時未窺其實。不能自堅。至責予蔑信。予固不諱。然非無故。茲述其所以不得不賣彼者。予不幸遇斯人。迫而傳其惡。信之爽。猶未足爲予病也。予來法有年矣。於法人之性行知之夙。法俗重婚禮。婦之忠夫也宜。予反是。予非得已也。予之識及格。

在英某學舍。予職女教習。及授法文。及恆甘言以欲娶。予今憶其語。自維非夢夢者。何受餌至若此。輒自悔無地。及謂其季父遺命。畀以金。惟將來不室法婦。金不得有。而予昧不復計。人謂女子多單純思想。予不幸蹈之。嗣及與予共辭館職。即誘予至法。予冀其至法當婚予也。而及意頗不屬。予齒尚弱。不敢暴其惡。惟圖潛去之。而所蓄爲及罄。不能行。度即得歸。儼然金盡。亦無顏對鄉里。不得已鬱鬱與同處。後移家買山里。而及善博。輒集博徒。盡日夜呼喝。以其入爲給。及與予竊約。能授祕號爲去取。博輒大獲。用漸腆。數數行其術。久之。人亦有所窺。自引去。即偶集。皆有耳目。故智不得施。且有效我道更密之以傾我者。於是向之大獲者。轉而大負。不能償。則以典貸。室罄慙矣。大困。人至無以爲生。即嚴法若火烈。亦灰軀不顧。某夕斷炊。已二日。及與予謀以術爲盜。時復移居得地室。予飢甚。出門。見一兒手餽。予驟攫匿衣底。返奔入室。側耳聽。無追捕聲。乃食。甫半。及至曰。餽何來。予狂嚼不遑答。與少許。及食而甘。若生平未嘗此珍食者。當飢腸轆轤時。籌至再。舍盜竊無它法。決意冒不測。蹈刑章不懼。禮義之閑。爲富厚設。豈虛語哉。富者挾多金。敖市閑。食窮海陸。酒肉騰臭。貧者一錢不得著。盜無儲突無煙。枵然不知所計。其不平孰甚。盜雖有罪。擁厚資者絕不念饑人。獨無罪耶。噫。此想惟窮空無俚者常有之。及曰。餒而斃。毋甯獄而生。於法囚有食。無慮餓死。予曰。善。

及夙猶悍。能犯法不顧。予甯樂從惡。特逼處無如何耳。遂偕往狙伺於衢。及先搏一人。予亟攫其表鍊而遁。後思此術太露。利太微。及又得一策。伏於近室之途。斯途入夜。簡人跡。舉事較易。乃與予隱暗陬。似蛛匿檐際。俟蠅虻。俄聞烏鳥微唱。髣髴一長禪峨冠者至。必挾資者。及突由其後力踏之。予尾焉。其人伏地失知覺。及撫其心部。顧予曰。悶耳。速助吾行事。共昇之歸。置榻上。及又候其胸曰。無害。速搜衣裏。有金錢。有時表。並脫其約指。曰。速藏。予應聲密藏之。及以水灑其面。予曰。覺恐不利。及曰。其目口微動。覺在。當告以見其被擊而拯之。語頃。其人張目躍起曰。吾何在。聞語始知其英人也。及曰。無懼。吾輩爲君友。覩君受擊仆地。奈人逸不及追。特掖君就敝廬休焉。幸無恙。彼手檢衣囊。呼曰。吾其被劫矣。及曰。獷哉賊。惜不捕懲之。彼又曰。吾心悸甚。此驚幾殺吾。有潑蘭地酒。乞少許。曰。余寒士。食且不辭。遑云酒。君其僦車返。葦戶不足以留君。彼起謝駕車去。次晨函來。酬五百佛郎鈔券。並斥所劫物。值亦如之。自此食必精。服必麗。私慶術亦良得。惟劫者多英人。蓋性直易受給。又見憾於法。英客遇盜。有司罕肯力爲捕治者。及又置鐵鍊帶。備繫繫。且以示威。用此獲頗豐。而及溺博無休時。輸資甚鉅。不然。及且與富家翁抗手矣。我輩劫一人後。必俟罄所得始踵爲之。間日久。故發覺不易。及又設方略。使人先失知覺力。乃幽之地室。恆擇英人施之。惜英客來買山里者。

未盛。有見則前逆之。相其機。或餽之。煤之。僞動之。詭嘗之。必使入彀而後已。於商賈輻輳大都。而數行草澤質劫事。予等亦時時自危。幸所居左若右列室皆一狀。受劫者出以深夜。藥毒甫解。神志尙迷惘。予等引之稍遠。縱之去。門戶不能別。故發覺難。或得銀券。及已往取多數。或盡其所存金。略畀以途費。彼得釋必亟歸。及鷹其目。豺虎其聲。突恐嚇之。卽健者銀鑰七日。踰隔漆室。其膽寒且裂。何敢不俯首帖耳。聽命恐後哉。

當賴華先生與伊友之至也。予等初猶未注意。以其有侶。非子客。事不易遂。及就食肆飲。予在外。忽及出。謂彼裘而髻者。不續旅。必寓此。予曰。有侶若何。及曰。彼友行矣。復授予以指。予見賴獨立視時表。予黯然而髻容。向之涕下。曰。君非英人耶。予心灼甚。君弗以予爲窶婦。所欲勾君者。非金錢也。至是賴睨予。予自顧不難動其憐。賴命予白所以。予恐有覷者。辭曰。君出相語。賴縮肩語曰。我尾汝至外。予凄然曰。君勿以予爲窶婦。欲煩君成一善事耳。且不一豪費。君予妹旅此無幾日。語至此。予僞以巾拭目。慘聲曰。將長逝。非由瘧疫。實傷於鐵道。報具其事。君見否。賴曰。吾非醫士。予曰。已謁英醫矣。於君則非醫之求。乃欲立遺書。冀同鄉里者一助之。賴曰。殆欲作律師耶。曰。非也。遺書寫定。闕一證人。英例當以二人證。醫其一。妹不喜他國人。予許爲覓。然予羈旅暫。里之英人。尠相識。無已則覓於車站。自知冒瀆。痛妹

彌留以待。惟君憐閔之。賴諾。予前導。又曰。所居至湫隘。妹受創後。已深夜。居之優者。主不納。異國人忍乃如是。君共粉粹。予愉慰。不啻覩骨肉。且語且窺賴。已而曰。至矣。賴隨入。時及已。持藥待。猛出中賴。賴不及備。爲所蒙。眩瞶而僵。昇密室。鍵諸壁。俄賴覺。及與之語。予往取其裝。歸見及面。鐵色。皆磔磔然。知所索不遂。予心惕惕。蓋及每怒。則遷於予。所以遇予至酷。及解裝得券冊。眈視久。蓋其意中物也。後聞賴語聲有異。哀而長。似有句於人者。予睨聽之。賴謂一無罪人。繫女石獄。不日且纒死。已實以此事來。記冊內有一新聞紙。載其讞語。及取授予。予閱未數行。見犯名。心大痛。睫前驟闇。不自知傾於地。蓋犯姓白克。卽予姓。察居及貌。爲予兄也。予旣蘇。則背燈不使。及見余面。以兄命在旦夕。賴圖營救。復受繫。念之五內崩沸。俄及與予至他室。及欲往飲衣格。立得茗肆。並語予以賴允。則呼若。及旣去。予回地室。手燭往見賴。曰。君視予。君諦視予。庶知予誠意。賴曰。汝容花月。汝口飴蜜。汝心矛戟。去矣。復何言。汝賊囹也。夫賊而爲賊。胡顏之腆。且技亦止此耳。予聞愧不能仰。自嘆所依非人。悲來填臆。曰。君誤矣。予實有密言。陳諸左右。賴曰。然則速啟鍵。以證爾誠。鏤堅必竭汝力。予曰。君尙未知鑰不在予手。賴有疑色。予知其意。曰。彼已出詣茗肆。非予呼不即回。渠喜盧雉。賴曰。汝胡爲來。甯剗其故智。而憫余耶。抑懼吾幽繫。欲自絕。而以慰爲監耶。抑有他意。將余毒耶。予曰。

無他。欲爲君策脫身耳。賴莞爾而笑。似不予信。予念兄危。閒不容髮。思因緣圖救。又不能見信於人。可奈何。憤急不知所爲。而賴復漫笑曰。汝胡守此。余著身具。一牙籤。一冠鍼耳。使簽能穴地。鍼能啟鍵。則已。不能。守奚爲。予氣益結。愀然曰。君終虛謾予。將辜予助汝意矣。賴曰。汝焉能有是意。予懣極。退數武。欹偃於榻。手蔽額。目注燭焰。默思。賴不欲亟去。則已。欲圖脫。則予言愈於鑰。但不知當以何術祛其疑。賴睇予良久。曰。汝此臥獨不慮予能扼吭而斃汝。汝夫雖獷。護汝恐不及。予絕不爲動。知賴決不爲此殘忍。亦欲使其知予非恇怯者。頃之。予回身面賴。賴亦據榻。予曰。君固不信予言。然予強欲君信之。賴曰。此特汝夫定策耳。若輩卽壽張多端。不能逃吾鑒。凡若所爲。劇中伎倆耳。他或墮汝術。吾今已洞矚汝。雖百易術。其胡能售。予鬱且悲。淚忽忽承睫。不能自止。長跽而言曰。我之馬利亞乎。其證予言之不欺耶。涕橫流。聲不能舉。其辭。賴默不發。旣而傲然曰。異哉。非伶而盡伶之術。汝真不可及矣。余久月且劇部。見才於伎者。巧至不可思議。以視汝今日。則終出汝下。且亦未見有具動人齒牙。移人態狀。如汝之奇變者。不意絕世女伶。爲舞臺歌樹所不易覩。乃於窟室中嬰索而寓目焉。不因此。烏能覩吾眼福哉。賴之言愈益諧。予愈益愁苦。賴又曰。汝不云汝姊將屬纊乎。汝不嘗巾揜目容若蹙聲若咽乎。胡前僞而後誠也。予嘆曰。姊者僞也。兄者誠。賴曰。汝敏於辭哉。

雖然。汝所謂誠者。卽以酷刑迫得之。予仍未之信也。予聞言噎不得出氣。卽暈不知人。亦不知何時蘇。賴持予而嘘予鼻。續予氣。謂予曰。此暈何耶。予見賴色稍和擊。異前此之傲誕者。予強起立。賴曰。姑憩。其慎旃。汝不宜有此大戚。致妨汝體。倘汝非以戚嘗吾者。其爲吾戚耶。否耶。予曰。非爲君也。君心不可轉。卽倍屣困。予亦無戚。賴曰。此語近實。然則汝戚爲誰。予曰。兄耳。賴曰。將所謂疾革之女兄耶。予曰。非也。君母駭。予之兄卽君所昕夕在念者。賴愕然。予曰。吾曹業困人六載矣。非聞君爲吾兄來者。予之困君。與他人無異。賴曰。汝兄何氏。爲吾識。予曰。君來買山里。以欲拯此人。乃遭困故。予亦欲拯君。予買來白克。君所欲救之惠廉白克。卽予兄也。賴聞色勃然。自作作若銛鋒。射予面。手抵予喉。幾絕。力仆之地。曰。汝奈何。玉貌而魔心。予顛不能起。頃之賴怒似稍殺。問曰。汝復有他術困吾耶。予曰。君誤矣。君殆以予夫潛伺他室也者。賴曰。汝夫曾禽獸之不若。方汝僂急幾死。彼乃斬一臂力。坐聽而不趨救。言次。狀若不欲見予。移時笑曰。余驟恚發。暴侵汝。汝無恙否。余甚悔。予曰。君以同謀疑予。實則予獨謀諸心。夫何與。賴曰。汝何謀。曰。爲君謀自由。使予兄因以脫岸獄也。賴曰。汝以兄故而有所謀乎。曰。然。曰。然則何術能自由吾耶。曰。易耳。惟時之待。曰。汝夫歸奈何。曰。此事必俟彼離買山里而爲之始濟。曰。孰使之離。曰。君能使。曰。若何。予曰。君亟許所請而署於券。事成矣。曰。

汝其賣吾乎。曰。縱君耳。烏云賣。曰。策甚善。吾多汝腦力。予署券後。將若何。予曰。予夫必持券往英。予將授君以銼具。度一二時可斷繫。曰。斷後當若何。予曰。惟君意。曰。汝姑策之。予受羈抑久。渴欲自由。君卽以捕來。予無所逃避。曰。獨不慮汝夫歸乎。曰。君先電銀行主者。彼微特不得金。且當受縛矣。曰。吾默策數時。未知所以解脫。汝俄頃得之。抑何奇敏。予曰。然則君可自決矣。曰。非署券耶。復局局然笑謂予曰。吾嚮魔汝。汝誠足當之。吾實告汝。無論以何等詭術。或毒刑迫余。欲余署券。汝必不可得。予初以賴見信矣。迺復中變。惟拊心太息。賴又曰。余存銀行所。已莖莖四五百金鎊耳。餘皆吾死友之孤所託以爲命者。惡能負。毒哉汝夫。非死吾不止。予益嗒喪。知無望。既而曰。君以爲予兄惠殆誑耶。曰。然。曰。脫予能言其狀。貌性情變惡有當。君信否。賴訝視良久。予又曰。此予最後法。疑信惟君。願須臾垂聽焉。賴諾。予一一舉惠生平甚具。賴冥思有間。遽曰。亟來而夫。吾從而策。予立命潘亞促及歸。與語。賴卽署券。訖。時夜且闌。不及首道。質明及行。予喁喁僞與愛暱。偕之車站。握手別。途次購鐵銼三。歸投銼於榻。解衣振臂。且銼且言。及已乘汽車去。越二時鎖柱絕。賴曰。余甚悔誤會汝意。乃今知汝誠。幸恕吾慢。賴此言入予耳。衍若醇醪之沃心。洋洋甚適。感情激腦。轉怳怳不能遽答。賴復詰。幸恕乎否。予蹴踏囁嚅曰。恕君。思前事俯首刮席。忤不能張目。賴卽予首吻予。且厯相

詰。余誠告之。賴有睜其容。氣婉而慤。使人敬畏。復曰。余將詣倫敦支行。屬電致倫敦。勿如券付。以汝故不逮而夫。曰。彼非予夫也。賴瞠目曰。是何言歟。予爲道始末。賴惻然曰。汝已備歷困難。今後決不使汝有侘傺悲。吾脫險得汝力。吾必期脫汝。予曰。賤質不值君援。曰。吾非漠然無心者。吾非汝末由逃厄。吾烏可不助汝前途。予曰。雖然。幸勿鹵莽。賴曰。余固知卿不得已而爲此者。予復欲有言。賴止之曰。毋庸言。吾語汝。吾將離此。汝當去及。借吾之英。決不勞汝作證。吾將代汝覓業。或自聘汝。必脫汝於難。汝意何如。予大懼。俯而吻其倚膝之手。是時圍練帶盡解落。賴起摩其肢曰。與吾盟。予導之。遂自治嚴。俄賴裝亦具。曰。幸及格未盡取吾金。足以供行旅。可立就道。當先至步克求逆旅。卽手予囊。以其囊授予。曰。吾囊輕。汝兄余也可。抵逆旅。僦二室以居。賴出。赴銀行暨捕所。倏發電至英矣。此時或問予於及格有憫念乎。曰。及遇予無人理。鞭痕著予體。歷歷且強余爲不善。幾終其身陷暴譎。非予好賣及。實及朝夜以毒手迫予出此耳。賴買山里三日。乃返英。賴聘予爲鈔胥人。越數日。賴復赴買。歸告予。以及格已繫獄。期當以二年。又由捕所購鐵帶練。懸座右爲記念云。

第七章 馬太述

自麥監脫命案定讞。余與友賴華疑白克無罪。推可疑之端三。曰。凡逆旅之女傭。死者之夫。

麥監脫動物院所畜之烏倫蕩猴也。於是議以余至麥監脫。賴則赴法。而賴疾未瘳。越數日。始束裝行。余旋得暇。卽以往寓華立格而逆旅語傭者。乃乘火車由好而旁維特克至麥監脫。仲秋天微寒。逆旅簡投止。室惟客擇。余指定二十三號房。司計者睨余。似頗駭詫。力置裝於室。俄女傭出。卽證惠廉白克者。是時余修衣而假髮。狀異曩昔。女傭不之識。余私喜謂力曰。鄰室亦欲賃之。余常事豪翰。耽幽寂。寄語司計者。莫寓他客。令女傭具爐火。盥漱畢。夕殮返室。蔽窗幕。爐焰焯焯。審鄰室僅一扉。由余所僦室出入。疑昔或別有門。今杜之。周察則無迹。鄰室位屋角。窗二。飾玻璃。啟窺外。冥無所見。臥室戶亦類他逆旅。啓閉旋其關。夜以鑰鍵。無他可疑者。口雪茄。傍鑪立。思欲設策究女傭。憶其狀若腦弱易驚。當由此弱點攻其罅。擬電鈴傭入。詢名曰麥其。曰。汝信鬼乎。麥愕不知答。余目注徐謂之曰。我生平腦強有膽。不圖突見二鬼。麥悚然曰。君眼繃乎。余曰。否。吾見二女。一和衣。一若女傭飾者。相鬪。麥面頓灰白。隱自語曰。一女耳。烏有二。余亟詰曰。一女何解。毋讒言。速以誠告。此室有秘密事乎。吾不懼鬼。欲知鬼所自。麥曰。旅主人惡說鬼。故皆諱鬼。言必遭斥逐。余曰。地言之。不令汝主知。麥曰。是爲孟禿客夫人所僦室。爲人斃於臥榻。麥言至此。毛髮漸立。余曰。或且云死於旅婢。麥曰。否否。張目益駭。復曰。渠乃某友所斃。余卽麥言察其狀。知非行兇者。麥於讞所語。似無謬所。

疑已釋一矣。麥問曰。欲易室否。余笑曰。吾豈畏鬼。不患崇。乃即死者牀酣臥徹旦。世妄信鬼者。知室爲死者居。起趨不欲入。即強入亦踉蹌不自主。夜寂或聞聲。疑嘯於梁。益悚慄。鏡幢幢影於閭。若隱有閃屍出沒。伏枕不復能成寐。是可大噱。晨起視窗扇。一失屈戍。似毀折。窗易起。一水管逼牖。自下達屋顛。近一洩氣之小網籠止。察管質。堅不足負人。以載猥猥類。則有餘。緣管即牖。入至捷。嚮疑烏倫蕩猴爲之。視此益信。余嘗寓法國馬古路案。窗有百葉障。而殺人者尙爲猴。況此無百葉耶。即閉窗。冠而出。至聖甘園。高旌巖然列。彩纓焜燿。桷宇壯布。付六辨土資。道修徑達聽事。轉入獸園。時遊人未集。園中涂雜出。徑之右。排比鐵網柵。象禽類至衆。左則列偶像。汽燈錯綴。已抵畜獸所。屋方廣。集獸檻其中。獅虎駝象不一。有巨猴修三英尺有半。鐵絙繫鎖之。絙之長足以運其體。檻綴牌一。揭以烏倫蕩西米山貪勒司。余審視猴。默度材力果能殺人與否。足短。臂修且勁。轉旋靈捷。面城。額隆起。目稜然暴視。狀若至獷猛者。俄園人來語曰。我英人呼烏倫蕩爲馬來。力甚偉。猛獸皆下之。其與敵者。鱷及撥通毒蛇而已。然鱷與烏倫鬪。常鬪牙裂吭。故馬來人號爲森林最強獸。來自瓜哇島。其擒也。值其困而偃。余曰。汝狀之至悉。恍使吾憶幼歲讀動物學書時也。然吾所欲詢者異此。園人曰。若何。曰。末次銀行假日。猴逸何所。園人詫曰。何爲。余曰。告吾以誠。將重酬汝。或稍補已。

肇之禍。曰。昔或有時逸。吾無術閉之。自易緝卽不慮此。余曰。是緝新否。曰。君試視之。昔予時
 入其檻。猴馴甚。若嬰之依母。自繫以鐵絙。予卽不敢手其爪所能至處。稍近卽獮其利距。欲
 創吾手。檻未六閱月。數數逸竄。故不得不絙其足。幸逸出無傷人事。或恐人及與人惡戲。或
 攀登牖。鬻然怒鳴。余曰。恐不止此。至是余益信其殺孟禿客夫人也無疑義。圉人曰。君悉其
 恐何人。毀何物。余曰。非此之謂。其所爲有甚此者。圉人吐所吸之禿白爪煙於地曰。彼雖偉
 未縛前甚馴。卽微如鼠。彼亦不加害。未見有畜獸馴於是者。余曰。汝知末次銀行假日事乎。
 曰。是日遊客雜沓。幸火車未至。已鐵絙固繫之。乃面猴曰。及哥。猴名也是日汝僅得二時自由。
 後汝以絙故而讐我。言已行近檻。猴奔撲洶洶。若欲搏擊然。圉人蹙額曰。不知其何以絙後
 易馴而悍。余曰。汝不言其有二時自由乎。曰。然。曩彼逸而回。多不逾二三時。亦少樂豫狀。余
 曰。吾所欲知者。渠末次之逸耳。卽銀行假後一日。爲星期二也。曰。否。逸以假日。非後一日也。
 七時至九時間。余曰。汝言無僞耶。圉人不悅曰。僕生平不知何爲僞。惟盡職而已。乃呼其侶
 曰。跑白。及哥末次出時爲何日。曰。銀行假日之晨。忘之耶。胡問此。圉人謂余曰。君信僕言無
 僞乎。余卽以半圓。二先六辨士酬之。當是時余望盡失。不虞烏倫蕩之疑。亦與麥其等。旋詣捕所
 訪偵邏者。仍無專緒。翌晨增汽車返。途次閱新聞紙。見某題大歎愕。不忍久屬目。棄而默坐。

一時許車止。突聞擊窗聲。則予中表妹度路太立月臺。輾然向笑。亟下車。手助其上。度曰。汝曷爲在此。乃佯若不見。余前汝非謂有公家事。不克攜予聆曲耶。蓋余恐驚度。故不以實告。後三月余娶度也。時車抵倫敦站。相率下。度繳車券。前行不數武。見司蜜書肆壁。揭各重要新聞。余讀其一。益憤惋喟息不已。已而送度馳輪去。余即電達吾友。電文曰。買山里步克求逆旅賴華鑒。白克以麥監脫案。今晨纒首矣。馬太上。

第八章 買來復述

前自述內。予偶遺未及者。爲賴華於步克求逆旅得倫敦來電事。賴閱電色變。碎其文。吁曰。天乎。時予尙未與賴習。不敢造次請。特不忍觀其憤鬱。不一慰之。曰。君胡慙慙。賴行數武。近予。手撫予髮。愴然曰。噫。吾有甚戚事。予曰。將不能分君憂耶。曰。事非人力所能挽者。我諱汝。汝悲將不任。我不忍見汝悲。姑不以告。予聞毛骨爲悚。汗浸淫下。知此事必重係予。亟問曰。將爲予兄乎。曰。然。死矣。予五中摧剝。俯仰於邑。賴持慰臻至。且謂力研此案。卒未得予兄無罪實證。予追惟幼稚時。與兄朝夕共。其性行知之素。必非能爲殘忍者。別久。或兄染於非人。頓易其素稟。因而自陷於刑。白沙在泥。與之俱黑。少年一旦失足。墜惡以亡其身者。比比皆是。予兄或不幸類此。而自取刑戮耶。雖然。此亦予強自排解耳。賴攜余去買山里。至巴黎。賴

假予金。令予購時服。後赴倫敦。賴儼二室居予。又爲謀業。予嘗爲小學師。以所長專課縮寫法。雖間數年。可溫復。賴復使予與諸律師文士接業。日起得頗優。自維前幾終陷險惡。茲獲事實業。幸得漸祓。每追念。輒面熟背若芒刺。惟賴甚煦。予恆屬予勿以往事置懷抱也。一日賴謂予曰。汝饒用耶。曰。胡云此。曰。汝忘購衣時所假金乎。曰。烏能忘。有餘金。欲歸久矣。曰。感汝意。予曰。君勿作世故言。惟予感君報不知何日。賴曰。汝非愚者。吾所以待汝者。豈望汝報。予聞心忤然益歡感。又不覺及其往日之德予者。賴急止之曰。非他。吾業日廣。而才汝者衆。勢不能獨吾之用。故思與汝約。予從之。後每晨十時詣賴。歷六時歸。時馬太已婚。儼開新托路之某屋居矣。而賴獨處。予早往夕返者三月。深自慶無間。祝此役能久。覺賴於予益摯。雖未數數循予髮。無形之愛。愈令不自持。縱欲強自割割。不可得。又以賴之矜然高潔。益自媿泥滓。不堪爲偶。情至不可釋解。時知發於中者。實不可以幾微假借。嘗讀小說。狀兒女私愛。至性命以之。恆怪其癡妄。今乃知彼實惓惓。無如何耳。予不能無眷於賴。思於昔之非行。終不敢有私冀。彼瑩其璧。慮其青蠅予也。雖然。予之於賴。終不以赧故澹其戀。予受賴眷也日厚。即欲自掩其情。而以愛逆愛。輒流露不覺。有時賴之好予。溶然溢眉宇。予故窒予心。伴若不解。賴不予怪而加厚焉。欲使予重戀彼也。卒以予落落爲隱憂。予不報賴愛而重其

鬱。予甚歎。然終以予非其匹。不欲以強附。點其譽也。賴彌近。予若彌遠。自悼恨也。而跡若自外者。余衷苦矣。某晨。予入室。賴背鑪立。彼嘗云。朝時用腦力最適。故多事事。惟是晨閒。於異平時。見予即坐寫字檯。理毫伸紙。謂予曰。吾儕可少憩坐。吾語子。予不能卻。瞿然就椅。度此時。賴必以此爲言。前祇露眉睫間。情絲結入人臆。况宣諸口。予能無慙悚。賴曰。吾有私於子。近二三期。汝情若不屬。吾其見賺於汝也。否耶。汝語吾以實。予惶急。不知所對。賴又曰。與汝周旋。縱未當汝意。似未嘗有疏略。以取咎於汝也。汝尙未會余心耶。愚陋固不值一盼。竊謂充世界無量數男子。即欲覓一人於汝。如吾愛之至者。恐亦不易。予思賴之於予。愛實無與並。其誠意明白。然予終以前此之失足。自介介於胸。爲阻力甚大。不然。予早俯聽其足前而吮之矣。賴又曰。自覲面逾數月。汝當熟吾性行。汝以吾爲何等。或汝所愛。抑實有勝余者。固未可知也。余仍默無以答。賴又曰。汝固無他愛。則言以釋吾疑。即有所愛。亦語余。余不汝強。余捫舌。絕不及此事。惟祝汝愛者。亦似余之愛汝。足矣。予不言。搖其首。賴曰。亟言無隱。吾自知不應以是瀆若。願以愛若切。迫而出此。惟諒其區區。汝固無他繫。則吾望未絕。或吾誠至。得以感汝情於萬一。固吾所切禱者。敢布腹心。其明以示我。予忸怩而言曰。否否。賴喜曰。然則吾尙有冀。語次頓動不止。以坐面鑪。目注予。微笑曰。將浪用吾情。終虛吾願耶。抑吾

實無以見重於汝。而不能使汝以願歸自白乎。予曰。不能。蓋此非予由衷言。特反其意以漫應之耳。賴色改。蹙然不語。予心碎。不能復持。乃伏而告曰。頃實漫言耳。予眷君。予甚眷君。賴曰。奈何。故使吾怏怏。汝既眷余。吾必靜俟後命。惟冀汝勿吾難以慰吾抱。吾惟用吾誠。期堅汝愛。予曰。感君拳拳。奈予愛實有使之不得堅者。賴駭曰。何謂。予曰。思往事。使予心悔。賴曰。汝其勿以余爲無信者。余嘗許汝以不復及曩日事。此事已若煙霧消矣。予復搖首。賴曰。其忘吾嘗吻子耶。予默然。賴曰。當汝之繼余也。余吻以誌吾感。實則愛種自此下。而藥而茁。以迄於今。察子之情。亦非憎吾者。予曰。然。曰。不憎則愛。汝復奚飾。予酸楚徹脾。欲言而喉若鯁。淚盈於匡。若見其不能道之隱。賴悽然歎。復強豫其容。謂予曰。時頗爽。盍偕遊。汝色慘淡。若有鬱疾。吾甚悔窮詰汝。致汝心不適。雖然。汝自苦耳。亟紓汝抱。相羊卉石間。不以前語爲蒂芥。吾自此不再汝瀆。抑余心惟汝鑒。期汝心或轉。則予甘冒罪而不辭。斯爲吾最後語也。卽爲予加外服。持冠授予。將車行。裴回園墅。歸而予意終不釋。逾數星期。容益癯。蓋予懷軫結。百感環起。不啻冰火之戰於中。色烏能澤。而賴有老友毛登者。職醫。數來訪。常以暮或午。與余恆接見。某晨。予往寫字所。瞥睹毛爲予啟扉。倉皇曰。亟入。予尾之。毛謂予曰。知否。賴華得危疾。予大駭。身颯蕩不能定。毛以椅承予。予亟問曰。何疾。遣之速。曰。痘也。予曰。痘何自。曰。

吾不知其何由染此。是疾傳至易。非一端。若亦宜遠避。俟其愈。予曰。誠然耶。蓋予時已口諸心。必不避。毛曰。彼不必移醫所。其獨居可。吾已令伺疾者來。恐不敷。將備二。予曰。予願任此。曰。必能無懼悔而後可。曰能。予往家小料簡。卽當攜衣篋至。毛曰。諾。雖然。未見其可。曰。何也。曰。賴華慮未許爾。曰。君殆過慮。曰。非也。吾知其必不使若犯險。彼之戀若。吾非盲。見之熟矣。獨怪爾曹交相愛。胡不婚。言次。措指於口。曰。恕吾多喙。此事非我當與。惟知其必不許子伺疾而已。子能強使許否。曰。能。比予如約而至。毛已去。伺疾者爲媪。亦修潔。逆謂予曰。醫者語吾以子輔。當必能協意。子其往見病者。余弛外服於櫺。入室闇隱。賴偃於牀。悞以爲媪也。繼予近之。乃惶然呼曰。買來乎。彼何縱汝至此。予曰。臥。勿勞體。手密其衾。曰。予伺疾者之一。乃予自願爲之。商於醫。非其意。且彼烏能令予離君左右耶。曰。買來乎。幸勿。予亟止之曰。勿使予悲痛。此事君不能阻。曩君嘗語予。謂無論何欲。君不拂。今徒欲侍左右。忍背前言。賴曰。無他。恐不利於汝。予曰。無患。憶種痘迄今無幾時。醫亦謂無傳染慮。幸許之。於是予持賴手固甚。賴曰。吾憂忡忡。慮數星期內不能見汝。今汝左右吾。竊不勝大幸。其後予護視惟謹。而賴疾日劇。醫每診。輒扼腕。若無爲計。予愴欲絕。俄賴體益不支。又卞躁易恚。不欲見光。牖微隙必窒之。室如漆。僅醫來。或予誦報章使聽。火片晷而已。漸昏憊。若失知覺。毛數來視。則深贖

蹙額。予私詰之曰。病將不起乎。曰。以實告。恐若軀弱。不復能支耐。曰。予決意始終之。曰。是疾視其能知覺後何如而決。必不移時而覺。覺則勿觸之。有索必立應。博其歡。甯其臥。毋擾。語畢。逕去。予復入。強收涕。目病者。忽聞其微呼聲。怯若脆縷之欲絕。曰。買來耶。余目不能諦視焉。予踞一足於榻。手撫其額。理其髮。答曰。然。予愛君。故來侍。有頃。賴曰。買來。汝言愛誠耶。時余神憫。亦不自知。斯言稱心與否。覺應聲出。絕無作意。夫沈疴在旦夕。卽甚美其辭。亦不能起其疾。惟念彼夙欲耳。予愛君之一言。支離一息。猶耿耿不忘。余尙忍不傾寫耶。卽曰。然。予愛君。予誠愛君。彼驟以弱顛之手卽予。予又曰。予之誠。亦惟君能知之。彼曰。善。吾心慰矣。惟昔何斬而不吐。曰。昔嘗言耳。實自返愧無地。不敢自薦。顧心悽感。莫可狀。淚痕常腐枕也。賴曰。吾疾倘一旦愈。汝歸吾允乎。予無他辭。惟曰。諾。賴氣溢大宅。意若甚忻適。逾時醫復來。視已出。謂予曰。徐俟之。有轉機矣。先若有拂心事膠於中。非藥石能解。今若洪流之決。淤無復阻結。暮再診。忻然曰。無害。可痊。不意病去若是速也。予自詫一語之效。乃如此。後疾日減。益飲食。予慙懇調護之。居有頃。見毛出。黯黯無懼容。若有所悵。予前致辭曰。竊不揣。有干清聽。予每於君診畢時。以色欣戚。卜疾增減。私窺之際。心恆惴惴焉。前聞君言疾可已。有喜色。予竊慶幸。乃今觀君焦然。一似重有憂者何也。毛曰。然。吾誠有憂。予曰。請以告。曰。我一

人不能決。當以專門家來。翌晨。毛借一乘軒車者至。曰。伺疾者皆出。戶即闔。語隱不能晰。彷彿聞懸鈎及啓牖聲。後寂然。余俟門外。心志萬慮空涌。足躓。面灰敗。媼驚持予脊。爲寬慰。已聞小語。又若有呻楚聲。予不禁突前欲擗戶。媼急阻。予潛然曰。此聲胡爲乎來。其刃割乎。媼曰。非也。言至此。門闕。二人出。毛旋身謂媼曰。若入室數分時。吾將語彼。乃回顧予曰。前至寫字所。窺毛甚惶惶。予度彼將以賴瀕死告。又度賴性磊落。必不以將亡作悲楚。驚疑間。毛曰。賴華囑余語汝。予曰。其將亡乎。曰。更甚。曰。何事甚於死。曰。世固有不懼死而以他事爲悚惕者。言次。濯然瞰予面。曰。余知汝必不忍去賴君。此後非得汝備。彼集事也。無日。予曰。幸明示其故。曰。吾慮汝驟見而駭。故微示汝。汝亟往。賴君不汝隱。言已。冠而出。予度或以痘癩之著也爲惡。彼倜儻士。非拘局者。甯以此介抱。而毛言閃爍。不可測。決自詢之。既入。媼出曰。適來趣汝矣。予見室洞明。櫺戶皆闔。賴倚牀坐。面蒼白無痘痕。予趨卽之。賴曰。若買來乎。目注戶。予之立適當光線。賴若未見。予尙不之疑。曰。君目注予。何猶此問。賴歛歔曰。吾永無見若日矣。吾目已盲。予聞言。腦若衝擊。陡眩瞽。不自勝。力持頰腕。涕長漣。嗚咽不復能成語。踰時。賴曰。遺疾無慘於盲者。縱身在。禹人耳。余所處卽不能一日無作。作則惟目之亟。吾若是。嗔也。治生將於。是乎絕。汝能閱不予棄乎。吾之身將寄汝之身。予曰。君目雖盲。舌固存也。舌存

則盲也何害。曩者君嘗述諸口。予筆之。且捷甚。予依君以終其身。則固予之志。孰得而奪之。曰。若不自爲計乎。曰。惟所以利君者是謀。又惡暇自計。曰。其熟思毋貽悔。吾不欲若誤所適。復哽其聲曰。前雖與若有婚媾約。今吾不復強若踐之矣。時予倚其右。而俯儷其震驚之唇。曰。予誠告君。予志之堅。予能自信之。君謂不復強予踐前約。君何由知予欲背之耶。既且且作白首誓。而忽欲寒盟。是不啻迫予訟君以背約罪也。賴曰。汝不度吾前途乎。曰。予度之灼甚。所以斷斷不已者。爲君計耳。君得予。則疾不爲君苦。君其強飲食。善自攝。疾間而婚予。實予幸福。君閱予衷。其速娶。賴曰。醫謂復明恐無望。尙有一線之機者。他日腦或受非常感觸。容復其光。然亦不足恃也。日曛。毛來。詢興居。並候熱度。許吸煙。賴酷嗜此。益喜適。閱三星期。賴已健於行。某日過午。偕予投汽車。自甲令又路赴倍克司山。擬作匝月遊。途遇毛及媪。蓋曾於午前偕我等詣註婚冊處。觀行婚禮者。俄抵倍克司山。稅居鄉僻。至卽流連不忍去。予備車購物於海四丁市。賴書冊各具。亦由泰姆不耳載來。既與主室者議。爲久居計。賴仍執舊業。述意而予墨之。未幾予有身。賴戲曰。脫男也。我與若維勤乃濟。予笑曰。然。書暇當治襪襪耳。嗣此且無餘事。吾私。予自述將斷手矣。

第九章 誌買來遭狀

倍克司山地迤邐瀕海灣。氣候慘而愷。冬不苦寒。簡遊跡。居民熙熙安其業。所以挈婦居此者。以地僻寂。而土風醇樸也。就數椽爲別墅。東望英海峽。西接倍鎮。後有圃。一修徑可達海。賴時時出遊。於所經行頗稔。大抵計舉武以爲準。而輔以杖焉。海濱居者相錯。見賴攬而索塗。輒前掖之。資其安隱。或以起居致敬。賴感厚接。樂與語不厭。若舊相識。遊無間日。出必遇素習者數人與偕。行且譚。權甚。途遇賴者。多樂導相讓。賴莊而和。語溫雅。惟恐或傷人。而媿媿不倦。時有小詼諧。有理致。婦孺舉愛敬之。海濱饒漁。罟而權者駢坌。賴尤樂與漁父遊。擊艇。容與中流。微波呀呷。水鳥啁晰。掠舟去。賴每踞船首。銜土白哥菸捲。縱談笑。聽聲眾雜下。擊水澎湃。得魚則軒渠相語。賴亦操漁具。與眾延緣。卽有獲。大喜誇示。漁故欲得其歡呼爲噍。輒爲置餌。使所獲倍尋常。且言衆得魚皆不若先生巨。先生信善漁。賴益喜。以漁爲大樂。凡娛遣事。舉無與比。賴每以數時治書。買職鈔寫。相得甚。人多欲得賴箸。重金購。惟恐不及。賴愈益劬。而買襄助力居其半。一日薄暮。賴華手魚歸。將佐饌焉。平日戶環聲發。買卽啓扉。逐往往笑相謂曰。勞乎君。今日必大獲。樂何如。是日則闐如也。俄憶爲傭者之月假日。傭出買或代治庖。乃轉關入。立少頃。逕趨庖所。覺戶牖皆洞開。呼買無答者。亟置魚。啓後扉。復呼。仍不應。賴大詫。闔戶。杖至地爐畔。火剝剝有聲。如新燕者然。疑買未遠出。或購物海四丁。

繼思埃已歸未晚。胡亟行。或彼自度當先漁而歸。不意乃濡滯也。所居室樓之下中判。爲治事及餐所。治事室地不氈。案一。椅二。皮書冊排比。無他具。空曠於換氣宜。賴由前至餐所。高呼曰。買來乎。盍休。共相語。疑必在樓。聲復杳。亦不聞。蹙然下枕者。乃取菸斗欲吸。以自遣。徐俟買回。而菸適罄。憶治事室爐架有之。卽啟室門入。不數武。足抵物輒。似有偃臥者。俯而循以手。修裾而廣髻。婦也。胡委此。復撫外服至再。與買是農所著同。觸胸口針。亦買物。惶急。手突戰。冷若冰雪。試臥者胸部。瀟溼。賴心魂飛越。足震蕩。幾仆。陡踏流質。駭叫欲狂。斯時腦筋受異常激動力。目光頓復。見踣地而洞胸流血者。非他人。買來也。室隅一人。螿背而灰面。猱蹲而鼠伏。持銛刃欲躍出。賴吼怒撲格之。食頃不勝。暈而僵。不復知人事。踰二星期。海四丁倍克司山報載驗屍事。佐讞者案語曰。不知名婦。爲人刺刃死。警察偵。迄未獲。而兇徒故黠者。自仆賴跳身出。獨居逆旅。從容若無事。閱報章。幸無瑕可踪跡。彼偵者鵬麟桀桀。自謂洞無遺物。亦妄自標許耳。益自舒適。出入無忌。不圖有二人初不相謀。且日夜隱伺之。若遠若近。不瞬息遺餘力。必達的而後已。而彼方洋洋然喜。槩槩然遊。且營營然權輿其持久業矣。蓋海四丁盛市集。販購者。接跡以趨。而業酷者。利尤倍。有酒肆。欲易主。彼龐然出任之。將致歐大陸諸名釀。駢羅列布。以奔驚諸酒人。獲奇贏可折券待。聲於衆曰。維禿白里酒商。欲籠

單諸業酷者。使皆卑下。直凌出其上。氣溢志得。無復他顧慮。而詎知惡無可道。若漁大澤然。汗涸千頃。網周濱而設。鱗鱗騰踊。若舉無足觸礙。網漸促漸密。地漸狹。罔所匿遁。向之泳躍以嬉者。至此亦皇遽無以自脫矣。

第十章 誌撥賸偵察事

撥賸之未入警察也。業攝影。後事此者夥。而象亦數見不鮮。撥乃不屑爲。棄去。及職警察。居服資於公。奉入較腆。而攝影之用。尤足爲警察助者。撥深諳之。名尤祿。由號衣隊。擢尋常衣隊。撥言也後南河命案。更得攝影力爲多。於是主捕矣。撥有大志。心敏力果。既屢以攝影效。尤推研其理奧。爲偵察資。雖費鉅不吝。蓋倍克司山案。亦收效於此也。當海四丁之警察議此案時。撥任其事。心惴惴。爲非等恆案比。行將以己名列報。上主判前。必竭殫思慮。期必得。而倍克司山之警察。惟二人。遞日夕。司日者。電致撥。撥囊鏡去。既至。蘇谷脫出。迺有驚色。而死者舍實接倍鎮。瀕海地幽僻。鈔行人。易行賊殺事。時夜。警吏李已左右於舍。見撥。致敬。撥曰。勞乎。甚善。密稽出入。答以頃。僅醫一人來。撥乃啟扉入。聞履聲。知爲醫。俄醫出。謂撥曰。極駭事。一婦受刃斃。一男暈仆。未能使之蘇。言次。卽踞一足。膝承之。投藥於其口。而齒苦鍵。撥曰。宜先移他所。使不見婦屍。曰。無害。彼固盲者。彼賴華先生也。撥曰。是箸述家。面灰敗。余

竟不能識之。曰。敢請助昇至鄰室。有榻可臥。撥與共安頓畢。醫獨守治。撥往驗死者。時日將曠。光不易盡。照室內像。決意寄宿。李蘇則大喜。其惟怯不能獨荷任如此。撥使力持函。投汽車。往海四丁交其婦。並取電燈來。供攝影。以翌日驗讞。諸官吏將雜查是室。則形跡全非矣。撥之宿此。蓋圖靜研端倪。不欲雜他人驚神慮。而賴不得亟蘇。醫惶急。擬用激腦藥。復藏他所。又不忍遽去。益不知所計。蓋賴其老友也。撥因謂醫曰。君與賴善。欲治之。莫如君家便。醫然之。車載賴去。蓋撥意不在賴。以目盲。於是案無密切之繫也。移時衆散。撥細閱室內物。藉地板。無迹印。壁隅有血如手。度致死時。婦必傾仆。兇怖惡。身稍欹。致手擱壁。察位置其身必短。或屈鞠爲之。至是不得不有假於攝影法矣。蓋前法郎雪司加耳登之指印科學。爲歐陸獄事所經用者。撥亦精究。相庖所外。有卑室焉。闇不見物。備滌照片。片非一二能盡。且更有目不能見之迹。亦藉片得之。驗屢矣。於是飭光具。閱四小時強。得片十有二。棄之使不洩。明日味爽。出履圍其宅。無可疑迹。俄替者至。撥歸。復入闇室。片半復。幸以色。故像同而色則無一類。地血中迹最澈。以此知報案之女。足未踐闕。望即驚奔耳。撥與醫舉武。皆避血。惟賴仆處及兇鞞迹。血間炳然。撥以火酒滄片。片堅。置燈轉其影。則靴印爲法式。踵已裂。著此者。足必右跛。昔有許老開花姆耳者。著偵探說數種。人多嗜讀。往往隱右。犯者益密其疑迹。許逝。

或豔其術巧思遠。而事之者。卒難見功。蓋課虛不如察實也。像既轉。指印凸出。姆尤晰甚。撥喜。謂由此可推得端緒。并有可知者四。一觀靴印似優者。必非傭。二室不失物。約指表練皆在。非盜甚明。三刃割其胸。當必有夙恨。四賴列上社會。復仇者。應亦其類。竊疑倍克司山海四丁諸所。此人當屢屢其間。未卽他適。乃以一辨士。購遊客單一。閱姓氏。他國者。都三十三人。數至蹟。乃三類。其偵法。自賃舍者。旅居寄膳宿者。居逆旅者。先察賃舍者。至一所得士人愛敬。足行微不良。次復及寄膳宿。及居逆旅者。未幾。卽又得一小跛其足者。曰維禿白里。爲法人。時凌晨。諸客之淨鞞。尙未置臥室前。西國逆旅諸客。每夜必將各以粉識。如其室號。白之室爲四十四。撥就僕檢得鞞。出素紙疊之間。以炭質紙。以兩鞞底摹其上。探白里居此。已逾星期。亦無欲去意。卽傭人隱守之。撥持重。能俟機而動。事卽有裨。不惜資。後或倍蓰取償。南河一案。曾得重酬矣。撥歸。以鞞印與影片較。適相符。然僅此爲據。尙不足執狡者之口。比驗屍。撥無他言。惟以常人所見者之證據告。而隱欲求諸指印。以復其據也。特指非鞞比。得之更難。則密令人衣油衣。傅以膠。行白里前。故顯其趾。若甚沈醉者然。近欲觸白。白手拒之。指抵膠。惜格手套非真印。已而注意其外出時。亦未有赤手者。撥自賴華蘇後。雖與一接晤。而賴寡言語。色鬱憤不能平。似力欲圖復。撥則斷不欲其自爲。慮其得遂。而已勞虛擲。

也。乃賴自驗屍後。驟去倍鎮。託室於漁叟。叟與鄰舍。距海近。漁復圍。撥從詢賴踪。以不知答。蓋叟所知者。爲謹戶牖。防園蕪而已。撥連日未得要領。懣甚。繼念死者婦也。白里何仇而殺。又婦何時而適賴。皆不可不知者。乃寓書於倫敦某友。囑往註婚冊所。探賴婚事端末。旋得復。知其姓氏居處。撥驟見白克字。覺耳熟。閱臯人冊。有白克惠廉。於二年前。以謀命見法。姓雖同不知與有係涉否。惟死者皆爲婦。皆斃於近海所。甚可駭。撥且思且行。於海四丁之衢。聞呼聲。則髮工之素稔者。彼方漆書其楣曰。維禿白里酒商。愕然。若物觸其惱。不欲遽去。識主酤者爲抱克生。酒皆由武特來者。彼至警所納照時。嘗與語。乃入飲。陽與抱道契闊。曰。髮工在將新之耶。抱曰。吾久於海四丁。業且潦倒矣。曰。將仍業酤乎。曰。然。白里之爲人也。十倍吾敏。必能力振之。明日將易主。曰。受者爲居吸姆。乃逆旅之法人白君乎。曰。然。曰。甚善。祝成其志。然君亦勿以暫弛爲憂。即辭抱出。撥竊喜。漸得措手處矣。惟海四丁人夙稔習。一舉動。皆爲所注。幸白里尙未識。當身詞之。凡偵者。欲密其迹。必易裝離奇怪詭。使習見者不復能辨。撥獨不然。白里主肆日。貰者鬻集。撥亦入焉。舉一樽馮而飲。目且注日報。俄一攝影者來。彼前一日。曾攝此肆。及其鄰。謂白曰。君欲購乎。像尙在乾片。君視當意否。當斯須可就。片面潤而軟。白握觀時。不知已留指痕於上矣。撥亦還。移時出新片。與前所攝壁上指痕比。無毫

雜俎

光緒三十一年二月中國事紀

△此記者知此事之日。終是日也。△此記者以見報之在是日也。

二月初一日。▲以李希杰為順天府尹。豐紳泰調補浙江按察使。沈瑜慶補授山西按察使。△奉 旨。嗣後除封奏外。一切摺件。均改滿漢合璧。▲政務處遵照奉定會議章程。會議修復實院事。△外務部電咨浙撫。編練。力拒法商滬紹行輪事。△戶部議覆奉天將軍之奏。行文各省。籌備東三省的餉。▲兩部奏請整頓錢法。△商部咨行各省。凡入日籍者。原籍不得置產。△袁泰兵輪被英國印度皇后輪撞沈案。認直後索賠銀四十九萬兩。被告許賠三十萬。江督周馥不允。△新撫潘效蘇奏准改新疆世襲兵為常備軍。並設局專辦屯牧事。初二日。▲以沈大鯨調補浙江溫州鎮總兵。任永清調補山東曹州鎮總兵。△太后特撥銀三十萬兩撫恤東

雜俎

三省難民。由日使紹介。運往給發。△江督周馥電請收回設立江淮巡撫之成命。△湖北教育普及社書店以出售禁書被封。並逮捕店主諸人。△俄使謁外務部。責馬玉崑部兵聯合聯匪攻擊俄兵事。△英使索辦貴州全省礦產。▲上海震旦學院解散。以法教士干預教育權也。初三日。△駐韓使臣會廣銓指定圖們江岸中國界址。△英政府派章禮敦至印度。與唐紹儀商議藏約。初四日。△政府議設南北洋無線電信。△漢口修改租界章程。初五日。△直督袁世凱派海琛等船查毀海面浮雷。△鄂督張之洞派員查勘川漢鐵路。▲淮撫恩壽奏請將海門廳劃歸淮省。△浙紳自設滬紹行輪公司。▲日使告外務部。自初五日起。撤退遼西中立地軍隊。初六日。▲以董履高調補安徽壽春鎮總兵。李寶善補授貴州安義鎮總兵。初七日。△吏部酌定捕匪獎章。△商部奏請整頓四川商務。奉 旨飭川督籌辦。初八日。△侍郎胡燏棻許洋商有建設北京電

三十九

乙巳

燈之權。△日使請懲治暗通俄人之官員。△科布多辦事大臣錫恆奏稱。前有俄人在哈薩克地方開礦。因強買旗地。蒙民聚衆抗阻。俄人調兵彈壓。至今逗遛不去。初九日。▲特簡大學士裕德尙書長庚侍郎徐世昌往保定閱操。裕德辭。△召見戶部尙書趙爾巽。密議東三省事宜。△政府答覆美國。願與海牙第二次和平會議。△俄使干預俄羅斯領榮輝製職事。△日本聲言俄國侵犯中國中立者六事。初十日。△戶部咨查各省出入。△兵部侍郎鐵良進呈各省軍政財政圖表閱操影片。△閩省京官奏閩省鐵路。請派前內閣學士陳寶琛爲總辦。△內閣學士樞毓鼎奏參鐵良。△奉天將軍增祺歸自俄軍。十一日。△學務大臣議飭各省編立學堂表具報。▲商部奏將南洋公學改爲上海高等實業學堂。奉旨依議。△御史潘慶瀾奏參浙撫鼎緝渠豫撫陳夔龍皖撫誠勳。△德使要求德州至天津築路權。十二日。△商部准免華商自造機器麵粉之稅。

▲庫倫辦事大臣報稱俄兵自貝加爾州經蒙古之恰克圖以至張家口。欲將該處一帶實行占踞。十四日。▲戶部尙書趙爾巽赴天津。與直督袁世凱密商要件。▲順天府奏設公估局。整頓錢法。十五日。▲以徐印川署理貴州提督。△練兵處議定各省陸軍。通用六米里五口徑毛瑟槍。△江南改編陸軍。設八標。又留防隊三十六隊。△江陰設雷電學堂。△美使牒外務部。謂與英法德奧比意六國同盟。保全中國。△山東殺斃華兵周佩有之德人。一名黑德爾。一名美耶。由德領事判定監禁。一十三個月。一七個月。十六日。△直督袁世凱奏劾臨城礦事。奉旨。鈕秉臣革職。嚴照煥發往軍臺。△鄂督張之洞嚴諭查拿革命黨。稽查各書肆有無私售禁書。十七日。▲以余誠格補授廣西按察使。△四川嘉定府有紅燈會匪滋事。△江甯士子以改書院爲師範傳習所事。閩閩罷考。▲湖州民教爭地案在上海議結。十八日。▲以濮子澗調補廣東按察使。程儀洛

補授安徽按察使。△淮撫恩壽奏請以淮揚道兼轄淮關。△福公司山西澤州通河南道口之鐵路歸併蘆漢幹路。二十日。△江督周馥派遺員弁百餘名赴天津督警察。▲上海警鐘日報館被封。△直督袁世凱以直隸公債票向日商正金銀行貸銀三百萬兩。△浙撫聶緝規考取師範生百人至日本游學。二十一日。△政務處議定各省銅元局皆歸戶部經理。△駐紮上海奇兵營滬軍營。改歸江海關道節制。△督辦廣西邊防鄭孝胥因病乞休。將擇人以代之。△日軍拘奉天驛巡道王顯勳等十九人。旋釋之。△吉林將軍富順電告俄兵竄入吉林。請俄使轉飭阻止。二十二日。▲以鐵良署理兵部尚書。△粵督岑春煊奏保剿平思恩柳慶以南土匪及剿滅柳州叛匪出力人員。奉旨著照所請。△廣東著名匪首林瓜四等六人正法。△吉林將軍富順諭飭華商自行售股開辦奉天寶山銀礦。△查辦藏事唐紹儀電陳改定西藏條約。政府電駁五條。

雜俎


著再磋商。二十三日。△景陵隆恩殿災。二十四日。△淮撫恩壽奏請以淮安爲省會。△直隸公債票到滬。由招商電報二局經理。二十五日。△政務處議覆緩修貢院。明年鄉試。仍借泮閣。△戶部奉旨籌撥庫款百五十萬兩。開設銀行。發行鈔票。△御史姚舒密奏參直隸公債票之擾民。△鄂督張之洞奏陳東三省臨時善後策四條。二十六日。▲以李昭煒暫兼署禮部右侍郎。△署兵部尚書鐵良奏移設製造廠事。宜以萍鄉爲南廠。武昌爲中廠。另於直隸河南之間設一北廠。△淮遠賴喇嘛由張家口內地回藏。△韓外部電令駐華公使率屬回國。凡中韓交涉之事。均由日本公使代理。二十七日。△江督周馥派德工程司辦理上海船廠。二十八日。△江督周馥奏請開鎮江仙女鎮七濠口等處米禁。奉旨該部知道。△美人倍次又謀我浙粵路權。二十九日。△江督周馥商請直督派游擊蔣超英赴甯。監考水師學堂。拔尤派往直隸。實地訓練。△

四十一

乙巳

雜俎

奉天將軍增祺電告政府。以屬員不見信於日人。有礙交涉。請調易各員。旋由直督袁世凱先派道員沈桐鏡。繼前往接辦。▲北京天主教會主教樊國樑卒。



四十二

三月

叢談

除霧新法 倫敦時有大霧。咫尺莫辨。有謂多放紙意。使之衝突。則紛如雨下。其霧自銷。有謂燃礮轟擊。火氣上攻。其霧自散。有著名格致家梯打。考出霞霧。係濕濁之氣團。結而成。衝以熱氣。必化為清氣。紛紛下墜矣。有格致家辣治者。亦謂照梯打之法。須各處高豎木柱。簷入雲霄。然後安置電機。引上激射。最為得法。

黑斑紀奇 泰西天文家。謂光緒三十一年正月初。日中見有最大黑斑。長十七萬三千六百法里。闊十萬二千法里。面積共一萬三千兆法方里。以地面較之。則地祇居此斑百分之一。以日較之。日居此斑八分之一。

雨蛙 光緒十八年。德國包德波爾內城。一日悶熱異常。忽有一陣黃雲。布於空際。逾時大雨傾盆。中雜蛙類無算。此以旋風鼓舞。捲取諸蛙。入于雲中。隨雨而降耳。人類比較。世界人類。長短不一。英人長五尺七寸一分。

叢談

巴達郭尼亞人五尺九寸一分。蘇國人五尺六寸二分。那威瑞典人五尺六寸五分。幾尼亞人五尺六寸九分。坡利涅西亞人五尺八寸一分。法人五尺四寸五分。俄人五尺四寸八分。德人五尺五寸三分。比人五尺五寸六分。愛爾蘭人五尺六寸。印度人五尺四寸二分。華人五尺四寸一分。其他為意人。比爾威亞人。又次則不及五尺三寸者。若日本人。馬來人。則為最矮種。

黑人別種 非洲人雖通稱黑種。然其中央部有一種人。皮作黃銅色。其頭部視尋常黑人。較為龐大。是為非洲特別人種。研求種學者。不可不知。

種學新名 擇種留良之法。不能施於人類。然近日人種學。日以發達。西國學校中新立一種科學。名曰由幾業。譯言繙釋人種學也。專以研究人類身體與智慧。而求其差等之所以然。凡遺傳之理及婚娶之宜。無不包舉。

至人無夢 人常將醒未醒之時。即朦朧而成夢。因胃中宿食未化。胃經不能安睡。以致感觸第十對神經。故亦多

三

乙巳

夢。至夢中往往能想日間遺忘之事者。凡事經五官而入腦。必有記念印於腦中。如照片然。雖經數十年。不能磨滅。若睡時則雜念屏除。昔之印於腦中者。今或現於夢裏。而人有時無夢之故。在於神經用力。勞逸相等。各部血液。同時升降。無半動半息之弊。故不成夢。古語云。至人無夢。非真無夢也。乃攝生得其道耳。

唱歌去病 西國博士巴脫氏云。唱歌乃一種呼吸法。若應絃合節。則能感換肺氣。而增血液中之酸素。以減炭酸。使胸中鬱悶徐消。胸柱壁直。又能減其血壓。使心臟動作較易。助新陳代謝之力。凡患萎黃病及氣加答兒慢性肺病慢性心臟病等症。苟唱歌合節。必可漸愈。蓋唱歌亦一種體操術。足以維持健康。最有效驗。且女子亦易行之。洵衛生之簡便妙法也。

洗血新法 法國醫生納賓得一新法。能取人血洗之。若血中有毒。則於血管中放血使出。存其血輪。去其血液。而以化學所成之新血液加入血輪。令重行迴入血管。則全

身之血。皆經洗淨。

以皮補皮 美國紐約有西童普士。因在某火柴廠。偶拾硫磺一塊。納於褲囊。時因跳舞為戲。遂致研擊硫磺。當堂着火。燒及腓皮。至於腐爛。經某醫生考出一法。擬將大腹老鼠。先用迷藥灌之。生取其皮。以為敷補。再用藥水療治。數日後即可奏效。

空氣含塵 理學士羅哀奪剛君。驗得空氣中莫不雜有塵埃。在都會空氣一立方里中。鮮有塵埃十萬粒之多。而村落則僅數十粒。即平地中無論如何清靜之地。每一立方里中。亦不免有數百粒。獨至高山中。每一立方里。則僅有數粒。故欲避垢者。宜擇高山。

洗塵新機 泰西街道。常洒以水。以免塵埃汚人。近有人創一新機。因洒水緩則塵瀦泥。其法能使水速流。使塵清脫。其車下水頭。約噴二丈之闊。一點鐘能行二十里。

長壽之鯨 世界動物之最長壽者為鯨。其經三四百歲者。有時為人捕獲。可驗其體量與骨屬增加之數。即知其

年齡多寡。據動物學者尼科兒松云。克林蘭之鯨。非常碩偉。其重量有二十二萬四千磅。當合巨象八十八頭。或熊四百四十頭。方可與敵。

鼠驗養氣 英國化學家伯里厄斯德利。獲一試驗法。以示植物日間吐養氣。捕鼠一頭。緊閉之玻璃罩中。內氣因鼠呼吸。漸成混濁。鼠即顯不快狀。乃投入藿香草。置日光下。未幾鼠即醒活舞蹈。因鼠吐炭氣於草。草吐養氣於鼠也。又採水草鮮葉。如荷葉萍葉。荷葉香等葉。置玻璃瓶內。注以清水。吹至數時。使消融炭氣。少許。以軟木緊塞其口。軟木中心。插一曲管。移置窗口。曬日光下。遂起無數小泡。別取一小瓶。注滿清水。底接一彎管。通至起泡管。收取氣泡。此乃養氣之質。

硫氣滅蟻 白蟻之窠。每長一丈二尺。深入地中三尺。一雖能生多子。斐南有城名蒲拉法。每年約失利十萬元。每木五十株中。必蛀其四十九。紙書衣履等。無不壞之。若有死畜。一點鐘後。盡被食既。西人近用硫氣滅之。並有人出

叢 談

金寶與滅蟻者

寄生魚 詩維鵲有巢。維鳩居之。註。鳩性拙。不能為巢。居鵲之成巢。詎知水族亦有具此性者。西國動物家。考知有種柔體魚。其身無殼。乃鑽入蚌殼內。據為安樂窩。寄生於內。

失水魚 魚之在水。如人之在氣。法諺有曰。有福者如魚得水。此即劉先主謂孤得孔明。猶魚得水之意。故常人皆云。魚失水必死。然竟有一類魚不然。一曰近眼胞魚。產非洲塞內岡。眼端有肥皮護之。雙目相去甚近。能入泥不死。其胸旁有翅。具細鱗。渾如臂。腹下翅相連。可踞石不墮。其呼吸賴腮。腮濕則呼吸不死。此魚所以出水而不死者。因其腮濕而不乾耳。性喜居陸。時有別畜欲啖之。則入泥中以遁。一曰爬魚。能上樹。產於印度。爬升棕樹。食其汁。尾翅有尖刺。作鈎形。故能升降。其所以能出水者。因其身具小水囊。其水可潤腮而不死也。

鯽魚自保 歐美二洲。產有一種鯽魚。善營窩。以首尾取

三

乙巳

泥。堆作圓形。旁留一門以出入。卵養其中。以阻大魚吞食。環球人畜。大都以大吞小。誰知小者亦有機謀。克避其鋒。彼以大疆土而見蝕於鄰封。誠魚智之不若也。

植物吸肥 植物喜吸肥料。以助生長。如動物之須飲食。亦須光熱空氣相助也。學士某見某園所種蘿藤。中置肥料。右蘿藤約離肥料尺餘。左離不及一尺。二蘿藤之根。皆向肥料而橫伸。近肥料處。生小根尤多。足見植物之不可少肥料也。

食玻璃樹 印度產一種樹。食其根葉後。可嚼玻璃無害。故名曰食玻璃樹。印之奸僧。多以此法欺愚人。謂能食玻璃不害。實則先食此樹耳。西國植物學家。名其樹曰 *Tylanthus*。高一尺上下。自下而上。發出枝葉。其色綠。葉莖甚短。年年發生。

辟蚊之樹 非洲有種小樹。能辟蚊。土人採其葉泡飲之。可治病。與金雞納無異。英國植物學家。謂自古相傳。有一種草可以辟蚊。且治瘧疾。消瘴氣。前此印度孟買。有人築

一花園。工役多病瘧。主人命取波西樹種之。果蚊去瘧愈。惟英國植物院種之。殊不見效。以地氣異也。

考察灰麥 灰麥一名朽麥。麥中有此。則難望有秋。近瑞士人羅福初。以前者西人疑此麥係毒汁所成。觀以顯鏡。見中多小菌。致麥霉爛。乃置灰麥於蒸水銅器。則灰麥不復爛。遂悟以銅硫上治。置麥於中。取起種之。可免霉爛。按銅硫上治。乃以銅硫二物和治而成。上者。上品之謂也。係西人捏名。人初猜疑不用。以為有毒。繼有試者。果如其言。今則比戶用之矣。

燃氣成音 玻璃長管。二端皆通。套於輕氣火上。使火透入管中。則空氣隨之入。倏忽激動。時時有聲。生聲既速。遂成樂音。其音之高低。視管之長短。與徑之大小。最奇者。人聲與樂聲亂。管音忽停。再有相和之聲。管音復作。

傳音各異 自法京至英京。有電話線。過窄海時。即沈線海中。近有電學報云。英語之傳於此線者。不如法語之清晰。因法國多有音字。英國多無音字也。

蛛融花色 蜘蛛中有所謂多默蛛者。其蛛係名多默之人。最初覺得。故以名之。喜居五瓣花上。此花分白綠淡紅三色。居白花者。蛛色變白。居綠花者。蛛色變綠。居淡紅花者。蛛色變淡紅。更有居深紅大理亞花上者。其蛛即變黃色。

魚借水光 扁魚身下無色。身上有色。其色如所居之水。有博物家置十三扁魚於水內。阻水上之光入水。另於水下射入他光。則見十三魚中。有十魚漸去其上身之色。而身下則染他色。如射入之光色。

木質光性 近日光學發明後。如倫根如雷迭恩等。皆有一種特別光性。又有人得各種木質。亦含發光性。人不能見。試於黑暗中。以木之剖面對攝影鏡。則鏡中能吸取其光。以成畫片。亦一奇也。

光色治病 西國有以聲治病之法。亦有以光治病之法。故知各色之於人。甚有激動。近意大利顛病院內。每間繪以一色。凡狂暴者入藍色間。逾一二小時即愈。尤甚者則

入紫色間。一日而愈。倘有憂愁煩悶之輩。則入紅室。不過三小時亦可愈。

攝影進步 法國新得攝影之法。能用極速之時。而甚清晰。蓋因新得一種玻璃。明淨異常。絕無瑕疵。其最大之用在於天文。如同一圈界內。用舊法攝星影。得星三百五十顆。新法則能多至六百十九顆。

返光新鏡 意大利人非拿。新創測深鏡。式與望遠鏡相似。可窺海底。亦能用電燈以照澈之。其法乃用返光術。能以海底所有返光而攝影於船中所懸之紙。見者爭相歎美。此鏡關係。在於尋求沈船。又創起重法。能起水底船隻。四十年來。講求此事。已有新法三四千。尙未能無遺憾。今乃得之。

日光測日 據西人謂太陽黑斑顯現。可不用遠鏡。目力亦能見之。若嫌日光眩目。可用玻璃於燈上熏黑。罩於目上觀之。

新物阻電 法國化學家。新得一種金類原質名波羅尼

照散空氣中。能阻電使不行。其試驗法。以一面發電。一面收電。荷置此物其中。則發電時祇出火而不能透過。與玻璃無異。其所用者。不過一千五百分格林之一。

裝電新法 美國大發明家愛迭生。欲得一多裝電氣之法。使之滿載。足敷電輪電車稍久之用。與裝煤無異。則以後電車鐵路。不須中途過若干里。必設一局。今已思得其法矣。

電絲價重 電氣燈內所用細絲。係一種竹料所成。其元質初時一斤僅數錢。今則斤值一萬元。可見實業之益甚大。變極賤之物為極貴。其權操之學問家矣。

電線運物 西人近日新得一法。能於懸空電線。以電力運送各種物件。又有人謂大空中不無阻力。且風雨不時。未若地底電線之較妥。

寄信新機 意國某監工自製一器。不用電線而即可彼此問答。如甲有事以詢乙。雖乙適他出。而乙家機器。即能將甲所詢之事。書於簡上。而封固之。每一小時。可寫一千

二百字。如是則數年之後。郵局即無用矣。

自記海程 取西國記程表。佩諸胸間。則能記其行步。近有人新得一法。兼能記其所行之圖。曲折高低。一一如繪。與人力所測無異。又得一量海法。與前之以線量海不同。法於船內垂一桿。桿端有輪。行於海底。則桿之又一端。能記海底深淺於紙上。所經高低曲折。可一望而知云。

鐵皮小船 凡行小船者。易搖動傾覆。美國近有人新得一法。於船外包以最薄鐵皮。船底相離。則水入其中。與船內裝有重載無異。而無搖動傾覆之虞。

陸上新艦 俄國陸軍會。試驗一種新發明之軍器。名曰陸上鐵甲巡艦。其速力與海上之最大巡洋艦等。能衝入敵軍。扑倒人馬。聞此艦係俄國陸軍省所造。法極秘密。

鎔金新法 粵省首飾店。鎔化金銀及配煉器皿。其火力悉用口氣貫銅管以吹之。故匠人有因是而傷氣致病者。近有工人思得一法。以汽力代之。用法甚捷。祇用白鐵造成一密罐。在頂上配一管。狀如烟筒。嘴灣屈向下。留一小

孔。用時以水入罐。乘以火爐。水沸則蒸汽蓬蓬。由管噴小孔出。力逾口氣數倍。緩急任意。以之鑄化金銀及模配器物。其稱得宜。

鍛銅生鋼之新法。銅之爲物。比鐵不易生鏽。但鐵能成鋼。銅則不能。有德人考得一法。能令銅質變成剃刀之利。曾經報領商標專利。法以銅質利器燒熱。一面加硫磺細末。待熱至合宜之度。即淬於胆礬水內。便成。

煤料琢成之器。美國製造廠。專以煤料作器。如碗盞湯鍋。乳罐花瓶及各玩物。色純黑。用之頗不雅觀。然堅勝於磁。美國賓西爾瓦尼有一煤礦。出煤最夥。土人採其最堅者。以之作器。獲利甚厚。其工始以鑿刀刻作物形。繼用機車修飾之。復以牛皮輪旋之使滑。乃成物品。操此業者。購買粗料每噸十五佛郎。成器後每噸可售五千佛郎。

吸水妙法。有日光機者。光熱皆從日而發。聚日光於一點。即可生火。再以火生氣。轉輪頗易。近有人新得一法。用小透光鏡。裝於一架之上。共一千七百八十八面。聚光於

畫 談

一點。此點適當鍋爐。爐中水熱化氣。機輪自動。現美國舊金山南。每年有三百日晴明。故此架即置於此地。合各鏡之徑。得英尺三千二百六寸。另安一機。使其鏡隨日影而移。其自行之架甚堅固。大風力所不能動。聞此機專用以吸水灌田。每一分鐘。得水一千四百加倫。

救火新衣。救火之人。最畏煙氣。美國格致家高老拉道。新創救火衣一種。使煙不入衣。將其衣自頭覆至足。背上負一小匣。內藏呼吸之要氣。眼前有鏡。可見外物。另備小電燈一枚。既能煙氣不入。又能呼吸如常。

觀戰新法。英國現得一觀戰新法。其法用一人乘紙鳶。隨風駛送。上置照相機一架。從四里外送。至戰地空際。攝取真影。如此則人不留意。可免危險。較輕氣球更爲輕巧便利。

美國用煤油駕船。美國離勃勞司根船。從紐約起程。經美其倫海峽。而達太平洋。約行一萬三千一百五十英里。計五十二日零十點鐘時內。船中所燒煤油。九千六百九

七

乙巳

叢 談

十四桶。按此船能不用煤斤。而專用燒油。以行長路。前未有也。

糖樹發見。有德人在南美洲某處。尋得一種木本之樹。含有糖質。漿汁甚稠。較之草本之蔗。出糖約多二十倍。而味亦極清純。糖質本潔。鎔化甚易。其地此樹甚多。亦易生發。

